

**VITAE BEATORUM
APOSTOLORUM
PETRI & PAULI
DESCRIPTAE A
PAULLO AEMILIO...**

Paolo Emilio Santoro, Aldo
Manuzio





M



XVIII. 20.


0.7.

VITAE
BEATORVM
APOSTOLORVM
PETRI
&
PAVLI

Descriptae



a Paulo Aemilio Sanctorio
Casertano.



ROMAE . CIO IO XCVII

Ex Typographia Antonij Zannetti.

Superiorum Permissu.

2



WITAE
 BEATISSIMI
 APOSTOLORUM
 PETRI
 ET
 PAULI

in Urbe Constantinensi
 Constantino



ROMAE . CIVIS XCVII
 Ex Typographia
 Superiorum Permillis.



ILL^{MO}, ET R^{MO}. D. D.

AVGVSTINO · VALERIO

S. R. E. CARD. AMPLISS.



VODECIMVS agitur annus,
ex quo Venetijs Bononiam;
decimus, ex quo Bononia Pi-
fas; octauus, ex quo Pisis Ro-
mam appuli. Dicam libere,
ut natura mea fert. Cum an-
tea saepe, tum in primis in
hac mea peregrinatione, nihil esse ortum in re-
bus humanis, nihil simplex, nihil molestia ua-
cuum, animaduerti. Ad Urbem cum ueni, mira
laetitia, ac uoluptate, gestiebat animus meus:
non quia, quod omnes fere solent, ex adspectu
huius Orbis terrarū emporij, aut ex interfluen-
te Urbem Tiberi, ex amoenissimis collibus, ex

a 2 Templo-

Templorum, & aedium magnificentia, uiarum
descriptione, antiquis operibus, oblectationem
mihi ullam proponerem : quamquam haec &
iucunda sunt, nec splendore carent : sed erat ex
alio genere uoluptas mea : ut scilicet , post da-
tam religioni operam , illustrium , & doctorum
uirorum beneuolentia , & consuetudine , frue-
rer , & cum ijs totos dies essem . Contra ceci-
dit . Spem , opinionemq. meam frustratus est
euentus . Septennium enim ipsum , molestis-
simis curis implicitus , ita Romae fui , uix ut
umquam Romam uel a limine salutauerim . Sic
sunt humana . Estq. hoc huiuscaeli proprium ,
ac peculiare , ut in summo otio negotiosissimi
semper simus . Sed tamen , multorum beni-
gnitatem expertus , ingratissimus sim , si eam si-
lentio obuoluam . Vna me praecipue domus ,
una , inquam , non solum humane , sed etiam
liberaliter admodum , & benefice , toto tempo-
re excepit , fouit , aluit , alit . Iulius Antonius
Sanctorius S . R . E . Cardinalis est , quem ore
Tuo saepissime celebratum recorder , propter
insignes , maximasq. uirtutes , & ob unam , incre-
dibilem in primis , ac paene diuinam , animi ma-
gnitudinem , nec calamitate umquam fractam ,
aut debilitatam , nec secundis rebus inolescen-
tem : cuius me beneficio spiritum ducere , &
hucusque honeste seruatum , & profiteor , &
glorior . Vel unus Paullus Aemilius , eiusdem
Illustrissimi , & Reuerendissimi Iulij Antonij ,
Cardinalis , fratris filius , cuius ego familiaritate
Pis maximum sum usus , cuiusq. inexhaustam be-
nigni-

nignitatem, Familiae propriam, quotidie Romae experior, me suis ad omnem laudem directis sermonibus exhilarat. Scripta uero, multorum uoluminum, inter enarrationem sacrarum, profanarumq. rerum, quid habent, quod illi cum alijs sit commune? ijs ego mirifice capior: & optime tunc mecum agi existimo, cum ea legere datur. Superioribus diebus impectraui, uel potius e manibus ipsius extorsi Beatorum Apostolorum Petri, & Pauli Vitas. Eas, diu in scamno neglectas, ueluti pubescentis partum aetatis, animo maioribus iam uoluminibus distento, cum pluries legendo contriuissem, neque umquam e sinu deponerem, ne inuidiae crimen, a quo longe absum, mihi quisquam obijceret, alijs communicare statui; ad reprimendam eorum maxime opinionem, atque sententiam, qui, futili, atque inani prorsus iudicio, negant, insigni eloquentiae stylo celebrari posse res sacras. Cumq. iudicium meum saepe a Te de singularibus Paulli Aemilij animi dotibus cōprobari memoria tenerem, eas Tibi tradendas iure optimo decreui. Accedit, quod, cum ego Tibi, siue ob ueterem Paulli Patris mei necessitudinē, cuius memoria delectari Te saepissime sensi, siue ob eam, quam erga bonos viros exerces, humanitatem, quorum in numero me a Te collocari, est, cur, mirifice gaudeam, plurimum debeam, hoc officium meum Tibi non insuaue futurum certo sciam. Noui ego, quos sis sensu. norunt plane omnes Te, uel qui Tuam tantum faciem norunt, animi indicem. Nihil
Te

Tē umquam inane cepit: nihil humile dilexisti.
prima Tibi semper fuit innocentia: addidisti ad
eam, Philosophiae. primum, deinde sacrarum
litterarum, praestantem cognitionem: in con-
gressu, in sermone, in reliqua omni uita, mo-
destiam, & grauitatem, singulari refertam hu-
manitate, retinuisti. Quae uero litteris man-
das, bone Deus, qualia sunt? Vtinam aut plus
Tibi uacui temporis a summis Romanis occu-
pationibus, quibus maiores esse non possunt,
cōtingeret, ut doctrinae Tuae collectos diutur-
no studio thesauros effundere, & communica-
re nobiscum posses; aut existerent multi, quod
optare potius, quam sperare, licet, qui, quod
eripit Tibi Romana haec commoratio, id per
otium, imitatione Tui, praestare, aliqua saltem
ex parte, conarentur. reuiuisceret, atque exfur-
geret, uetus ille Christianae uirtutis, amor: se-
cūdas res humilitas, aduersas patientia, comita-
retur: non quasi numen diuitiae coleretur: non
animorum aciem, traditam homini, praeci-
puo quodam, ac singulari, munere, ad diuina
contemplanda, splendor inanis, & fucata spe-
cies humanae gloriae, praestingeret: denique
sine lolio, & zizania, triticum nasceretur: nec
essent, quos utinam non esse plurimos uiderem-
us, qui Domini Vineam dissiparent. quod
Tu malum, atque omnino quaecūque & prae-
ter opinionem, & contra uoluntatem nostram
accidunt, recte nostris criminibus assignare so-
les. quae si tollantur, pijsq. precibus iustam Dei
Omnipotētis iram, minime iam dubijs declara-
tam

tam signis , lenire, ac minuere, studeamus : quis dubitet, quin publica res, quam communis hostis quotidie labefactat magis, &, nisi nos respiciat caelestis ille Pater, etiam conuelleret, breui restituta , atque confirmata , omni felicitate , & gloria , redundet ? In quo Tua nos , Cardinalis Amplissime, innocentia, Tuae preces, Tua plurimum, ut speramus , adiuuabit intercessio . alij enim , uel consuetudine corrupti , nondum resipiscunt ; uel , memoria peccatorum deterriti , afflictio animo , oculos ad caelum tollere non audent .

Ex Vaticano , ubi Clementis IIX. Pont. Max. Pontificia beneficentia annum iam uiuo , Idibus Febr. CIO ID XCVII. qui mihi primus dies est anni LI.

Ill^{us} . , & R^{ex} . D . T .

addictissimus,

Aldus Manucius , P . F . A . N .

1. The first step is to identify the problem or question that needs to be answered. This involves understanding the context and the specific requirements of the task.

. T. C. 2. 2. 10

• • • • •



BEATVS · PETRVS APOSTOLVS



ASCENTIS primordia Ecclesiae Romana excepit felicitas, magnitudoque: siquidem, terrarum orbe deuicto, gentibusq. subactis, Pompeio, Caesareq. occisis, deinde Cassio, Brutoque, demum M. Antonio nauali ad Actium proelio fugato, & Alexandriae ferro cadente, Octavianus Caesar, Magni Caesaris ex sorore nepos, Augusti cognomento honestatus, summa rerum capessit; sedatisq. tot procellarum fluctibus, qui paullo ante Romanum nomen ciuili rabie prope ad interitum agitarant, domi, militiaeq. ita Remp. instituit, ut Populo Romano nequaquam paenitendus existerit. Cuius felicitatem in tam longe lateq. fusis opibus, annumq. XLI. cuius Imperij CHRISTI ortus mire auxit, illustrauitque, cum in censu Romani orbis IIX. Kal. Ianuarij, Cn. Cornelio Lentulo, & M. Valerio Messallino Consulibus, ab Vrbe condita IO CCLI. Olympiadis CXCI V. anno II. Bethlehem paruo in Opido in lucem fuerit editus immortalis Deus, mortali carne

A

uesti-

uestitus, ut genus humanum, primi parentis scelere funestatum, mortuumque, suo macerato corpore, ab interitu vindicaret, inferorumq. Principem late regnantem, & opimis spolijs cum trophaeo deceptae mulieris tumentem, prosterneret. Igitur, iam grandis, ad confluentem Iordanis a Ioanne Baptista lotus aqua, (non quod ipse ea expiatione indigeret, quippe integerrimus, & Deus; sed tradito nobis praecepto, trinae in hypostasis nomine, sacra ut aqua ad ablunda crimina, fruendamq. simul sempiterni auram aevi abstergeremur) duodecim sibi auditores elegit, quos uocari Apostolos uoluit, uiles quidem animas, & nullo in terris nobilitatis fuco turgentes, sed caelesti fulgore clarissimas, ita, ut ad earum nomen prostratus Caesarum, Regumq. fastus inhorresceret, pieq. submissis fascibus ueneraretur. Nihil illo ordine praeclarius, nihil sanctius, nihil augustius: ueluti qui socij Christi in laboribus, comites in itinere, sodalesq. fuere. infirma ante Christi mortem fides; obtrusum ingenium; fracti animi; sed ab anastasi lymphati almo spiritu nulla pericula expauere. Quorum insignem cum pietate gloriam Simon Cephas, a CHRISTO Petri cognomine insignitus, longe transcendit, & claritate uirtutum, & dignitatis praerogatiua: cum ab ipso IESV, adhuc in humanis agente, omnium Princeps, & Pastor sit appellatus. Sed haec postea suo loco dicentur.

PETRVS igitur natus est Iuliae, ad lacum Genesareth, (quae & Bethsaida nuncupatur, a Philippo Dynasta condita) Ioanne patre, ex tribu Zabulon, aut Nephtalim, loco humili, ueluti qui piscatoriam egerit. uestitus illi obscurus, nec sordidus tamen. unica substricta contentus tunica, pallioque: in uictu oleam, lupinos, aut herbas adhibere: & sic in aqua sedabat. Haec illi in cibis uoluptas, hi mensarum apparatus: & nunc uariis irritata gula saporibus spernit Assyricos luxus, & Canopeiam mollietatem, nec Cleopatrae, Veriq. Aurelij, cenis acquiescit: tantum nos a pristina morum sanctitate degenerauimus: at praeterita cum praeconio celebramus, nec amplexari enitimur, spernimus praesentia, & futura anhelamus. Sed Petrus, simplicitate ciborum commendatus, parem in rebus omnibus abstinentiam seruauit. habuit & uxorem, quae

quae praestantissimo animo datis postea ceruicibus Christianam gloriam auxit, ipso adhortante, uidenteq. uiro, filiam Aristobuli, ueteri Hebraeorum more, cum caelibatus minime in tanta exultatione esset, ignotaq. apud eam gentem tantae uirtutis gloria sordesceret, praeterquam apud Essenos, qua mortalis beatarum mentium naturam transcendit. Ex quo matrimonio geminus illi natus est par tus: sed Petronilla filia praecipua in fama est, ob insignem corporis formam, miramq. suauitatem morum, quae paternam sanctimoniam imitata persancte uixit, adamataq. a Flacco Comite caelebs migravit in Caelum. Sic tradidere maiores: licet apud peritos antiquitatis suspicio oboriarur, fuerit ne illi Petronilla filia ex taedis progenita, an ob pietatem in ius filiae adscita. Nos certe, placitis maiorum pie insistentes, Petronillam inter caelites adscriptam, ac Christianis Fastis memoratam, illustratamq. coemeterij memoria, sancte, religioseq. ueneramus. Erat Petrus, (ut ex imaginibus, & signis perspicere licet) corpore haud indecoro, nec tamen exiguo, erecta ceruice, ore subpallido, & albicanti, atris, ac uiuacibus oculis, sanguineam tamen redolentibus aciem, euulsis supercilijs, praelongo naso, & simo, pressoque ad extrema, denso, crispatoq. capillo, animo haud uersuto, &, ante datam terrarum orbi legem, non dum immensa illa Dei magnitudine uirgineo restricta utero, Mosaicae legis non contemptor, (cum quota gentis pars spoliata libertate extero sub Rege uerustos etiam, piosq. mores abijceret) discendi audius, & ingenio pugnaci, ex Galilaeorum natura, ac moribus, semper arma poscentium, & iusti tenax: fratrem habuit Andream, maiorem natu, pari animi candore, pariq. in quaeritando uictu studio: sed, cum ille Ioannem Baptistam (cuius mira elucebat morum sanctitas, quiq. postea datis Machaerunte ceruicibus immanem Antipae Herodis feritatem testatur) sectaretur, audiuissetq. a doctore, Iesum esse, de quo Vates tam alte cecinerant, quiq. cruore suo nostra scelera lauaturus erat, statim ad Christum se applicuit, Simonemq. fratrem ad illum adducendum curauit, qui, Petri cognomen sortitus, non tamen apud eum tunc remansit,

manſit, ſed, cum Genefarenum ad lacum, piſcium nobilitate celebrem, quadragintaq. ſtadiis in latitudinem patentem, centumq. excurrentem in longitudinem, tota nocte eſſet piſcatus, nullamq. praedam feciſſet, Ieſus, diſmiſſa populi concione, cum Petro dimittere retia imperaſſet, paruiffetq. Petrus, tantam piſcium copiam cepit, ut rete paene dirumperetur. Quod alte in peſtus demiffum cum diu voluiſſet Petrus, cogitaſſetque, & ſupra humanas vires reputaſſet, ſtricto pietate animo, ad Chriſti Pedes ſe abiicit, illiq. ita adhaeſit, ut ne cubito poſtea ab eo diſceſſerit. Quem benigne Chriſtus affatus, conſolatusque. ait, irretiſſe cum quondam piſces, tracturum mox ad retia homines, hoc eſt ad Chriſti ditionem, precibus, ac corporis afflictione. Hinc, reliſtis omnibus, Apoſtoli Chriſtum ſequuntur. Inter Sacramenta Baptiſmatis Petrus ad aeternum decus Chriſti manu abluitur, cum ipſe reliquos, iam expiatus, pari beneficio beaſſet. Inde, orta de edendo Eucharistiæ Corpore, hauriendoq. Sanguine mentione, cum id perperam nonnulli accepiſſent, abiſſentque, id incredibile prorsus opinantes, Diuinam haudquaquam mentientes potentiam, conuerſus ad XII. Chriſtus, percunctatus ab illis eſt, Num & ipſi diſcedere uellent? Tunc Petrus, Domine, ad quem ibimus? Confeſſusq. eſt, illum eſſe uerum Deum. Hinc, cum Chriſtus ꝑ hominum, praeter paruulos, & mulieres, trans mare Galileae, ad Conſulatum Tiberij Auguſti quinctum, & Aelij Sciani, quinque panibus & piſcibus duobus ſatiaſſet, oratumq. in montem ſeceſſiſſet, ſtantibus in ſcaphis Apoſtolis, mare grauiꝑ atrociq. uentorum impulſu tumuiſſet, Apoſtolis ſumtum in terrorem coniectis, nec CHRISTO ignotum periculum foret, quarta noctis uigilia ad eos acceſſit, pedibus mare premens. Quem conſpicatus Petrus, cum ſe in undas deieciſſet, properabat ad illum: cumq. ſuo pondere in ima traheretur, Chriſti contacta manu, periculo eximitur, a Doctore caſtigatus, quod eo in discrimine fide labbaſſet. Inde, cum Chriſtus Caefaream acceſſiſſet, quaſiuiſſetq. a diſcipulis, quae de ipſo apud mortales opinio eſſet; cum reſpondiſſent illi, Alijs Hieremiam, alijs Eliam, aut Ioannem Baptiſtam uideri: Rurſus Ieſus, ij uero quid ſentirent, expoſtulat: tamen Petrus, illum filium Dei ui-

ut esse, respondit. Quamobrem Christus ipsum beatum esse dixit, quando ei non caro, aut sanguis, sed Pater eius, qui in caelestium domorum solio regnaret, talem de eo opinionem, scientiamq. aperuisset; eumq. Petrum esse professus, supraq. petram illam aedificaturum se Ecclesiam suam, quam nec uis inferorum, nec mortalium inuidia labefactare, atque conuellere posset, pollicitus est. Deinde, cum multa Christus de morte, supplicioq. suodiffere-
ret, nosceretq. Petrus, Hierosolymorum Urbem illi in exi-
tium stare, cupiebat auertere magistrum, & discrimini exi-
mere, nescius mortalis, & nimio amore obcaecatus, quan-
tum in Christi nece ad salutem gentium staret. Quod
Christus indigne ferens, hostem eum appellauit, seq. ei
ut sequeretur, imperauit. Sexto post die hominem,
cum Iacobo, atque Ioanne, Itaburium in montem, inter
Scythopolim, magnumq. campum xxx. stadijs se in alti-
tudinem attollentem, Baraci quondam nobilitatum uicto-
ria, Sisara infelicitate cadente sub Hebraeo mucrone, ad-
labim, Cananaci Regis, infamiam, clademque, secum du-
xit, cum repente tantus uultum fulgor, tantusq. uestes-
tandor occupauit, ut nihil in terris gloriosius, nihilq. au-
gustius conspici posset. Eodemq. tempore Moses, &
Elias, duo Iudaici populi decora, colloqui cum Christo
uisi sunt. Tunc Petrus, loci amoenitate captus, & eo iu-
cundissimo adpectu mirè exhilaratus, rogauit Magistrum,
ut ibi commoraretur, statuisq. tribus tabernaculis, ibi re-
liquum aeuum degeret. Nullo responso dato, tantum cae-
lo emissæ uox intonuit, Christum filium; patri carissimum;
ut audirent, imperans. Quo audito, attoniti, humi stra-
ti, procubuerunt. Ad quos Iesus accedens, ut surgerent,
nec pauerent, imperauit, remq. in praesentia pectoribus
occluderent. Illi, stupidi, cum circumtulissent oculos,
praeter Iesum uidere neminem. Eo postea, in uertice
montis, (xx. quippe stadiorum planities expanditur) tria
erecta sunt templa, in clarissimi memoriam mysterij sem-
piternam. At Petri in Christum amor cum fide in dies
major pubescebat: summa in Magistro fiducia, summum
studium illius spectabatur: in illum, Ioannemque, cetero-
rum ora, atque oculi coniecti: illos fama uehere, & admi-
rari, tanquam Christo carissimos, ad amatosque illum au-
torita-

floritate, ac canitię uenerandum, alterum decora iuuenta,
 augusta facie, & in flore roboris, ætatisq. castimonia sin-
 gulari, animo, atque amore in Christum, supra quam credi
 potest, constantissimo, atque firmissimo, adeo, ut illi Chri-
 stus in dolore cruciatuum, tormentorumq. matrem com-
 menderet, daretq. matri illum in filium. At, post solum
 Capharnai Caesari tributum per Petrum, nummo piscis in
 ore reperto. (quippe Iudaea Mithridatico bello in eo cur-
 su uictoriarum M. Tullio Cicerone, & C. Antonio Confu-
 libus. Olympiade CXXX. infestis illuc cum signis illato
 Pompeio, abductoq. in triumphum Aristobulo cum finiti-
 mis Prouincijs, Romana iura susceperat) cum sermo apud
 Christum de contemnendis fortunis esset, exurgens au-
 dacter Petrus quaesuit ab eo, quae tandem praemia, abie-
 cta huius praesentis uitae, cum uoluptatibus, fortunisque,
 cupidine, apud illum essent consecuturi? Cui Christus,
 perennem caelestium orbium sedem, ferendamq. mortali
 de genere nouissimo die sententiam pollicetur. Atrox
 interea, ac dira prorsus in Christi caput coniuratio coqui-
 tur, factio initio a potentum inuidencia, ac peculiari, inue-
 terataq. in sanctos uiros grassandi consuetudine. gentem
 auaram, atque nefariam, tot uiro-um cruore funestam, nul-
 lum umquam beneficium pacarat: quippe Isaiam, grauissi-
 mum, sanctissimumq. uatem, crudelissime diffecauerant,
 Zachariam ferro conciderant, & alios aut lapidibus ob-
 ruerant, aut alio taeterrimo mortis genere affecerant: &
 tum Christi stupenda, ac prorsus diuina signa efferatis in
 animis, ambitioneq. uastatis, altam irarum iecerant mo-
 lem: nam tot mortuos ab inferis excitatos, tot caecis red-
 ditam lucem, paucis cum pane piscibus saturata tot homi-
 num millia, claudos, & uario alios morbi genere confi-
 sctos ad ualitudinem reuocatos, sui in contumeliam, Mo-
 saicaeq. obitum legis, fieri interpretabantur, simul coargu-
 ta a Christo diu animis inhaerentia scelera, ac ficta pietate
 uelata, & palam populo facta, uitae sanctitas, morum in-
 tegrilas, concursusq. gentium, (cum iam tanto: um fama
 prodigio: um nequaquam Palaestinae sinibus terminata
 trans Euphratem late uoligaret) elatos animos, obaera-
 tosq. sceleribus exangebant: uereri simul seditionem, si
 forte is Regiam potestatem, paratis populi ad seruiendum
 animis,

animis, cuperet, quasi, ablaturus, non daturus, Regna hominibus, caelo esset delapsus. caeca hominum mens, & suo comodo prorsus infaniens, pauere simul Romana arma, ne Caesarum maiestate abolita funestas aquilas, & signa tot gentium cruore madentia, patria ante moenia conspicerent. & haec in vulgus. sed altior cogitatio infederat priuatas amittendi fortunas, spoliandiq. dignitate, acerrimoq. inuidiae telo transfigi. itaque, in immensum se attollentem Christi gloriam oppressuri in consilium occidendi hominis descendunt: cumq. inter eos dispari animorum motu certaretur, (alij enim nequaquam in aperto, prae fauore, tumultuq. populari, interficiendum, alij publice, & in conuentu populi accusatum, alij dolo maculandum censere) exurgens Iosephus Caiphas, e Principibus unus, auctoritate, dignitateq. ingens, malorq. scelere, acriter in Christum inuectus, multa cum elocutus esset, eam in sententiam ceteros oratione traduxit sua, ut Christum omnino occidendum decernerent; addens etiam in cursu orationis, mentis inops, & scelere uacors, in morte unius staturam uniuersi populi salutem. Hoc igitur probato consilio, occasionem opperiundam rati, tempus, locumq. circumspectare. nec fugiebant ea Christum, itaque multis argumentis firmare auditorum animos, & blandis orationibus mulcere non destitit, necesse, ad salutem humani generis, ipsum occidi; sed triduo post, propria potentia, triumphato caco-daemone, morteq. deuicta, reuicturum praedicans. colligerent se modo, & forti animo aduersa perferrent, ne uetiori succumberent: quando sita in arduis summa siturus, & periculis, ac discriminibus probetur; in prosperis nulla laus, nisi moderationis fama, datumq. rerum fastigium, uitaq. tranquillitas, ne in fastum, alteriusq. uersa contemptum. intremiscere ad haec auditores, & magno periculo metu circumueniri: amor, reuerentia, metusq. omnia raptare: sed Petri maxime mens nulla consolatione erigi; tristabaturque, uno ex duodecim, uti praedixerat Christus, hosti magistrum prodituro; & amore amens, & sceleris magnitudine attonitus, instanteq. discrimine pauidus, animum diuersas in partes trahere, uariaq. moliri, atque incerto, uehementiq. curarum aestu fluctuare, modo Christi maiestatis tam foede proculcaturae ab inimicis remini-

minisci, modo nefarias manus, & scelestissimum proditorem ante oculos sibi proponere, modo magistri amore flagrare, hircere, atque mori. Impatiens ergo, & dolore commotus, silentio Ioannem precatur, ut is, qui tanti, tamq. execrandi sceleris (nam omne facinus in homine turpe, sed dolus atrocissimum, atque indignissimum) auctor esset futurus, Christi ore exciperet. Igitur Ioannes, obsecuturus Petro, a Saluatoris sedens latere, quippe torus, Christum, Ioannem, ac Petrum accubantes sustentabat, ex aduerso Christi discumbente Iuda: noscit proditorem, & summi pariter Dei arcana haurit. Sed Petrus haudquaquam uoti compos factus, nam obtegitur impia manus, dum Christi epulas tangit, uesciturque, hoc Christus signo proditorem notarat, uerum occulte, ne notus ceteris communi furore ad piandum inexpressibile scelus discerneretur. In ea sacratissima cena quisque ex discipulis celtitatem uouit, etiam uxoratus: nec epulae illae festiue celebratae sunt carmine, non magno illustres apparatu, sed tristibus exceptae pectoribus, propter suspicionem facinoris, magnitudinemq. discriminis. ab epulis Christus ita suos ad submissionis, claritatisq. munia edocens, abiectis uestimentis, cenatoria dumtaxat opertus, haec candida sindon erat, & demissa ad talos, linteo succinctus, ad abluendos, abstergendosq. auditorum pedes se accingit, ab Iuda (ut nonnulli tradunt) incipiens, si forte furiunda mens tanto fauore mitesceret, reuocareturq. ab infando consilio ad pristina obsequia, amoremq. magistri. Sed, ubi ad Petrum est uentum, tanti motus ipse dignitate imperantis, exemploq. tam immensae demissionis attonitus, recusare, & uehementer obistere, nec ullo pacto se passurum inclamare. Sed flammata Petri mentem, & erga magistrum obseruantiam, compescuit, exsistitq. Saluator, nequaquam illum caelesti portitum aula, nisi auctoritati pareret, referens. Qua uoce perculsus Petrus, non pedes modo, sed manus, ac caput ut lauaret, annuit. His peractis, instante iam mortis hora, iterum Christus apud suos concionatur; & eorum constantem fore neminem in ipso discrimine, sed fuga protinus omnes delapsuros, praenuntiat. Sed Petrus praesenti animo respondit, in uestigio se prius moriturum, quam digito ab eius latere discessu-

discessurum : cumq. instaret , & bis , terq. id polliceretur ;
 Christus, intuitus hominem , ter , antequam gallus cane-
 ret , se ab illo abnegatum iri asseruit . Inde , traiciens tor-
 rentem Cedron , qui ad ima decurrit Oliueti , alte ipsis in
 saxi pedum impresso uestigio , in ipsum perrexit Oliuetum ,
 ab Oriente spectantem Hierosolyma , sexto discreta stadio ,
 subeditq. ad ipsius radices , ubi defixa genu uestigia reman-
 sere petra cedente . erexere pij , in loci , factiq. memoriam ;
 sacram postea aedem . ac , secum abductis Petro , Iacobo ,
 & Ioanne ; & noctem illam insomnem traducere , interq.
 preces iussis , ipse stratus humi fundebat Deo preces : paul-
 loq. post tres illos discipulos a somno excitat , & denuo in
 preces se effundit , ut hoc suo nos doceret exemplo , a
 precibus numquam cessandum esse ; quando & saepe pecca-
 mus , saepeq. oratione erigendi sumus . At armatorum co-
 hors , circumdato statione loco , multis luminibus accensis ,
 vasto clamore irrupit in hortum , ardensq. rabie , Christo ,
 proditoris iam osculo noto , propinquat , iam iamq. manus
 in illum inijcere tentat : Non tulit audaciam Petrus , stri-
 ctoq. emicans cultro , Malco , Pontificiae famulanti aulae ,
 vim primo inferenti , obtruncat aurem , & , inimico sangui-
 ne degustato , generoseq. ferocientem inhibuit Christus ,
 sua se tutum potentia , & innumeris caelestium militum le-
 gionibus succinctum cedere in praesentia inimicorum furo-
 ri ostendens . Itaque , discipulorum fuga passim facta , de-
 uincitur Christus , trahiturq. ad Annae , magno 1 x x i r. So-
 niorum praepositi consilio , quod erat sanctissimum , augu-
 stissimumq. apud Hebraeos , vnus e Principibus , coniura-
 tisq. aedes ; non deserit eum Petrus , sequiturq. cum Ioan-
 ne , multo tamen interiecto spatio : intransq. demum Pon-
 tificis aedes . quid fieret , circumspectabat , quando excelsus
 ille animus , immensusq. amor , nullo antea turbine , nec tot
 armatorum adspectu quasiatus , vnus mulierculae uoce infrin-
 gitur , abnegato Magistro . Nec multo post ad focum stans ,
 (quippe frigente bruma) bis eundem in errorem delabi-
 tur . sed ad tertiam vocem galli cantus , intentiq. in illum
 Christi oculi palam homini fecere scelus : recordatusq.
 Magistri uaticinij , rubore perfusus , & graui simul maerore
 anxius , deserta Pontificis domo , lacrymabundus secessit ;
 tantusq. mentem horror cum paenitentia subiit , ut confi-

tendo scelus mori perciperet. Fama etiam tenet, post conceptum illud scelus, infaustamq. caeca in nocte uocem, ad galli sonitum, ingentem semper uim lacrymarum effudisse Petrum, adeo, ut ora lacrymis rigata semper madescerent. At Christus, cum, stupenda uirtute ab inferis excitatus, mulieribus sese ostendisset, id Petro nuntiari mandauit, qui statim ueloci cursu ad tumultum cum Ioanne cucurrit, haerenteq. foris Ioanne ad secundam non intrante speluncam intrauit Iudaeus ipse, procumbensq. ad Aquilonarem partem, quippe sepulturae locus tribus in marmore palmis erat excisus, proclinatis non nisi corporibus in adpectu cadens, adspexit diffusa linteamina, ac sudarium. Quibus uisis, anceps diu stetit, inter spem, metumque. Nec multo post, eo ipso die, Christus se illi uiuentem, & gloriose triumphantem exhibuit, depulso Petri ex pectore angore, & deletio infelicis illius noctis erratu, quo pristinae oblitus reuerentiae tam impie in Magistrum peccarat. Sed sic sinebant secreta caelestia, ut Princeps Ecclesiae labaretur, quo facilius ceterorum criminibus indolgeret. At semel iactatus timoris undis animus nullo postea hostium impetu fuit labefactus, atque conuulsus: non Iudaeorum fraudes, non stricta Romana securis, non crux alte sublata multiplici uirtutum robore firmatam illius a Christo abduxere mentem. Igitur, cum Christus suos per saepe diuino adpectu, alloquioq. consolatus exhilarasset, uni praesertim Petro diuinae mentis ardores large roxabat, tradito imperio aperiri di, claudendiq. ostia superni Regni, eiusq. uigilantiae, atque diligentiae Ecclesia commendata, adoraturis mox gentibus numen, & aethura laturis in omnem aeternitatem. Noe multo post, cum XI. dies fuisset in terris commoratus, euolauit ad caelum. Itaque Apostoli, ceteris cum auditoribus, ad centum uiginti in unum coiungere, cumq. illis Maria Deipara. Ingens in illam cunctorum beneuolentia, mirum obsequium. nam decus oris illud eximium, totius corporis dignitas, summa uenustas, summa castimonia, mirissimi mores, suaue alloquium, uterq. non tactus elargitus Christo lucem, demissaq. ceruix nullo fastu praecincta, cunctos in se traxerant. At, cum uniuersi confedissent in Senatu, erectus Petrus, diuina afflatus aura, ostendit Collegis, oportere, ut ueterum implerentur Patrum uaticinia,

cinia, & in proditoris locum ex ipso numero sufficeretur aliquis, ne sella inanis illa perenne dedecus sacro in ordine testaretur. praeuidisse Dauidem mille & amplius ante annis cum scelere etiam expiationem peccati, abstergendâq. communem maculam edocet. Quibus uerbis ceteri assensu, duorum nomina in sitellam proiecere, ut is forte duceretur, qui sedem proditoris impleveret. hi fuere Iosephus, qui Barfabas dicitur, & Matthias; sed Matthias felicior. Is igitur in duodecim Apostolorum Senatum cooptatur. Postea, octo consequentibus diebus, vnanimes almi Spiritus aduentum praestolantur, omnibus corpora afflicta, in precesq. effusis. Itaque momento temporis quati domus, & uehementior, flaret aura, & in unumquemque ignitae linguae caelo delabi uisae, adeo, ut almo omnes spiritu implerentur, altissimaq. intelligerent, nudarentq. mysteria. Obstupesceres, cuncta illis concessa gentium eloquia, summam dicendi uim, ita, ut omnes Athenis natos, educatosq. crederes. augebatur admiratio, a personis tam antea inscijs, ac rudibus, simulq. in sonitu uocis multarum linguis gentium auditis, notatisque. Ciuitas ipsa Hierosolyma, tunc florentissima, Iudaeaq. regina, par quondam Suis, Ecbatanisque, & concursu nationum clarissima, stupida, Christi discipulos concionantes, & ita subtiliter sacrorum arcana librorum interpretantes, admirari. par omnium stupor, inaequalis animorum iactatio, & dispares sententiae erant: laudare alij, & caelo factum tribuere; irridere alij, & uino languidos, grauatosq. ea effutire iactantes: indigena cuncta in deterius, peregrinus pie accipere, credereque. Quod ubi sensit Petrus, eundum arroganciae obuiam, & premendam Iudaeorum impietatem ratus, ita in conspectu populi coepit: Si uobis ad coetum, viri Iudaei, mendacium adomandum esset, ne sim, nisi longius accersita uerborum ornamenta, & lenocinijs omnibus fucatas sententias exquirere praestaret. nunc, quando pro ueritate standum est, quid orationem calamistrem? nudam illam, & sic elegantiozem, nullisq. ornamentis phaleratam excipite. Par erat, Auditores, uos in re post homines natos inaudita, & in omnem posteritatem praedicanda, quia supra nostram humanitatem fieret, facti diuinitatem agnoscere: non omnia per inuidiam obcaecatos in deteriozem partem

interpretari . Modo paullo ante ciues uestros, conuictores, & fratres meos , quod ex omnibus gentibus conuenae audientiam fecissent , omnium regionum sermonibus diuinitus perceptis, ueritatem insinuare uidebatis . audiebant singulae gentes Ciuitatis suae uoces suas . Hierosolymis peregrini se esse apud suos putabant , & , si fateri uera sineret odium , illi nobis secus rem accipere , quam uos , uidebantur , cum unusquisque , attonito similis , locutos profireretur socios meos humano more maiora : diuino illa motu fieri , non humanitus illa patrari , caeloq. reddebat , quae mei afflatu caelestis , & praepotentis aurae instincti dixissent . furere uos existimabatis , & multum scilicet exspumare ieiunos : eos ipsos , quos suo iudicio gentes exterae collaudassent ; eos ipsos , quos diuina uobis , dissimilibus quidem uocum sonis , sensu tamen plane simillimo , enuntiare audiebatis ; eos ipsos , quos luculentissima sacrarum litterarum testimonia futuros , quos uates diuino afflati spiritu cecinissent , quos Ioelis in primis sanctissimi animus numine aperiente uidisset , quos suis omnibus coloribus ad uiuum uaticinando expinxisset , uos callidi rerum aestimatores uino languentes per ludibrium edormire crapulae , & exhalare uinum temulentos uidebatis . Quid num uobis ueri confessio fulminibus excutienda est ? Num naturae uoces inclamantis expectatis ? Atqui , si quidem uobis liceret , per maleuolentiam meridie uidere , non mutarum rerum uoces , non fulmina defuerunt . Quid illa significabant , cum impia nuper efferatissima immanitatis exempla apud uos edebantur ? Cum magistrum meum , ducem uestrum , uitae lumen , rerum parentem , mundi moderatorem , per inauditam crudelitatem uerberibus diuexatum , & in Crucem etiam , Praeside Romano diu recusante , cum uos , offendi Caesarum maiestatem , & proculcari Romanum nomen uociferaremini , actum etiam num uerbis lacerabitis ? Quid illa lamentantis naturae fluctuatio ? quid diei lumen interdium uel extinctum subito , uel in noctem abditum ? quid montium nutationes , succussionesq. terrarum ? quid maris , sceleribus uestris irati , concitatio ? quid emota sedibus suis Hierosolyma ? quid augustissimi templi tamquam horror , atq. ne iactatio ? quid (infandum dictu) functorum luce corporum et umulis exsiliendum in uulgus , & uobis audientibus ,

bus, uidentibus uobis, ad detestandi facinoris immanitatem ingemiscientium, emissae uoces, quid significabant? Misericordiam me, lugebant Solem suum extinctum pullatam sidera, attratum caelum Regi suo mortuo parentabat, & tamquam parenti suo funus Natura produceret, lamentatrices ad Cenotaphij, hoc est mundi luctuosissimi, molem, aquam, terram, res omnes adhibere: & ut uiuorum lacrymas exprimeret, ut propulsos diuina ab inferis mortuos excitabat, Vos interea, securi rerum, obsessi, tamquam uallo, praefidijs busto, fulgentibus signis, tessera data, excubantibus cohortibus, tonanteq. classico, ad spectaculum sedebatis; & ne nihil omnino agere uideremini, tripudiabatis in luctu rerum omnium; & immanissimi sceleris reliquias exsequentes, Deum infra mortuos amandabatis; eum ipsum, cuius occasu, desiderioq. caelum, terra, maria, natura, orbata luce, fluctuare: atque uestrae immanitatis machinamenta in irritum cecidisse, modo saperet, quiuis intelligebat, modo oculos haberet, uidebat. Ille scilicet interires, cuius interitum saxa lamentabantur? ille apud inferos detineretur, qui ad superos inferos expelleret? non se uiuum exhiberet post triumphatam mortem, qui uiuere homines a morte iussisset? luce perfunctos luce donare, quo donaret alios, ipse careret? Quo igitur modo illa uobis torres decantata, audita, & intellecta numquam David uates egregius tueri posset, quae diuinitus edoctus ea de re cecinit? Quoniam (inquit) non derelinques animam meam in inferno. Quis non derelinquet? Deus, & rerum omnium, & ipsius parens. Nec dabis sanctum tuum uidere corruptionem. Quinam sanctus? Qui mortuus per immanitatem uestram sepulturae non corrupendus, sed paullo post iterum uiuaturus traditus est. Enimvero, libere, quae noui, dicam, & quanta maxima uoce contendam, facit audacem ueritas. Illum ipsum, quem uos ex humanis rebus exegistis, quem corpore spoliastis, quem uos interemptum apud inferos esse putatis, illum ipsum uiuum, spirantemque, & longe diuiniore luce renidentem, morte deuicta, Deus, ad superos reuocatum, nobis rursus uidendum, tractandumq. obiecit, obiectum ipsi inter oculos, interq. manus habuimus: supra modum humanitatis nostrae uigentes oculos, uultum, corpus denique totum agnouimus, & incredibili uoluptate delibuti

delibuti exosculati sumus . Itaque deponite istum , quæso ,
furorem , uosq. colligite : confitemini scelus , ueniamq. de-
poscite : nullum enim tam graue scelus , quin non paeniten-
tia expietur .

Hac oratione , repressa nobilium arrogantia , & redditus
nostris animus , simulq. ingens fiducia popularibus addi-
ta . Quamobrem tria millia hominum Petri hortatu com-
mota eo ipso die Christo adhaerent . Hinc postea concessa
ad speciosam templi ianuam , quæ ex aere Corinthio mira-
bili artificio inter fulgorem auri , argentique , & operis prae-
stantiam omnibus anteferebatur alijs , sedenti inopi , assi-
duo membrorum horrore correpto , stipem exposcenti ua-
letudine Christi nomine , maior terror nobilitatem inuasit ,
quando nec Magistri morte rescissam legem , frenataue ora
conspiceret . fremere igitur , ac tormenta respicere , appre-
hensumq. cum Ioanne Petrum (quinque alijs hominū mil-
libus Christianam religionem amplexantibus) in Annae
aedes trahunt , statimq. synedri aduocata , Anna , Caipha ,
Alexandro , Lyfimacho , & Ioanne Annae filio praesidenti-
bus consilio , produci Apostolos , rationemq. reddere iubent ,
cuius inuocato nomine ea admiranda opera efficerent . Tūc
Petrus , magna animi fiducia , mirari se quidem magnope-
re aiebat , quando tam uulgata ex se potius , quam ab alijs ,
quos publice docuisset , scire mallerent . Sed , quoniam sic
illis libuisset , haud recusaturum se , quo minus tantarum re-
rum redderet rationem . Omnia igitur illa prodigia haud
exigui stuporis fieri I s s v nomine , atque uirtute , quem ip-
si immanissime cruciatum foedissime interemissent , ac tamen
tertia illum die ab inferis ad lucem a Patre reuocatum , &
cuncta illi tradita , abiectumq. modo lapidem apud eos in
capite anguli locatum : stare praeterea in illo omnem spem ,
omnia bona , salutemque . Obturbauit Auditores Piscato-
ris oratio , & perculit simul non clandestina cum magnitudi-
ne sceleris ueritas , quam ipsi uarijs inuolucris circumdare ,
ac suppressere nitebantur , & libera uox elatis , fontibusq.
in animis stomachum cum admiratione mouit . Itaque ,
amotis consilio aliquantisper Apostolis , quid agendum foret ,
ipsi consultant : non ultra celari illustrem populo rem ,
nec se ire infitias : cecidisse in irritum tot labores : frustra
susceptas uigilias , aut machinamenta exquisita : concussos
Magi-

Magistri morte iterum uigere animos, sedatosq. efferuere: nec pulsum ex hominum memoria extincti desiderium; abscisso uno capite plura enasci, ac pullulare: nec novarum rerum finem umquam futurum: abiectionis, conditionis hominibus Divina concessa eloquia, cunctas disciplinas; contra, sua mutescere, & obstrui, obiecta praeveritate, ingemiscebat. at, ne omnino victi uiderentur, cum in Gamalielis sententiam, praeclari senis, &, licet Christiana pietate insignis, nondum in confesso seniorum Christiani deprehensi, ab universis itum esset, flagris caelos, proposita graui poena, si quis Christum nominaret, aut concionibus illius facta iactaret, Apostolos minaciter increpitos, nulla in eos inuenta acerbius saeuendi causa, dimittunt, haud stratis Apostolorum animis, quin non Christi doctrinam populo enudarent, publiceque profiterentur, inter tormenta sui, & uictorias magnanimi, lactique. Interca Ecclesia mira uirtutum indole pubescere, latiusque tot millibus in eius complexum ruentibus propagari. Declaratur a Petro Iacobus cognomento Iustus, Hierosolymorum Antistes, summo omnium assensu, nulla ambitione perturbante suffragia, aut Principis mentem capite consecrati bractea aurea fulgente ad insignia maiestatis, ac Sacerdotalis decoris, assidue iam preces, ingens demissio, corpora ieiunio fatigata, compressus uestium luxus, quas tam profusis sumptibus parari nostra uidit aetas: non fulgere ostrum, aut fluitare toga, non palmata conspici, non caudis uerri humus, non urgeri bombyces, non sollicitari maria, non effodi uiscera telluris, non e Panchaia accersiri odores, nihil priuata cupiditate possessum: tenues epulae, communis stratus, communeque domicilium erant. Sed tam gloriosa religionis exordia nixa uirtutibus, ad motis infestissimi hostis machinamentis, obtremuere. Enimuero, cum auaritia (ex qua omnia propemodum mala mortalium in animos irrepere, quamque furibundam, uicttricemque nostro exultantem saeculo uidimus) uirum quendam Ananiam inuasisset, conscia etiam Sapphira uxore, ira, ut, diminuto agri pretio, partem surripuisset pecuniae, Petrus (cui magna ex parte caelestia arcana patebant) fraudem intelligens, accersitum hominem, ac pertinaciter negantem, coarguit, (raro quippe mortalis perpetratum, contractumque, perueritate inge-

nij scelus gaudet esse in aperto, aut fatetur: fortuitum uero, si non spernit, haud magni aestimat) simulq. grauiter reprehendit. Quibus auditis Ananias statim corruit, atque animam exhalat, eadem etiam infelici morte subtrahit uxore, quae, par scelere uiro, eadem peruicacia agitabatur. Horum inopinata morte tremefacti ceterorum animi, omnem penitus abiecere simulandi artem, lucriq. cupidinem: ita ex metu redintegata uirtus, auctumq. obsequium. At Petri sanctitas, cunctorum praeconio celebrata, ac mira in curandis morbis felicitas, ingensq. nominis fama ludaeam, gentesq. finitimas peruagata, summū omnibus uidendi hominis desiderium fecerat: aegroti, debiles in uias passim deferti, ut non tactu, sed umbra illius, ualitudini redderentur. ingens fauotum praerogatiua, sed digna uertice Apostolorum, omnium ore Petri laudes decantari, celebrarique: Lyddae, ad mediterranei litus id Oppidum maris situm, Diospolis inde dictum, Aeneas, octo annorum cursu morbo fatigatus, eius precibus in pristinam ualitudinem restituitur; & Ioppae, Tabita, multis nominibus commendata mulier, & in egenos satis liberalis, a Petro ad uitam reuocatur, ita, ut momento temporis scissae mulierum comae, flebiles uoces, luctusq. in laetitiam uerterentur, traictis etiam illo prodigio quingentis ad Christianam religionem mortalibus. Illud quoque miraculum summa in fama est. nam, cum duos ipse ex discipulis, Gregorium, & Martialem, (et si alij Frontonem dicunt) qui, Gallicarum uictor superstitionum, terrorq. Oruadum, frementes Rhodani, ac Isarae undas compescuit, Christi uexillis prope Oceanum erectis, uel pallente Rheno, ac trepidante Mosā, ad enuntiandam populis Christi ueritatem dimississet, uellentq. ij & exemplo, & uerbo docere mortales iuxta Apostolica praecepta, Gregorius, cum in ediam ferre non posset, itineris labore exanimatus, fato fungitur; tristisq. Martialis, carissimo orbatus comite, flensq. ad Petrum reuertitur, remq. illi, ut gesta erat, enarrat. quem Petrus statim repetere iter, scipionemque, cui innitebatur, ad mouere defuncti cadaueri iubet: qui, nulla rerum tardatus difficultate, libentissime parens, reuertitur; factoque, ut illi Petrus iniunxerat, statim Gregorius iam xl. dierum intervallo, e uiuis exemptus, lucem, solemq. adspexit. tantos Ecclesiae,

clesiae; eiusq. Principi Petro caelum fauores fuerat elargitum. Inimvero, quid tale umquam Iudaeus uidit? commemoret licet Eliae, atque Elisaei miracula, quid? nulla hic circumplicatio manuum, non stans in ora ingestus, non pectora calcata pectoribus, non praesentia, cantus uerborum, nec madefacta lymphis corpora, sed sicca uirga uirtutes in extinctos afflantur auras. At Sebasten; (quae & Samaria nuncupatur) nobilem Urbem, & uetustate illustrem, Simon ex Gyttho uico quidam Magus ita praestigijs, diroq. murmurum carmine, sui in admirationem allegerat, ut caelo illum missum plerique uenerarentur. astutus homo, & suo tumens ingenio, arteque, eloquentia non spernendus, rudes accolae fama nominis, euentuq. rerum, quo lubebat, circumducere: nam elicere manes, quaterere solum, imminutare effigiem, caelumq. obtegere nubibus, inducisq. fulgoribus turbare, aut grandinem superfundere, micante etiam Sole. Sed, Sebasten accedente Philippo profugo a Iudaea, post Stephani necem grassante in nostros Iudaeorum crudelitate, confutata eius doctrina, & ignotis antea praestigijs detectis, multi cum ipso Mago Christum confitentur, & baptisma suscipiunt. Quare perlata, Hierosolyma laeti Christiani, eo Petrum, Ioannemq. delegarunt: siquidem surgens iam inter infestissimos hostes res Christiana, ad stabilienda Sacramenta capite, & Principe Christiani dogmatis indigebat; utq. Petrus fundamentum aeternum in soliditate, & duritie petrae attollentem suae haereticis uenena, ac colla serpentem confringeret, & primus Christiani nominis Imperator, primum haereseos inuentorem, auctoremq. detecta, & triumphata impietate prosterneret ad reliquorum terrorem, atque ignominiam. Igitur Petrus Sebastenos, post solitas preces, iniectis capiti manibus, almo Spiritu, quem obstinate negarant, insigniuit. Quod ubi uidit Magus, miratus eo modo concedi almi Spiritus gratiam, ab Apostolis enititur, quod uirtute, ac sanctimonia nequiret, ut pecuniarum ad tam grande donum accedere, oblato Apostolis pretio. Quod indignissime ferens Piscator, conuersus ad hominem, Pecunia, inquit, tua sit tibi exitio, quando Dei immortalis munus pecunia aestimari, stareq. tibi persuasisti. nefanda

merces detegit impia uota, & male sanus animus impio scelere foedatur. ficta pietas. execrabile scelus. armari ergo aduersus Deum tu postulas, ipsius opibus, ipsius uirtute? Commonefecit etiam hominem sceleris, ut paeniteret, rogaretq. Deum, si forte, precibus lenitus, tam dirum, praeposterumq. iudicium remitteret. ille, mire teritus, caelestemq. ueritus iram, quam assidua scelerum consuetudine irritarat, exorauit Apostolos, uti sui apud Deum meminissent, ne, quod ipsi uaticinati essent, sibi contingeret. Hinc dirus ille mos mercandi Ecclesiasticos honores, ac commoda, qui uniuersam fere maculauit Europam; nataq. haeresis illa, quae non a Deo, sed a superna quadam uirtute. prouenire humanum genus, simulq. gratia, non operibus beatum effici, affirmabar. At non mediocris animi Magum ea repulsa diu noſtūq. sollicitum habere; modo artibus suis insari; modo ueteres furoris, atque arrogantiae ignes, quibus paullo ante impatientissime deflagrat, excitare; modo suum eo in solo nomen paucorum, egentissimorumq. auctoritate hominum ad ima prostratum indignari. Ergo cum caelo mutandam uitam, prius attentatis Iudaeorum animis, mire in nostros crudescenſibus, ratus, Romam adnauigare constituit, maxime laetus Claudij Caesaris ſocordia, atque inſcitia, qui facile cunctas in impietates impellebatur; cum & ignarus rerum, ad nutumq. uxoris circumductus, & facilis ad credendum eſſet. in comitatum inſuper ſibi Magus, ſocietatemq. Helenam Tyriam, impuriſſimam, ſed egregia forma, mirisq. artibus ſcortum, adſciuerat: quam homo leuiſſimus, impudentiſſimusque, abductam a proſtibulo, redemptamq. a lenonibus, mentem rerum, & genitricem omnium, ac Troici illam belli, excidijq. decantatam Graecorum paginis Helenam eſſe per corpora uiuorum ex Pythagoreorum diſciplina tranſuſam, totq. per aeuſa ſeruata inſecuram, inuerecunde, nefarieq. iactabat: ut duabus rebus, audacia aſtutiae commiſta, & effloſcente meretrice gratia, ad facinus aptiſſimis, mortale genus pronum in uoluptatem traheretur, mollireturque. Quid enim ſimulata, adumbrataq. ueritatis ſpecie doctri-
na apud imperitos; aut quid gratioſa leporibus uenus in perfricata petulantiffimae mulieris fronte, & in illa qui-
dem

dem erudita scortatorijs lasciuijs, excultaq. munditijs lubricam, aestuantemq. sua uiuuenum apud aetatem non assequitur? Aderant apud illum uenenata tela, scilicet impuri libri aduersus Christum conscripti: simul praecepta de uitando martyrio, colendisq. idolis, cernebantur & impura sacrificia, & pollutae arae, muliebribus menstruis semini uirorum admixtis, in diro carminum sonitu, inter infandos amplexus, circumlata effigie Mineruae, Iouisq. inter uaporem thuris, & profanas uoces: At Petrus, peragrata Iudaea, finitimisq. aditis gentibus, cum Ioppae apud Simonem sutorem commoraretur, esuriienti iam, uesciq. cupienti ad sextam diei horam, quippe nefas apud Iudaeos ad sollempnia festorum dierum prius edere, & gulae indulgere, mirum caelo prodigium uisum: uidere namque sibi uisus est expansum caelum, ex eoq. magnum lintheum quatuor initijs, orisq. in terras dimitti, omni bestiarum quadrupedum, uolucrum, atque serpentum copia refertum, insecuta mox uoce seu monentis, seu imperantis: ut ea occideret, uescereturque: cumq. se attrectaturum immunda negaret, tum uocem audire uisus dicentis, quod Deus sacrasset, expiassetque, profanum ne duceret. quod cum iterum ac tertio factum esset, uas illud, specimen lintei praeferens, caelo recipitur. Colligenti se Piscatori, uersantq. animo, quid ostentum illud portenderet, multa occurfare. Interim Cornelius Romanus, Italiae cohortis ex sexta legione Centurio, Caesaream p'sraedio obrinens, Vrbem insignem Phoeniciae, Ioppem inter, Doramq. secundum pelagus ad Aegyptum uergens, ab Herode Idumaco in Caesaris honorem conditam, Olympiade. CXCII: plurimum apud suos, indigenasq. auctoritate pollebat, habebaturq. cum uirtutum concursu eximius, tum liberalitate in inopes uir illustris, tantoq. populo gratior, quanto immanior ceterorum Praesidium auaritia exstabat, cum, emergente iam Iudaico bello, (quod, summa pertinacia sumptum, funestissime, cum tot Urbium excidio, luctuq. populorum, desijt) magnae, crebraeq. caedes Iudaeam uiduarent, certarentq. cum Praefectis libidine milites Alexandrinis, Babylonijsq. apertam in caedem Iudaeorum ruentibus, minitante etiam Caio, inter cruorem, & stragem lacto,

& extremum illis moliente excidium clarissimi animi Principe, & omni flagitiorum genere infami, nec inter uenerem, & uoluptates mitigato ad dedecus penatium, maeroremq. clarissimarum familiae imaginum, iam ex tunc infandi sceleris poenas uel inuita, Christo, ludaea pendebat, cuius tam miserando, crudelissimoq. facto indoluerat Cornelius. huic tam pie uiuenti, & ad nonam Deo fundenti horam preces, diuina iuuenis forma, niueo candore praefulgens, uisus est, qui & preces eius, erogatasq. pauperibus stipes Deo acceptas fuisse commemorat: proinde accersiret Ioppa Petrum, &, quidquid ille imperaret, efficeret. Itaque statim tres armigeros Ioppem ad euocandum Petrum dimittit, qui ingressi Urbem, adstantesq. ad sutoris fores, num ibi Petrus esset, exquirunt. Quibus Piscator, Diuina praemonitus aura, ultro se illis offert, & quem quaererent, se esse confirmat; cumq. his una Caesarem contendit, excipiturq. a Cornelio, obuiam illi progresso, magno uerborum honore, & summa ueneratione, adeo, ut se ad illius pedes adorans prosterneret. Sed inhibuit hominem Piscator, se quoque mortalem esse demonstrans, edoctusq. de ostento Centurioni oblato, suumq. in linteo praemonstratum intelligens, etsi ipse Iudaeus lege, cum Ethnicis societatem communicare prohiberetur, parendum Christo, imperiendamq. cunctis gentibus gratiam ratus, Cornelium cum uniuerfa familia in Christi militiam adsciscit, domumq. eius in templum erigit; multa de Christi signis, multa de uirtute, de potentia, de anastasi, aduentuq. in terras Sancti Spiritus praefatus. Concionanteq. adhuc Piscatore, alma aura in omnes flauit, magna eorum, qui cum Piscatore uenerant, admiratione, quoniam exterae quoque gentes tam praeclaro munere ditarentur. Reuerenti postmodum Hierosolyma Piscatori grauer oburgato succensuere Iudaei Christiani, Cerinthio praesertim oblatante, homine profugatissimo, & post Simonem Magum haereticis inuentore, quoniam exteras ad gentes descendisset, usque adeo Apella tumuerat, tantis in illum usque diem immortalis Dei nobilitatus bonis, ut fauorem, sanctissimumq. roratum in ligno cruorem, alijs cum gentibus communicatum indignaretur, quasi Iudaeae angusto

in angulo, & in solo tot sanctissimorum sanguine virorum
 funesto, seruientibusq. Hierosolymis, & non in Vaticano,
 aeternaq. Vrbe, statura, habituraq. perennem imperij (e-
 dem, Christi nomen, atque maiestas, & non in luce, trium-
 phisq. Martiae gentis, aut in tam latis opibus, terroreq.
 fascium tam sublimis, excelliq. Dei humano cum genere
 foederis pignus seruandum foret. Sed Piscator, (cuius
 cruore aeternum stabilienda in aeuum Pontificia Romae
 maiestas erat) reddita ratione, quoniam Christus pro
 omnium gentium, nationumq. salute mortem obisset,
 continuo mitigauit. Sed ad Consulatam Claudij Au-
 gusti secundum, & C. Licinij Largi Ecclesia Iudaeorum,
 sceleris turbata, graue uulnus accepit, Hierosolymis, sub
 Herodis ditione, occiso Iacobo, Ioannis fratre, & Pesca-
 tore in dubio uersato capitis discrimine. Sed, quoniam
 ad hunc locum est deuentum, quot fuerint Herodes, ad
 claritatem historiae pauca facere, non abs re fuerit.
 Antipater Idumaeus, inter suos nobilissimus, commenda-
 tusq. propter egregij nominis opinionem a Caesare Di-
 ctatore, occiso iam Ptolemaeo, profigatoq. Alexandrino
 bello, lustrante Asiam, Cyprum, Arabum Regis filiam,
 matrimonio sibi iunxit, ut per paternas eius opes clarius
 enitesceret, potireturq. Iudaea, cum iam diu in eam con-
 iecisset oculos, socordia Hircani, & gentis peruicacia, le-
 uitateq. adductus. huic inter alios Herodes filius nasci-
 tur, insignis uirtutis, prudentiaeque. haud spernendae, ue-
 luti qui in robore iuuentae constitutus Parthis Euphra-
 tem Romanas in Prouincias Iunioris Labieni auspicijs
 effusi, & late Iudaeam uastantis frustratus iram, ciui-
 liumq. inter armorum fragorem, in colluctatione Asiae,
 Europaeque. euiratis Cleopatrae insidijs, quae formosa illa
 pulchritudine, uenustateque, & Canopeis illecebris euer-
 tere hominem nitebatur, ab Antonio, in Cyrrhestica re-
 gione, ductu L. Ventidij legati, uilissimi quidem hominis,
 sed ad illam diem unci Parthicarum stratoris opum, fa-
 stusque, & Crassorum non ignobilis cinerum ultoris, pro-
 fligato Partho, occisoque. insuper Pacoro, Hyrodis Regis
 filio praestantissimo, iuvene haud infelici, iam antea Mar-
 te Romanae uirtuti luctato, Iudaeae regnum accepit,
 confirmatumque. illi postea ab Augusto in praemium tran-

ditionis terribile finitimis & euentu, & uirtute reddiderit sua, stratis saepe latronibus, & Arabe obtrito, Iudaeorumq; fastu (qui, nulla prope in Deum reuerentia obstricti, beneficiorum immemores, conculcatisq; patrijs legibus, postquam Romana sub arma seruitum ierant, pernicacia animorum, & multo odiorum incendio uastabantur) compresso; sed domestico dissidio infelix, & multorum cruore saginatus, penitus execrandus; nam Mariamnem, nobilissimam, pulcherrimamq; totius Orientis seminarum, fulmine suspicionis irritatus, cum tot liberis, totq; millibus infantium occidit, sustulissetq; pari immanitate Iudaeorum nobilissimos; nisi petuerbe sibi met infestus, exosusq; perijisset. Huic Herodes Antipas successit, pari crudelitatis nota infamis, sed uirtutibus inferior, cuius scelus, & atrocem, detestandamq; scitatem Ioannis Baptistae in flore iuuentutis detruncata ceruix ostendit, quando incesto, pudendoq; Herodiadis, Philippi fratris quondam coniugis, amore inflammatus, ad exsternendam scelestissimae nuptiae praeriginem, in puellae saltu obligata temere dextera, inter pocula, ac feralem mensam sanctissimi Vatum principis cruorem exsorbuit, elusa quoque in Christo diuinitate inret ludicra purpurae, & dedecorosum sceptrum inter cachinnum aulae, exercitusque. Sed, in eum breui post tempore iusta fulminante superum ira, magnis Arabum ab hoste incommodis affectus, deiectusq; Regno ab Romano, tamquam Seiani consiliorum particeps, Parthiq; fautor Arrabani, Lugduni in Gallia emoritur. Tertius Agrippa dicitur Romae diu Tiberio imperante catenis oneratus, sed mox, re Romana in Caij Germanici Drusi filij nuptum translata, in Iudaeam cum sceptro dimittitur, addita Lysaniae etiam Tetrarchia, in bubone facta illi quondam spe regni, cui per septennium imperio grassato Agrippa, Berenicos, nuptijs Herodi patruo iuncta, & Mariamnes, & Drusilla liberi fuere. Drusilla a patre septennis desponsata Iulio Archelao, Chelciae filio; Mariamnes decennis Epiphani Comageni, Antiochi Regis filio, nupserat. Igitur Agrippa, cum occidisset Iacobum, (quamquam ea caedes non omnibus grata fuisset) tamen ad mulcendos nobilium ani-

mos,

nos, quos Christianis iratos, infestosq. intelligebat, & ad comprimenda nouae religionis incrimenta, uti terrore, & alijs bacchari caedibus statuit: quamobrem in celebritate panis fermento discreti (Pascha Iudaei nuncupant) comprehendi Piscatorem, & stringi uinculis iuber, ut illius cruciatu corporis Iudaeorum ora, oculosq. exstaturaret. nec in uinculis piorum preces destitutum apud Deum Piscatorem sinebant, cum nocte, quam spectaculi dies subsequebatur, duobus militibus saeptus, geminaq. reuinctus catena Piscator dormiret, seu malorum oblitus, seu in Deo spem collocans suam, seu anxia periculo mente uictus torpore futuros angores leniret, custodesq. alij carceris ostia obseruarent, mens e beatis una caelo missa expectatum Piscatorem surgere, uesteq. circumdare, & se sequi iubet: ille, decidentibus catenis, (quas nunc pietatis ergo tangimus ore, ueneramurque, insigne donum Eudoxiae Augustae, doctissimae, sapientissimaeq. feminae, Theodosij iunioris coniugis, Romanam transmissum, concessaq. illis in Exquilijs augustalia, deletio auctoris nomine) libera dextera ueluti obiectum oculis ostentum sequi coepit, nec prius illi eximitur dubitationi, quam, primis, secundisq. praeteritis excubijs, portaq. ferrea, quae ultro se illis expandit, tuto in loco, abeunte iam Angelo, constitit. Quamobrem, recollecto animo, summas Deo gratias agens, quod se ab Herodis impierate, Iudaeorumq. expectatione eripuisset, domum Mariae Ioannis (qui Marcus dictus est, ipsi Apostolorum Principi perquam carus) perit, in qua pia familia subsedens in precationibus afflictabatur. nec pulsanti ostia nota uoce Rhode puella e fenestra prospectans adaperuit, sed, elata gaudio, rem ceteris enuntiat, nequaquam habita illi fide: nam id mortalibus instum, ut, cum maximo alicuius desiderio tenemur, prae potius libidine minime nos affecuturos procul a spe positos credamus, animusq. in plura distractus metu, spe, ac cupidine agitur, nec uni unquam firmiter inhaeret. Lugebant nostri Piscatorem, nec illius tantum, sed suam quoque uicem dolebant, quoniam, in ea enascentis furoris acie amisso Principe summa uirtute, effratissimis cum hostibus res futura esset. passim lacrymae, & squalor cernebantur:

nebantur : quisque puellam insanire , & sopore perfusam obiurgare , cum , expansis demum foribus , in medium incolumis illatus Piscator , dubium , maeroremq. pepulit , simul laeta plaudente turba , Christumq. pio cantu celebrante : nam , quo propior periculo metus , eo maior laetitia fuit , illuso Herode cum impia Iudaeorum libidine . At nostri , cum Antiochiae ad Orontem (quippe duodecim sunt huius nominis Vrbes) Christianorum sibi cognomen adsciuisent , cum antea Nazaraei dicerentur , ingens sibi peperere nomen : quippe florens opibus , & pietate illustris Ciuitas per plures annos Pontificia insignita sede nostros benigne fouit , profugo , extorreq. Simone Mago , qui , antequam Romam contendisset , incredibili uersutia usus , diu mortalium mentes obfederat , multisq. scelerum , portentorumq. machinis quassarat , affecto iniurijs Piscatore , ad ludibrium abrafo circa uerticem in orbem crine , seu ad lugubrem maerentis animi statum id pertinere , seu in usu fuerat apud ueteres in Sacerdotali ministerio , profecto apud nos uenerationi datum , & sanctum , ac uenerabile uisum , ad decorem , gloriamq. Sacerdotalis dignitatis . Cum interim per Asiam reboante Christi classico Romanam ad Urbem religionis , imperijq. gradus fierent , quando , ea perdomita , explicatoq. Tarpeia in rupe Crucis uexillo , ceterae orbis gentes haud cunctanter Christiana amplexaturae iura forent . Jamq. Apostoli sortiti inter se Prouincias erant ; Petro , Gallograecia , Pontusque , Bithynia , Cappadocia cum Catanoum gentibus ; Andreae , Scythia Europaea ; Asiatica , Philippo ; Palaestina , Iacobo ; Asia , Ioanni ; Hispania , alteri Iacobo ; Thomae , Parthia , Arriana , Persis , Margiana , Susiana , quaeq. introrsus ad Baetra , ortumq. Gangis extenduntur nationes ; Matthaeo , Regia Solis , & ultima Aethiopum ; Bartholomaeo , India , ad Sapolum usque Urbem , radicesq. Imaui ; Simoni Chananaeo , Aegyptus , Thebes , & quae illi proxima ; Thadaeo , Mesopotamia , Pontusque ; Matthiae , gentes Macedonum , Dardanorum , Triballorum , Bastarnarumque , & alij aliae obuenerant Prouinciae . Itaque diuulgando passim Euangelio , missisq. ostentandis signis terrarum orbem implere , associante se illis praesertim Paulo Tarsensi , (de quo suo loco

loco memorabimus) uiro clarissimo , eloquentissimoque , paullo ante Damasci , Iudaeorum ritu , damnato , sese ad Christiana sacra conferente , cuius eloquentia Iudaeis ingens terror cunctorum ore celebrabatur , quem una cum Barnaba Antiocheni Christiani (exorta dubitatione , num Ethnici , qui in Christi complexum uenirent , praeputio mutilandi forent) Hierosolyma ad Petrum , ceterosq. Apostolos miserant , ut hac de re controuersia eorum iudicio tolleretur . cumq. in consilio diu disceptatum esset , uicerat Petri sententia , stante pro Ethnicis Paulo , qui nequaquam Ethnicos Iudaico non necessario onere premeandos asseruerat , quando Christus morte sua Moseos legi finem attulerit . In hanc igitur sententiam pedibus frequenti ordine multa post Petrum elocuto Iacobo itumerat : atque ita scribi Antiochenis placuerat . Inde Piscator , Coelesyria , Ponto , Asia , Bithyniaq. lustratis , multisq. creatis Episcopis , Antiochiam accessit , ubi acriter est a Paulo obiurgatus , tamquam callide modo cum Ethnicis iam ad Christi ductum applicitis , modo cum Iudaeis uersaretur , & modo hos , modo illos auctoritate foueret sua , non quod ipse fide laboraret , aut diuersos mores imberberet , ad iacturam nascentis dogmatis fundamentum , & petra Ecclesiae firmissima , atque Apostolici Senatus Princeps , rectorq. terrarum , sed miti natura Christianorum mores tacito iudicio arguere malebat , quam Principis in corrigendo locum implere ; simul ad tollendas discordias , inter Iudaeum , Ethnicumq. suboriturus , firmandamq. sobolescentem in tironum pectoribus religionem auctis incrementis , augendaq. Rep. seruiundum temporis iudicabat . quae Paulo ingentissimi animi uiro haudquaquam probabantur . At Piscatorem nouus ardor uiuendae Vitis , infandoq. idolorum abraso cultu ad piam religionem traducendae , incessit , subsequiturus simul Magum Simonem , quem fictis ingentem signis iam Romae esse fama uulgarat . tanta Petro fiducia in Deo pari cum animi celsitudine inerat , ut uilis homo , & nullo uirum robore munitus , clarusue nomine , Romanos fasces moliretur , contemneretq. Romani nominis maiestatem , cuius fulgur , fragoremque , trans Hydaspem , Gangemq. uulgata , Indorum gentes horrebant , subactusq. cum

Oceano Rhenu demiffissime uenerabatur . Itaque, quod nec armatae confenfus Italiae, feritas Germanorum, non Gallorum ferocia, non Punici doli fexdecim per annos Italiae uifceribus in ftratarum cinere Urbium, ftrageq. exercitum bacchari fperant, aufus eft, uicitq. Pifcator, adeo, ut Romanam Ciuitatem, tot impietatum nubibus offufam, elatiffimeq. gentibus imperitantem , cruore fuo expiatam, Chrifto aeternam in terris fecerit fedem, cietis procul fuperftitionibus, calcataq. praetumida faftu ceruice . Hac igitur fpe concepta Pifcator in Europam enauigat, paffim Graecis gentibus Chrifti nomen enuntians: traduetoq. Athenis ad Chriftum Clemente , Faufini filio, infigni uiro, illuc antea tempeftate delato, prouectus Tyrreno freio, inuifa Sicilia, in Campaniam, Italicarum omnium regionum fitu, caeloq. clariffimam, Neapolim accedit, mediocre olim Opidum, quod nunc, magnitudine fua Memphim, ac Babylona aemulatum, tranfgreffumque, Carthaginis, Corinthiq. magnificentiam, triumphanti, uictriciq. gentium uix cedit Vbi, par fortaffe, fi libertate fua frueretur, opulentis, bellicofifq. in Italia regionibus imperitans . Quam Pifcator Ciuitatem fagro adfpectu honeftauit, & plurimo fplendoris ibi relicto, Afprenatem in Epifcopum Urbis confecrauit; operatusq. fagra, fupendis cum fignis fuum in illam Ciuitatem oftendit ftudium, beneuolentiamque . Cuius recordationem beneficij uenerata pofteritas, ipfum praecipuo in honore peculiari ftudio habet, nequaquam Romae in illo percolendo pietate, officioq. concedens. Inde Pifcator Urbem anno Imperij Claudij II. ingreditur. patruus hic Caij in eius locum, milite nitente, fuffectus eft, contra Senatus auctoritatem, cum percupide ueterem libertatem refpiceret, qua magni Caefaris uirtute, aftuq. fpoliatus, Augufti primum, deinde Tiberij faeuiriim, & Caij mox infame nomen, & diram Reip. peftem fuerat perpeffus . Igitur Pifcator XV. Kal. Februarij Urbem intrat, qui dies apud pofteros celebris exftitit, quo Roma patronum fuum, tutelaremq. fugando mox daemionum cultu uidit, fupraq. trabeam, curulemq. & Auguftorum tremendam maieftatem ueneratura erat. datum id Romanae pietati, etfi non immortalis Deo exhibitae, ut

Capi-

Capitolia, praeter armorum terrorem, gloriamque, cruore magni Petti expiata, Christiana augustius maiestate insignirentur, neque Calvariae inuiderent, cuius in cacumine signum salutis effulserat, sanctissimumq. bustum cernebatur. Quamobrem Piscator, cum diuertisset ad contribules suos in regionem Transiberinam, & inde in aedes Pudentis Senatoris ad Viminalem in uico Patrio, ubi postea crexere pij aras intet sacrificiorum sollemnia ab ipso Petro sacratas, magno studio, assidua diligentia, miroq. ardore, Christi nomen, religionemq. Romae praedicat, instituiq. duos Episcopos Linum; & Cletum, quorum clarissimum nomen exstitit, ut unus in Vrbe, alter extra Urbem in administranda Rep. ipsum adiuuaret: quando tanta rerum moles, unius nixa humeris, nutaret, tantiq. labores aequae cum alijs comunicandi, partiumdiq. forent, pluresq. in eo rerum exordio desiderarentur Atlantes, qui non caelum, (ut Poetarum fabulae uoluerent) natura sua perenne, nec humanis adminiculis egens, sed prolabantem atrocitate scelerum, fugatisq. uirtutibus terrarum orbem sustinerent, mundumq. alterum iuxta Christi imperium condendum, sanctimonia, ac pierate attollerent. At Petrus non modo Romae Christi ipse nomen enuntiare, sed per uniuersam Italiam, destinatis etiam ad ultimas Ponti oras, marginesq. Cappadocum, & ad ipsam Meroem, Alexandriamq. Legatis, atque Episcopis summae sanctitatis, summaeq. prudentiae, inde, exactis ad Claudij Augusti nonum annum, C. Pompeio, & Q. Veranio Consulatum capeissentibus, ab Vrbe Iudaeis, (quorum contumaces animi multa rixarum materia alebantur) in Hispanias, Britanniamq. transmississe fertur; ut eas gentes, feritate barbaras, diris erroribus imbutas, & maiora sidera uenerantes, armorumq. auditate truces, prorsusq. ab omni humanitate remotas, ad uerae cultum religionis traduceret. Nec ingentem animum & Christi amore flagrantia pectora, locorum difficultates, nec alta alpium glacies, uix olim peruia Romanis, multum prius elucato difficultatibus Hannibale Poenorum maximo, aut asperitas Pyrenaei saltus, cautesq. horrendae, non regiones frigoribus infames, ipsoq. situ terrarum enormes, mariq. gentium discreta nomina uix mortalibus

nota, fregere, quin non illas adiret, & intrita lustraret Oceani. Itaque in Britannia multos labores sustinet, nam ea Prouincia, circumflua Oceano, & ferocia accolarum terribilis, Romanorum avaritia, atque libidine plusquam immodica, concitata in arma, ueterem libertatem uoluere, proculq. secures, & fasces, depellere parata, atrox bellum Romanis moliri, Claudioq. Augusto tertium, & Vitellio Consulibus ingentes adierat calamitates. At Piscator, Britannia, Hispanijsq. remeans, traiecit in Africam; passimq. Numidis, Massaesulisq. enuntiata ueritate, Carthaginem deuenit, Africae quondam Reginam, Urbis aemulam, & terrorem Italiae, femineum opus, sed celebre, memoratumq. cum sua, tum uictorum pernicie, inde in Aegyptum, seruientem Lagaeae olim familiae, Prouinciam Nili beneficio fertilissimam, structuraq. pyramidum, Cariae fastum aemulantium, Memphi, Alexandriaq. Urbibus clarissimam, sed prodigiosis caerimonijs, Dijsq. prorsus infamem, atque ridendam; mox Thebas, nobilissimam illam Urbem centum portis, & tam numeroso populo, acruatisq. diuitijs scriptorum, tot uocibus, praeconijsq. decoratam, accessit uisurus etiam Memnonis domum; & secreta Aurorae extremaq. Aethiopum. Sed retro, grauioribus urgentibus rebus, reuocatus, mox per Paretonium, (qua Africa tellus prospicitur) in Libyam regreditur, & ea circumiectisq. insulis inuisis, egregijsq. Episcopis commendata gregis cura, in Italiam adnauigauit, Pisarum ora pressa, ubi nunc peruetustum sacellum adspicitur; in quo sacrificasse illum indigenae perantiqua traditione accipere, consecratum a Clemente, dum Romae litaret, ad Vaticanam eo rapto per spiritum. Rursusq. inde Romam concessit, maiorem periculi molem aduersus crudelissimum monstrum subiturus. Etsi non sum inscius, fuisse multos haud spernendae auctoritatis auctores, qui asseruerunt, Petrum cum uniuerso Apostolorum Senatu ad decorandum Mariae Deiparae funus iterum accessisse Hierosolyma, prodigiosq. hominem ex Europaeo solo sublatum, nulla contacta Asiae telluris (quae Europam pospectae) arena, aut calcatis undarum fluctibus, nascenti redditum soli, satis id creditum, & posteritati trans-

transmissum. Interea Iuliae Agrippinae, Drusi Germanici, clarissimi Imperatoris, filiae, dolis sublato Claudio, qui per XIV. annos rem Romanam obtinuit, potitur rerum Domitius Nero priuignus, inclyta familia, modesta iuuenta, & quinquennio tolerabilis Princeps; deinde, plurimis, inauditisq. sceleribus, infamis, Romano nomini sempiternum dedecus. Hunc, saeue regnantem, uanitate uentosum, incredibilium cupitorem, socordem, & plurimis illecebris turgentem, Simon Samarita (de quo superius docuimus) aggressus, ita ad sui uenerationem conuertit, ut Nero, hominem adorans, iam aras illi erigeret, caederet uictimas, litaretq. consecratis flaminibus; Claudij uitrici leuitatem aemulatus. Auget sui admirationem spectris Samarita, uarias in formas suam mutando effigiem; & modo Neroni inopinato se ostendendo, modo diuinam sibi asserendo naturam, fictis signis. Nil non creditum apud ignauum Principem, & maius augeri illius in Simonem cum ueueratione studium: illum loue natum praesidere Capitolio, nobilitare Palatium, tueri fasces, seruire aquilas, & Romanum fouere nomen incolumiratem, mortemq. ab illo pendere asserbat. In Caesaris impudentiam sequuntur Romani. nam, quibus moribus Principem uideris, iisdem addictam Ciuiratem propone. Nec pudebat nobilissimas animas, mortalium contemptrices, & ab innato fastu terribiles, humilem, abiectumq. Sebastenum, e latebris Iudaeae erumpentem, & magicis artibus famosum, tanto studio uenerari, celebrareque, ut nihil supra; uel inuidente Ioue in tantis spoliis aeternis ad externi hominis coalescentem fauorem apud mortales, uel usurpato nomine. Helena quoque Iosia, in Mineruae transfusa humen, erectis simulacris post Troica funera, ac tineres, Tritonide uirginali decus lugente, sibi ereptum in Virginum pugna, ad Libyae maerorem, atque iustitium. Hanc impietatem latius serpentem, extollentemq. non tulit Piscator; sed, confirmato animo, adueniente ad Urbem Paulo, (quem in laboribus, & in summo cruentissimorum certaminum aestu socium, adiutoremq. Petro sponponderat Deus, breuiq. triumphata Caesaris impietate, stratisq. magicis praestigijs ad caelum euolaturum praedixerat) Neronem adiit,

adiit, grauiſſimeq. hominem obiurgauit, quoniam Simonis infatuatus fallacijs, oblitus nominis, maiestatisque, tam ſceleſte illius iuſſa capeſſeret; ſimulq. in Magum inuectus, eius fucos, artesq. nefarias enudat. Angunt ea uerba Neronem, & non uiſus antea Piſcator obrurbar, quoniam tanta animi fiducia loqueretur, ut Caefarem ipſum, & Romanos faſces moderantem obliuiſceretur. At notus fama, ac litteris Paulus in admirationem hominem coniecerat: ſiquidem Pauli nomen, late gentibus illuſtre, Romae etiam extollebatur, cum admiratione Auguſti, ac Senatus. Pie fabulatur antiquitas, Paulum iunctum Annaeo Senecae, cum Afranio Burrho, iuuentae Principis moderatore, amicitia, eius auctoritate innotuiſſe Auguſto, ſaepe in Senatu eius litteris recitatis, modo probante, modo muſſitante Nerone; recitat & epiſtolas ultro citroq. miſſas. At Magum grauior cura premere, & notam Petri ſanctimoniam, & uictoria eadem arma formidare, ceſſiſſe illius uirtuti in Iudaea, ceſſurum etiam Romae, caſuras in irritum artes, nec fucos ualituros: non Neronem Poppaeae Sabinae, pulcherriſſi ſcorti, criſpantem caeſariem, legentemq. capillum, ac per magicos amfractus, & nefanda ſecreta pronolurum in omne ſlagitium, aut Romanos cunctis ſuperſtitionibus in funeſtiſſimo Deorum cultu ſeruiētes, ſed duo illa Chriſtiani nominis decora, duo clariffima ſidera, duo fulgura uirtutum, duas uictrices animas, & caelo ſelectas augurabatur, & ſtare ante oculos conſpiciebat, metu ſimul, & uaccordia agitari. Itaque, audaciam uultu praefereſ, & quaſi nihili Apoſtolos faciēſ, dicendi mora cuncta in longinquum tempus trahere, modo ſe ultorum iniurias, modo ſe miſereſcere illorum condicionis aiebat. Sed, urgente Petro, & aciem oſtentante, commotus Magus, (ne apud Caefarem infamiae notam ſubiret, duorum hominum uerbis conuictus, cum paullo ante ſe naturae parentem, ſe Dei filium, ſe cuſtodem terrarum iactaſſet) in eam condicionem cum Petro deſcendit, ut, ſi quis mortuum ex inferis excite nequiret, morte multaretur. Placet Petro condicio: laetatur & Paulus. Quamobrem, cum nobilis quidam adoleſcens, gentilis Neronis, funere eſſeretur, ad eum excitandum ambo

ambo conueniunt. adest & Nero pronus in fauorem uenefici: (quippe similitudo morum, scelerumq. artauerat amicitiam) concurrunt & nobiles: tota denique Ciuitas in spectaculum ruit: dispares animorum motus, incertae spes, & diuersus uulgi fauor, dissonum murmur, & nusquam silentium erant: cerneretis tumido gressu Magum, elata ceruice, & mortalia prorsus fastidientem; e contra, Petrum. ipsa canitie uenerandum, hilari ore, & moderata animi aequabilitate, ac submissione conspicuum, & nescio quo diuino fulgore micantem. haec eadem & Paulum honestare. Accedentes cadaueri, princeps Simon suas experitur artes, admotoq. auri adolescentuli ore, cum profano carmine, & diro murmure insonuisset, qui defunctus iacebat, tollere, & quatere simul caput incepit. Tunc, exorto cum clamore circumstantium fremitu, quisque ad astra Simonem euehit: uiuere adolescentem uociferatur: poscit ad supplicia Piscatorem, & irarum flammis ebullit: strepunt animi, & dira minantur. Infiatur ea ad breue tempus duratura aura Magus: iam manu astra tangit: iam despectat Apostolos. Non obruitur ea tumentis undae procella Piscator, & impavidus manu silentium (cum incalerent, geminarenturq. populi uoces) exposcit. Vbi uero, sedato populi clamore, uniuersi silentium tenuere, nequaquam, ait Petrus, illud, quod omnium oculis magicis superstitionibus subijceretur, ueritati niti, sed fucatum esse, & speciem ueri imitari. Quod si certum esset adolescentem spiritum ducere, & hac communi aura frui, surgeret, ambularet, loquereturque. Sed, quo facilius Simonis artes deprehendatis, (inquit) quam sint fallaces, quam uanae, quam ineptae, secedere illum paullisper a cadauere finite; & tunc innotuerit, utrum adolescens uiuat. Quo facto, adolescens numquam moueri uisus est. Tunc Petrus, aliquandiu precatus Deum, adolescentulo, nomine IESU Christi, surgere imperauit. Reddita luce, adolescentulus loqui, cibum capere, & deambulare incepit. Quo miraculo attonita Cinitate, mutata sententia, (ut sunt mobiles uulgi animi) omnes laudare, extollere, admirari, percolereq. Petrum; contra, Simoni maledicere, & dira precari: arreptisq. saxis obrutura illum concitata mul-

multitudo erat, nisi obstitisset Petrus, hoc ex deuicto hoste trophaeum referens, ut inuitus ille Christianae religionis incrementa diffundi latius, caeloq. attolli conspiceret. Laetis animis Christiani eam uictoriam celebrare: contra, Simon, dolore ignominiae, & Petri gloria insaniens, maerensque, cessit Vrbe, multa conquestus, quoniam ad illum usque diem semper uictorem, & artibus suis mirificum, Martiaeq. gloriam gentis, maiestatemq. calcantem, momento temporis obscuro ab homine funditus euertere fuisset, & non nisi in latebris, ac fuga locum sibi reliquisset. Et Neronem pares irarum stimuli, & hauriendi cruoris sitis uacordem agebant. nec impurum illum animum, maternisq. furijs exagitatum, tot peremptorum uiro-
rum funestus adspectus, facies Urbis diro incendio foedatae, atque conuulsae, non conscientia quietum sinebant: modo furore quati, modo iraturgere, & Petri adinirandis signis absterrebatur, modo in uindictam procul fugientis Simonis inardescere, quem sibi carissimum, & salutis auspicem suae, Petri uirtus Romanis penatibus extruserat, temeratam simul religionem, offensos patrios Deos, & Romana templa polluta Apostolorum praesentia credere. Ideo, ne Statoris aedem, ab Romulo Urbis conditore fundatam, & subacti orbis trophaeis nobilitatam, aut Iunonis Capitolinae custodis Arcis ignotorum hominum uerbis excindi, atque aboleri, simul Martis, Dianaeq. numen, quo stare militiam, stare Aquilas, & cuncta in terrorem hostium uersa putarat, aut bellantem pro moenibus Palladem Vrbe pelli, & Christum Romana sub securi cadentem, & Crucis supplicio maceratum, in Capitolio adspicere calcantem Romanas opes, & in se cuncta trahentem, aut uilem hominem in excelsissimo Caesarum solio sedentem grauissime indignari, tristarique, quando id Patroclus, Pauli uirtute ad uitam reuocatus, ei nuntiasset: nec minor hominem a Pauli concionibus cum terrore admiratio circumfedeat: stupebat magnitudinem animi, & eximiam doctrinam, ac tonantem, fulgurantemq. eloquentiam. nam, uniuersa fere Asia lustrata, & inuisis, si non praesentia, attamen fama, Ecbatanis, Canopi, enascentisq. gustato Nili principio, & per magnam Europae partem

tem euagatus , cunctis gentibus admirabilis exstiterat , Academiae doctrina confutata , Ariopagi fracta pertinacia , & ipsis Athenis , rerum , ac sapientiae inuentricibus , doctrinae illius fulgore perstrictis . & tunc in togato terrore illius uoce Romana rostra circumsonabant , admirante Curia , obstupefcente foro . His de causis Nero acriter Apostolorum imminebat exitio , atrox ipse , & assentatores , perpetuum aulae malum , grauius inhumanam illam feritatem , ingeniumq. etiam in uoluptatibus , ac Veneri praeceps , in eadem , stragemq. inflammantes , praecipue Agrippa , Urbis Praefectus , diuitijs potens , dicendi artifex , astutus , & apud Principem gratosus , cum ignominiae , ac repulsae dolore cruciatus infestissime in Apostolos inueheretur : nam nonnullae illius pellices Petri cohortationibus illius amplexus respuerant ; nec minis , aut promissis , aut blanditijs , lacrymisue (quibus maxime muliebris animus tunditur , frangiturque) flecti potuerant : simul multorum scelera patefacta , & reprehensi lasciuiantis Ciuitatis mores , magnam equitum manum in Apostolos armauerant , sociatisq. arrogantia cum prurigne armis , infensissime , crudelissimeq. aduersus Apostolos dimicare . nam tota fere nobilitas , selecta ex pube Romana , assueta Neronis illecebris , a pristina integritate degenerans , & in omnem prouoluta libidinem , abduci a complexu scorta , pellicesque , peracerbe ferebat . Enimuero Petrus , etsi antea uxoratus , castimoniam tamen praecipue amplexandam , colendamq. assiduis concionibus persuaferat , laudaueratque ; & Paulus caelibis uita se ipso maior , augustiorq. apparebat , quando plus exemplo , quam uerbis auctoritatis insit : multum insuper Petro officere , quod Iudaeus esset , quando illorum nomen uile semper apud Romanos , maximeq. exosum , flagrantem tunc Iudaico bello , ubique terrarum explodebatur . Quare Iudaei grauissima mala , & inexplebilem Praefectorum avaritiam , intolerandamq. libidinem , perpesti , illatis nocturno tempore intra moenia Romanis aquilis , & ipsa Caesarum effigie mirum in modum exacerbati , (Diuino numine atrocissimas , & iamdiu debitas tot scelerum poenas repetente) a duersus Romanos ceperant arma . Itaque summis uiribus , summa contentio-

ne, apertoq. Marte bellari coeptum, adeo, ut pulsus Cestius. Dux Romanarum copiarum, belli ignarus, pecunijs inhians, & suis, ac hostibus iuxta despiciendus, terga dederit. Nec multo post missus a Nerone ex Vrbe Flavius Vespasianus, insignis nominis Imperator, diuq. Britannico exercitus bello, aduenit, qui ueteri Romana disciplina, patriaq. uirtute, contundere Iudaeorum audaciam (qui ex prosperis successibus, ac tumultuarijs feliciter concertatis proelijs arrogantissime intumuerant) aggressus, pulso saepe hoste, expugnatis, excisisq. Opidis, deuastataq. Prouincia, uictoriae iam prope compos, crudescente ciuili seditione, tribus Caesaribus occisis, ad Romana bella, Tito filio, egregiae indolis, uirtutisq. adolescentulo, ad profigandas Iudaici belli reliquias, in Asia relicto, descendit. Sed haec postea obuenerunt.

At Simonem Magum, annuo exilio multatum, nudatumq. caterua auditorum, ueterem reficantem iniuriam, & in fuga terribilem, impatientemque, & Petri gloria anxium repetendae Urbis, alloquendiq. Caesaris, (quem facilem, promptumq. ad omne nefas haudquaquam pristinae consuetudinis oblitum existimabat) ingens occupat libido. Quamobrem, Romam reuersus, iterata familiaritate Neroni iungitur, gratus illi, acceptusque. Enimvero Magus, mira calliditate, & uarijs gentium moribus edoctus, Neronis ingenium rimatus, ita adulatione illud assequi, insinuareq. se illi, ut Caesari & terribilis, & gratus, ac mirificus appareret, uidebaturq. Neronianae crudelitatis uictor post domestica funera, crematamq. patriam unicus, ac singularis, cum inuidia multorum ad nobilitatis, aulaeq. ludibrium inter aggestos caesorum Magistratum cumulos, & fumantes templorum ruinas, in publico squalore, diroq. excidio. Quamobrem Magus, Neronis totus, aduocato in concionem Populo Romano, permittente Caesare, luculentam orationem exorsus, ait, se, multis, & grauissimis Galilaeorum (sic enim nostros uocitabat) iniurijs offensum, nullam posthac tuendi Romani orbis, conseruandaeq. Urbis curam suscepturnum, sed sordescantibus sibi terris in caelum euolaturum, sessurumq. in Iouis curuli, in concilio Deorum, coetumq. felicium animarum calcata siderum pulchritudine,

dine, & penetralibus Olympi ad aeternam quietem. Proinde statuturum diem, locumque, quando id faciendum esset, stupente populo, & ipso Caesare Simonem supra caelestia reputante. Statuitur igitur simul dies, locusque. theatrum nonnulli; Capitolium alij ad id electum referunt; seu propter celsitudinem Capitolini cliui, seu propter loci nobilitatem, cum nihil in terris fuerit augustius: nam totius orbis manubiae, & stratorum opes Regum ibi suspensae cernebantur, rupesque illa saepissime Regio cruore maduerat, uideratque. catenatos Reges, calcata purpuram, & nobilissimarum arma gentium uictorum pedibus substrata: penatesque. demum Dij, Deaeque, & quidquid caerimoniarum superstitiosa uetustas uenerabatur, ibi, tamquam in tutissima arce, in signum aeterni imperij persancte, religioseque. seruari. At Petrum ferunt, praescium iam, in Clementis fauorem animum uertisse, cecidenda illi curuli, rerumque. fastigio, & Clementem tantae existisse demissionis, ut se indignum hoc munere praedicarit, & alteri cesserit. Quod posteriores Principes admirati sunt potius, quam imitati: Nos, Clementem sedisse tertium a Petro, scimus, adoratis in Ecclesiasticis Fastis Lino, ac Cleto. sic maiorum firmavit auctoritas, consensusque. clariorum uirorum: Interim Simon, iactantia praetumidus, laurea redimitus, ne forte Ioui, aut Apollini inferior Romanae superstitioni uideretur, & quasi superna uectus ad regna, ibi triumphaturus, Capitolina in culmina adscendit, expansisque. lacertis, se praecipitem dedit, & secare auras, sequi. altius caelum uersus sustollere incepit. Cachinnari ad Apostolos Nero; miro perfundi gaudio, affirmareque, Simonem diuinum hominem; eos uero ueneficos, & seductores. plaudere nobilitas, quisque hircere, & obstupescere, uolitantemque. per aera Simonem intueri, contemplarique, quis tantum mortali concessum crederet? Versa naturae iura: non minus hominem gloriari pennis, quam aues: nihil illi arduum: nec plus licere Ioui. Casum Icari, & Dae-dala ingenia uulgata olim fabulis in memoriam reuocare, & pro ueris habere. Vulgus, in tanta, inopinataque. re attonitum, concussumque, intentis hominem oculis prosequi, Solem illi breui cessurum, aut laxatum iri caeli

claustra exspectare. nulla uox, strepitus ue in tanta multitudi-
 tudine exaudiri: nec frequentiore umquam, nec ex
 omni mistam aetate antea uiderat Capitolium tantam
 mortalium copiam. Adscenderat Scipio Africanus, in-
 signi antea curru, confecto secundo Punico bello; Macedo-
 nica, Gallica, ac Pontica trophaea, sexcentaq. carpenta,
 uictarum grauata manubijs gentium, honestaranti
 mille duces lauream Ioui tulerant: & Simon tantos la-
 bores, egregijq. nominis exultationem, gloriamque,
 una hora tenebris obduxerat, & uilem Romanis oculis fe-
 cerat, unicumq. pro tot triumphis aeterni nominis mo-
 numentum, Romanorum in mentibus fixerat. Sed Pe-
 trus, tempus adesse ratus, quo Christi Dei magnitudo
 ostenderetur, altaq. Romanorum ex oculis caligo pelle-
 retur, & magica scelera cunctis patescerent, ac nemo in
 posterum Diuinos sibi honores arrogaret, alta uoce (cum
 orasset, respexissetq. bis caelum Paulus) lubeo uos, (in-
 quit) ministros inferos, qui Simonem per auras auchi-
 tis, nomine Iesus Christi, filij Dei uiui, Simonem in ter-
 ras deijcere, cum subito Magus graui pondere (cessante
 inferorum auxilio) labitur, fractoq. crure summa igno-
 minia affectus, uehementissimoq. cruciatus angore, Ari-
 eiam concessit, ibiq. moritur, homo certe suis artibus in-
 gens, & Zoroastris gloriae non cedens, Asiae quon-
 dam uictor, & in Neronis comitatu Princeps, illusorq.
 populi Romani, uix orbe contentus, solumq. dedigna-
 tus, ac caeli mensor, & siderum, ad poenam sceleris, &
 arrogantiae, claudus inceserat, uidentibus populis, nec
 iam admirantibus Phaethontis exitum, & decantatas ore
 Poetico fabulas, prospecto infelicitis excidio. Simone
 hoc pacto e uiuis exempto, perculsus Nero, amici casum
 indigne ferens, cum se quoque illa uictoria uictum, spre-
 tumq. crederet, exoptatam iamdiu in Apostolos occasio-
 nem arripit, simul & ut crematae patriae, & funestorum
 ignium infamiam a se auerteret, supra insitum odium, si-
 timq. cruoris in nostros exsurgere. Quamobrem pre-
 hendi homines, uinctosq. ante tribunal statui iubet: quos
 elatogestu, truciq. uultu sic affatur: Si scelerata ue-
 stra audacia, & acerbissimus amici interitus nos uti cle-
 mentia, & respicere mortales casus sinerent, nequaquam
 in

in cruciatu uestrum, atrocissimisq. supplicijs communem dolorem, communemq. Ciuitatis gemitum, leniremus: uerum in tot criminum atrocitate sordesceret clementiae laus, & concessus uobis spiritus summa crudelitas haberetur, quando effrenata ista ora, supra mortalia transgressa, ueterum sacra, caelo auspicata, temerauerint; inductaq. uos hac exitiabili superstitione, Caesarum maiestatem contempsistis, maledictis Romanum nomen proscidistis, tot nobilissimorum uirorum geniales toros abductis uxoribus uiduastis, & modo in conspectu populi Romani, uidentibus nobis, ante Deos penates uestris maleficijs occidistis: Praesidem Capitolij, auspicem uitae nostrae, salutem Ciuitatis, & Romani nominis fœderum, superbas animas, & egestate confectas, sceleribus efferatas, communiq. gentium dissidio gaudentes, & machinatas modo (si mortali ope staret) interitum Urbis, iam morti destinatas, num ex manu nostra Deus ille uester eripiet? Vbi nunc, Petre, Pauleque; arrogantes illae uoces, ubi iactantia, ubi numeratae Dei uestri maximae, perennesq. opes? en taeterrima superstitionis capita, terrarum orbis dedecora, & in coetu illo nefario perditissimorum hominum principes, quibus nunc auxilijs mens ista uestra confidit? nulla uos uota, non Deus ille uester, nec magicae fallaciae iuuerint: decepistis, atque infatuastis Asiaticas gentes, natas seruituti: praebuistis admirationem rudibus, atque inscijs Africae populis; & Europaeos eadem sceleris macula polluistis: sed Romanis nota Galilaeorum ignobilissimae gentis ueneficia, nota piacula, noti errores, impietatesque. testor, Quirites, illum diem populo Romano funestum, & illum ipsum Diuinum caelo labentem hominem: (qui mihi summi numinis instar erit) nihil hac superstitione, nihil hoc contaminatissimorum hominum grege in toto terrarum orbe aut turpius, aut scelestius reperiri, aut dari foedius, atque miserius. mbriendum nunc uobis, Galilaei, est, & morte uestra piandum, ne quis in cruce laniatum hominem adoret, aut ultricia Romana numina contemnat. nulum hinc effugium: nec enim dira uestra murmura, aut magica carmina, quibus ad terrorem utimini, pauet Romana securis. Itaque, lictores, abripite istos nefarios,

sentinam Urbis, deceptores hominum; & dignis cruciatibus maſtate. Vt ſubticuit Tyrannus, catenati Apoſtoli Mamertinum in carcerem, ad ima Capitoline arcis deſoſum, trudentur. Haud terruit inuiſos animos, & iamdiu pro Chriſti amore neci deuotos, Neronis immanitas, mortis ue horror: ſed admirareris animi celſitudinem, & Diuinam proſus conſtantiam; & hilara illa ora conſpiceres non ſecus, ac ſi, curru, ſexcentis hoſtibus ſtratis, Capitolia ſcanderent. ita pijs, iuſtiſq. haud ingrata mors, ſceleſtis tremenda, ac formidanda, illis felicitatem, iſtis ſempiternos cruciatus, maioresq. parit. Igitur Apoſtoli, traditi in cuſtodiam Paulino, clariffimo uiro, mox Mamertino, ſub duorum ductu Tribunorum, Proceſſi, & Martiniani, præſenti animo mortem exſpectare: ſed ambo Tribuni, Apoſtolorum concionibus ad Chriſti religionem traducti, expiatq. ſacra unda, quæ repente ex imis humi uiſceribus eruperat, eos incolumes dimiſere, haud ueriti Caſaris immanitatem, quem a perforandi liſthmi incepto difficultatibus natura reuocans in iſtis Olympijs proiecerat in omne ludibrium, principum mimorum, cytharædorumque, ac aurigarum magiſtrum, non Romanæ moderatorem Reip. miſerante orbe, ac lugentibus manibus Maiorum. Igitur piorum turba Petrum circumfuſa orare, obſecrareque, ne cruciatibus, ne morte ſua Neronis feritatem ſatiaret. Repugnat Petrus, & exceſſurum ſe Vrbe negat; uerſuſq. ad eos: Num, inquit, turpi me pauore conſternatum capeſſere fugam, Romana teſta deſerere, alias adire gentes, & Neronem meo in tergo ludentem uultis adſpicere? Siccine Petrus tot laboribus perfunctus, iam ſenio grauis, dux Chriſtianæ militiæ, commiſſa ab Imperatore uexilla, in ipſo proelii ardore, terroreq. minarum, deſeruerit; nec imperatoris reuerentia, nec communicata uirtus, nec traditæ bellandi artes, ingensq. in illo fiducia mihi uadenti in aciem aduerſus flammæ globos, crepituſq. uirgarum, horrentes ue mucrones, fecerint animos? Quantum proſecto a commilitonibus degenerarem, ſi immortali illorum uirtuti cederem, egregiaq. facinora imitari deſiſterem? Ideo ne ſos ille eximius, Chriſtiani nominis gloria, & prima Chriſto uiſtima data, Stephanus,

in

in florentissima ætate, præstantissime pugnans, occiditur, ur Petrus, iam senex in Christi contubernio factus abiectis rursus signis, frementi Neroni cedat? Turpe exemplum, graui poena puniendum: breues dolores, cruciatus ue, perenne gaudium, & ingentia præmia subsequuntur. nulla umquam sine cruore uictoria, & ea pernobilis, quæ ex ancipiti pugna. Itaque, fratres, de fuga cogitare desinite: omne animi robur, omnis uirtus, in discrimen danda. decore exitu uitam honestabo. nam, nasci cum laude, nemini; cum decore mori, paucis a natura concessum. Plura dicere uolentem prohibere cum obortis lacrymis circumstantium eiulatus, clamorque. Etenim, si uitam ipse nihili faceret, & cælesti desiderio teneretur, at in tironum solatium turaretur eam, quorum infirmi, imbellesq. animi tot in fluctibus tempestatum, & instanti periculorum mole nutarent, sternerenturque; instantem tæterrimum gladiatorem humano sanguine bacchatum, imminentesq. Iudæorum dolos, & laetos caedibus animos; & se undique periculis cinctos circumspectare: & una, eademq. toto consilio personabat uox, ex Petri spiritu pendere ceterorum animas. Quibus diu oblectatus Petrus, cessit tandem fratrum pertinaciæ. Quamobrem, fausta omnibus precatus, collucentibus stellis, ad uastum noctis silentium ab Vrbe profisciscitur: cumque, haud multo interiecto itineris spatio, Capenam extra portam processisset, ubi nunc est sacellum sub scriptiõne S. Mariæ ad transitum; Christum obuium habet, prouolutusq. ad eius genua, ait: Domine, quo uadis? Romam, (inquit ille) iterato Crucis supplicio afficiendus. Ergo ne, iterum, Petrus, tu in Cruce passurus uenis? Et ille dictum Petri confirmat. Tunc Petrus, intelligens, oraculum illud ad se pertinere, Regrediar ipse, & Crucifigam. His dictis, Christus euauit. Tum Petrus, repetita Vrbe, req. fratribus nuntiata, iterum a Caesaris satellite capitur, & ad Agrippam Præfectum adducitur: quem his Præfectus, ira feruens, compellat: Tu ne ille, quem popularis aura uehit, & abstractæ toris puellæ decantant? Tu ne ille ueneficus, & maleficijs gloriabundus, elatusque? Sed Petrus, interrito uultu, retusa hominis uæsania, sola se Cruce gloriari, aiebat; eamq. sibi trabeam,

trabeam, eam sibi facies, eam sibi curulem esse . Quapropter Praefectus, magis magisque irritatus, Petrum, quam alienigenam, ac barbarum, prius fustibus caesum, in Crucem agi ; Paulum uero , Ciuitate Romana donatum, capite plecti iubet, lege Valeria, ac Porcia, Romanorum ciuium praesidijs, propter impietatis crimen (id nostris adscribebatur illudentibus Deos) per centuriata comitia sublati, in exitum hominis : iam Nerone inter ludibria Magorum eluso, non nisi caedes, & strages meditante, recitata ex tabella sententia, sublatum est ab Ethnicis, Iudaeisq. murmur, festae uoces, plaususque ; ouans acerbius uolitabat Iudaeorum impietas, conuictisq. in apostolos grassabatur, & nondum Romano mucrore disruptis Apostolorum uenis, cruorem anhelare ; contra, apud Christianos lacrymae in oculis, tremor in corpore, haesitatio in lingua cerni, maestissimos animos, praeter Principum supplicium, metumq. sui, Iudaeorum laetitia, ac tripudia atrocius fodere . Enimuero Iudaei, Ethnicique, demptis duobus illis Christiani nominis fulminibus, rem nostram infirmam, quassatam, atque ex sanguinem futuram sperare ; nec litatis imperatoribus imbelle uulgus timendum asserere . At in Apostolorum uultu uidere licebat summam grauitatem, summam sanctimoniam, summam maiestatem, nihil de pristina hilaritate mutatum, idem decus, eundem colorem, eandemq. uocem . Itaque diu complexui mutuo inhaesere . cumq. iam segregarentur, (accelerante supplicium satellite) Paulus, ad Petrum uersus, Salue, inquit, templorum fundator, Christiani populi pastor, & summe gentium parens . Ad quem Petrus, Tu quoque, buccina Christi, decus militiae, sidusq. populorum, laetus ad superna proficiscere . hac die ingens nobis merces parata : aeternoq. una simul gaudebimus aeuo . Ita, se inuicem cohortati, segregantur . Cernitur locus hodie, in sacellum erectus, extra Tergeminam portam, ubi ambo Apostoli nouissimam sibi pacem, salutemq. dedere : quem locum indigena, exrusq. mira pietate adit, ueneraturque . At Petrus in Ianiculum, Naumachiae, deorsum, iuxta amnem ; positae, imminentem, (Paulo ad Saluias aquas ferro occidente) ductus, contemplatusq. Crucem, Aue, inquit, salus gentium,

gentium, Christi vexillum, carissima Crux, & nostro generi fauens: per te patefactum est ad sidera iter, apertumq. Caeli limen. tu, quam nuper integerrimi cruore madentem uidi, ocucumbenti hodie mihi ad salutem salutaris existe. Inde rogauit ministros, ut inuerso se corpore in Crucem agerent, ne seruus Principi aequaretur. His libenter paruere carnifices. Quamobrem, multa de Cruce concionatus, totus cruore madens, commendatis Deo, auditoribusque, Ecclesia, III. Kal. Iulij feliciter exspirauit, Fonteio Capitone, & C. Iulio Ruffo Consulibus, post Christum natum anno LXIIX. Impetij Neronis XIII. Sed breui subsequitur in monstrum ultio, erumpente enim ex Hispania Sergio Galba, Augustoq. ab exercitu, ac Senatu acclamato, Nero, conscientia scelerum pavidus, abiecto Caesarum cultu, fugiens, semet interemit. At, si de Petri aetate coniectari licet, XX C. aut paullo minus illum attigisse annum crederem, quando, uergente iam aetate, Christo se iunxerit, uixeritq. XXXVI. annos ab excessu Christi. XI. enim Antiochenam; V, & XX, mensibus sex, & diebus XI. detractis, Romanam rexit Ecclesiam. Corpus eius, a Marcello, Appuleioq. fratribus, magna ueneratione, & pijs lacrymis decoratum, multoq. unguentorum delibutum odore, in Vaticano, haud procul uia Triumphali, ad Neronianos hortos, circumque, sepelitur: ubi, Constantino Magno imperante, sedatis iam Ecclesiae fluctibus, (qui per XXX. Caesares religionem nostram saeuissime exagitarant) ingens illi Templum construitur, bidente, ligoque, ipsa Augusta solum fodiente manu. sed recentiores Pontifices, sordesciente illis ueteri illa structura, longe maiorem, augustioremque, & tanto dignam Principe attollunt aedem. Coepta stupendi operis moles a magno Iulio II. cuius inuicta, admirandaq. prorsus animi magnitudo, praeter armorum gloriam, restitutumq. amplissimae maiestatis, foede antea conculcatae, obscurataeq. scelere Tyrannorum, decus, pacis etiam artibus nobilitata est. At, ut ad rem reuertamur, Petri ossa una cum Pauli mista fuerunt, seu quia superis id cordi erat, ut, qui hanc captantes auram familiarissime simul uixerant, seq. admauerant unice, mortui eodem busto claude-

clauderentur, seu Asiaticorum inuidia factum? Enimue-
 ro Asiatici, eo ipso anno, seu recurrente festi anniuer-
 saria die, pietate erga suos adducti, ac tanto Italiae bono,
 tantaq. felicitati inuidentes, cum surripissent illa corpo-
 ra, detestiq. fuissent, concurrentibus ad arma indigenis,
 percussis, in puteum quendam, ad Catacumbas (duobus,
 aut paullo minus passuum millibus extra Triumphalem
 portam locus hic est) deiecere; inde caelesti uoce mon-
 strata, grandiora Concionatoris, minora autem Piscato-
 ris, attestante, mox a Siluestro, Summo Pontifice, (in
 Thraciam, ad occasum Romanae magnitudinis, abse-
 dente, ad incolendum Byzantium, Constantino) aequè
 ponderata, anno a Christi ortu CCCXIX. supra porphy-
 reticum lapidem; diuisaque, partim Vaticana, partim
 Pauli delubra habent: amborum autem capita, quae sur-
 ripere olim ausa feminea manus, mactatis fontium

corporibus, diram, execrandamq. audaciam

testata est, in nobilem, ac celebrem

locum translata, summo cultu

Laterano in templo

asseruari ui-

demus.



BEATVS · PAVLVVS APOSTOLVS



SAVLVVS Pharisaeus, familia Beniamin illustri, ac clara, quippe primo Iudaeorum Rege ex ea progenito, enascitur; Cosso Cornelio Lentulo, & L. Calpurnio Pione Consulibus. Ipsi uero parentes ius Romanae Ciuitatis (quo nihil flore re Romana insignius habebatur) obtinere, incoluereq. Tarsum, Urbem in Cilicia campestri nobilissimam; quippe Cilicia duas in partes scinditur, campestrem, atque montanam. Urbs ipsa Tarsus paruulo in tumulo exurgens Cyndo lauatur amne. auctor illi originis Perseus, Danaes filius, uel (ut alijs placet) Sardanapalus, Assyricum dedecus, opere unius cum Anchialon dici, tantae quondam Assyriae fuere opes, ut per XXXVI Reges late Asiam inumbrauerint, pluresq. condiderint Vrbes, demum, epulis, ac Venere flagrante in rogo semiuero corruere. Erat Saulus corpore mediocri, alij breui fuisse scribunt, & incuruo, naso, ad uotum Persarum, quod augustum in Regibus

A credunt,

credunt, adunco, & longiori, albo colore, hilari oculo, supercilio humi demisso, raro capillo, barba densiori, & promissa, pulchra, & decora facie, & in se unumquemque trahente: ad haec, acri, uehementiq. ingenio, praeclaro animo, & in ardua prono. Cum hac uirtutum indole a parentibus Hierosolymam perdisce endi causa mittitur, in Ethnicorum disciplinis non mediocriter uersatus, ubi diu audiendo Gamaliele, singulari modestia, & praestanti doctrina uiro, & Moseos peritissimo legis, commoratur, tantumq. uiuido ingenio, ediscendiq. ardore in disciplinis profecit, ut longe, multumq. contubernalibus superatis appareret omnibus illius doctrinam, uimq. in dicendo Asiae terminis haud quaquam contentam fore, afferbatq. parem ad patrios ritus defendendos animum, atque audaciam. Quamobrem, iuuenta, & moribus terribilis, Stephano, condiscipulo suo, perniciem non obscure machinatur, reliquorum ipse incitator, & antesignanus. Itaque, cum Iudaei, mira Stephani contusi uirtute, hominem, patrijs a legibus desciscentem, conuellentemq. uetera dogmata, lapidibus ad Aquilonarem portam, Cn. Domitio Ahenobarbo, & M. Furio Camillo Scriboniano Consulibus mactarent, illorum uestimenta custodiens, suorum ictus oculis iuuare, saxorumq. in crepitu exultabat, ipse innocentissimi eludens cum risu precantis uoces, hinc gustata saeuiendi in nostros licentia, & tactis, pollutisq. semel cruore faucibus, non quiescere, sed, dirissimo odij telo saucius, furere, omnia agitare, omnia quaterere, globoq. aequalium facto, nostrorum in aedes irrumpere, euastareque, miseros in publicum trahere, & grauissimis affectos contumelijs diuerberare, & tradere supplicijs. in imbellem quoque sexum, uel tutum contemptu sui apud hostem ferox, nihil denique illis pacatum sinere, caelum illis crudele, insensam terram exoptare, in gladium summa impunitate pulsatis ariete moenibus, aut foribus ferro stratis inter gemitus cadentum, & cruorem acerbis, immitisque. Magnum uulnus Ecclesiae per hos dies illatum: uulnerantur alij, in fugam alij uertuntur, alij fortunis spoliuntur, post acerbiter uerberum, & squalorem penatum. Quippe iuuenis, gloriae auidus, & non dum aduersis rebus iactatus, patrijs in defendendis ritibus

ritibus ueram laudem se adepturum, & immortalitati nomen commendaturum credere, sperareque: nam immoderata uasto, praeferuidoq. in animo uirtus, nequaquam solidae aura laudis contenta, late ultra modestiae, decorisq. fines euagatur, rerumq. peruerit ordinem, & principes gentis, & aemula nobilium cohors laudando, adulandoq. ferociam attollere, prorsusq. indomitis iuuenem animis contumaci, pugnaciq. ingenio infuescere caedibus gaudebant, ac ueluti nostrorum in exitium natum admirari. Sed concepta non diu illis spes arrisit, multa cogitante mortali, & alio ea Deo uertente. At Saulus, cum propagari latius religionem nostram, nec ullo poenarum metu coerceri uideret, impetrauit a Principe Sacerdotum Damascenorum ad conuentus litteras, quibus fieret illi facultas cuiusque mortalis Christi numen uenerantis deuinciundi, attrahendiq. Hierosolyma. hoc consilio, auctoritateq. munitus, (eodem etiam tempore Caio, dirissimo Monstro, Romanos penates infandis caedibus depascente) nulla interposita mora, festinus, nostrorum in excidium Damascum properabat. Qua diuulgata fama, ingens nostris terror incutitur: nouerant enim iuuenem per se ferocem, inhiantem caedibus, saepe noxium; & tamdiu uincula, ac strages, cruoremq. machinatum, & supra peruicaciam, atque insitum odium acerrimum aduersarium, publicisq. nunc uallatum opibus horrendum, non aetati, non sexui parsurum, sed omnia immani rabie euastaturum. At Saulus, Christianum sanguinem anhelans, scelere amens, & furore uaecors, iam magnam itineris partem confecerat, cum subito, Paulo Fabio Persico, & L. Vitellio Nepote Consulibus, IIX. Kal. Februarij a Stephani caede recurrente anno, ac mensse, scindi caelum, & ingens micare fulgur, obductaq. face, Sauli in ora uibrare, adeo, ut perstricta oculorum acie, animoq. deficiens equo decideret, apparuit, infecuta mox uoce, Saule, Saule, quid me persequeris? Cumq. pauidus ille quaesisset, Quis es Domine? ille dixisset, Iesum esse, quem oppugnaret, persequereturque, durumque, ac graue illi esse, stimulo calces opponere: Tunc Saulus quaerere incepit, quid sibi facere imperaret? At ille, ut Damascum contenderet, admonuit: ibi enim,

quid faciendum foret, auditurum. Comites uero Sauli par terror, stuporq. peruaferat, concrepante uoce, uiso nemine stratum ante se cernentes Ducem. Quamobrem, cum diu hæcissent, reollecto demum animo, hominem Damascum perduxere; ibiq. triduo, nullo gustato cibo, luceq. carentem, Ananias, a Christo praemonitus, confirmatusque, in pristinum redigit robur, sacraq. lauat aqua, trepida etiam manu: tantum sibi fecerat nomen Sauli ferocitas, ut etiam corpore languens, & luminibus orbatus, adspicientibus terrori foret: sed ingens ille bellator, usque adeo Christiano nomini infestus, sexcenta pericula pro Christo subiturus erat, nomenq. eius Regibus coram, ac Caesaribus intrepide turaturus, uas electionis, decus Christianae militiae, terror hostium, uictorq. gentium. Hoc pacto Saulus, Christi signis mancipatus, omnes ingenij uires ad amplificandam Imperatoris gloriam, omnemq. animum ad abolendam impietatis notam conuertit; palam iam Christum confitetur; manasse iam bonae; effulisse numen; non ultra euoluendis libris terendum tempus esse, praedicat. Quae repentina mutatio summa omnes admiratione affecit. Enimuero increbuerat iam fama, armatum minis, & peculiari odio saeuum ad Christi delendum nomen Damasco appropinquare, & tunc non illud persequentem modo, sed ultro laudantem, extollentemq. audiebant, saeuum murmur, dissonus cantus, incertaeq. uoces exaudiri, & non dubius metus, acrius odium cum rabie Iudaeorum pectora quassare. feruere igitur animi, insontisq. in caedem impelli, florentemq. aetate iuuenem, promptumq. manu, ea ingenij praestantia, ea facundia, abnegato patrio turpissime ritu, externa ad sacra prolapsum, acerrimeq. pro his stare indignabantur, ideone haussisse dogmatum mysteria, ita intulasse disciplinis, ad hæc tradita arma, patrias ut ea in leges diffulminaret, abutereturque? Vociferari itaque, structis insidiis, ne posset elabi, saxq. illa ingens, breui excitatura incendium, ipso in ortu extingueretur, Dineam, Arabum Regis Praefectum, illuc ab Rege delegatum ad Romanam mitigandam ferociam, (cum haud dubie Romani ipse belli metu quateretur, additusq. siderum scientiae nonnisi ex caeli benignitate salutem speraret) ad-

eunt,

eunt, obtestanturque, ut uigiles portarum ad limina stare, cauteq. custodire iuberet, cum transcendere moenia nefas apud Romanos, & semper morte piatum ipso Urbis conditoris fratre cruore suo iura sanciente. Sed Sauli Auditores, praecognitis insidijs, cum fallere excubias nequirent, hominem intempesta nocte e specula in sporta dimittunt, qui statim in Arabiam euulgandi Euangelij gratia proficiscitur: quamquam id Lucas memoriae non mandauit: sed ipse Saulus in Epistola ad Gallograecos se alio intendisse ab illa fuga iter, inuississeq. triennio post Hierosolyma, rediisseq. Damascum, affirmat. Arabum gentes, feritate barbaras, & corporum, animorumq. molitiae infames, soli fertilitate, odorum copia, caeliq. salubritate beatas, partim Romana potentia, partim indigenae Reges, & ipsi socij, uectigalesq. Romanorum imperio frenabant, Nabathaei, Agraeci, Sceniti, & Chaulotei multas colunt Vrbes, sed plerumque uastis campis inerant, & sub dio Scythico more degunt, incondita multitudo, certis parens Ducibus, discors, ac contumax, quorum crescente sobole, ac colluuique, nostro saeculo ab Euphrate, qua Palmyreorum termini rigantur, usque ad Atlanticum Oceanum, Aegyptum, Africamque, occupata uidemus. Has gentes concionibus Saulus aggressus, fracta saepe impietate, multisq. acquisitis Christo militibus, Damascum repetit, moxq. Hierosolyma, Apostolorum uidendorum gratia, Petri praecipue. cuius fama sanctitatis finitimas gentes occuparat, ad exhibendum Principi Ecclesiae obsequium, & quodammodo ad accipiendum, praestandumq. iuramentum, apud signa, summumq. militiae Ducem, petijt. sed eo desiderio fraudatur. nam, praeter Petrum, Iacobumque, fratrem Domini, uidit neminem. Quindodecimo post die, in Syriam, Ciliciamque descendit, frustratus inimicorum insidias, & rabidas animas uni ipsi praecipue truces, ubique Christi nomen enuntians, duciturq. a Barnaba (quicum uetus intercedebat consuetudo, amboq. sub uno, eodemq. instituti fuerant praeceptore, & saepe inter se de religione disceptarant) Antiochiam, nondum ex omnium Apostolorum, ceterorumq. animis depulso pauore: sed Barnabae auctoritate omnibus carus existit: tanta enim Saulo

ad

ad conciliandum sibi mortalium fauorem, captandosq. animos, dexteritas inerat, ut nihil supra: quisque hominem celebrare, stupebatq. cum oris dignitatem, tum suauem mores, procul scurrilitate, & risu, atque facetijs. &, quanto truculentior sibi animo, vultuq. effinxerat, tanto leniorem, mitioremq. expertus diligebat. Igitur Saulus una cum Barnaba integro anno Antiochiae commoratur, ibiq. nostri, Christiano cognomine, cum antea Nazareni nuncuparentur, honestantur: deinde, cum maxima rerum paenuria, Agabi ex ore multo antea denuntiata, anno secundo Claudij Caesaris, quo rebellionem, stragem, & pugnas Romana res sensit, Iudaeam, finitimasq. Provincias urgeret, eaq. mire Christiane in his Prouincijs uersantes affligerentur, Antiochenis conuentus in medium pro rata facultatibus prolatis occursum, piorum necessitati, munusq. Saulo, ac Barnabae id iniunctum, quos uniuerso in conuentu uirtutum concursu, admirandaq. pietate praecllentes intelligebant. Re feliciter, pieq. expleta, ambo Antiochiam, Ioanne (quem & Marcum appellari alias diximus) adscito, reperunt. Florebat illa Ciuitas multis, ac praestantibus uiris, & Christianae disciplinae obseruantissimis: hi, multis suis ad Deum antea precibus, Saulum, & Barnabam, ad opus, ad quod uocati erant, implendum dimiserant: qui, almo ducti spiritu, Seleuciam Ciliciensem, ad Calycandum sitam amnem, uenerunt: deinde in Cyprum, uno adiuncto comite Ioanne, traicere, insulam mirae fertilitatis, caelo felicem, & amoenitate illustrem, adeo, ut Poetae in illa Veneris domicilium finxerint: Paphus inclytum templum habet, condente Aeria, seu Cynara sacrate, nulla Deae humani corporis effigies, perpetuo ambitu formam in metae turget, thure, ac precibus numen exosci credebant, nec citius madescere ara, haec dorum sibi haud incerta fides, nec ulla supererrorantis uis imbris in ignem sub dio flagrantem, ratio occulta, foedi mores, crebra stupra, succumbente exteris passim, aduenisq. muliere, nullus pudor, nulla modestia, quo forma augustior, eo in libidinem, & obscena profusior mulier, summa laus in stupri patientia. Igitur Saulus, Cypro Papho tenus peragrat, a Sergio Paulo, insulae procuratore, audiendi uerbi

Dei percupido, accersitur, multum contradicente Elyma Mago, qui, obscurus genere, malitia notus, dolis, ac fallacijs creuerat, uerebaturq. Apostolorum aduentum, ne detectis maleficijs eo deceptorum opimo animorum spolio nudaretur, & lueret simul poenas . Quod intelligens Saulus, in conspectu Praefidis in hominem inuectus, ita oratione perstrinxit sua, ut mutesceret ille, &, caelesti ira punitus, omnem uidendi usum amiserit . Quo miraculo adductus Sergius, cum multis accolis, ac tota familia, sacro baptismate abluitur, uir bellica laude insignis, & in administranda Rep. iustus, nec animi, aut consilij inops, non minus Saulo carus, quam illius ipse cupidus . Hinc Saulo inditum Pauli nomen ferunt: & sic deinceps uocabitur . His igitur Paulus gestis, una cum Barnaba relicta Papho, Pergen, Pamphiliae Urbem, Dianae Pergeae delubro memoratam, Cestro flumine subuehitur: inde Antiochiam in Pisidiam (reuertente Ioanne Hierosolyma) accessit: ibiq. dies noctesq. Christianam religionem praedicabat: tantumq. erat ingenij illius acumen, tanta uis dicendi, tanta ubertas summo cum in Christum amore, ut nec umquam illi uerba defecerint, aut exaruerit oratio, nec corpus ullo labore fuerit deuictum: a gallicinio usque ad quintam horam manibus opus facere, ad nonam usque in docendis, instruendisq. populis, aut curando corpore, fouendisq. egentibus defatigari: magnificus illi animus, excelsus, & numquam a rationis sede deiectus: mira submissio, & ad breuissimum tempus ira: (quod plerumque in alti animi uiro reperies) nulla morositas, nulla elatio inerat, acerrimo in ipso iuuentae robore iactari, aestuareq. feruore pruriginis: sed creberrimis ad Deum precibus, mira. corporis afflictatione tundere efferuescentem uenerem, ancipitiq. in discrimine saepe triumphare . Igitur in Pisidia Antiochiae commorans, cum in Iudaeorum conuentum intrasset, lectisq. sacrorum capitibus librorum, rogatur ab Optimatibus, numquid effari uellet . Tunc Paulus, grauem exorsus orationem, cuncta, quae a Deo ipsi, Patresq. beneficia acceperant, commemorat, Abrahamum, uirum integerrimum, gentis patrem, eductum Chaldaeorum e regione, multis periculis exemptum, illustriq. sobole nobilitatum,

tum, eiusq. posteritatem Canopum, Nilumq. moderatam, mox a summa dignitate, fractis fascibus, in ima miseriarum deiectam, rursusq. spreta Memphitici populi arrogantia, depulsaq. seruitute, fertilissima Prouincia septem deletis gentium nominibus, scisso bifariam mari, obrutis, ac fluitantibus hostium corporibus, sepultis aquarum mole Aegyptiorum iris, sepultisq. furoribus, micante illis nocturna, Solis instar, face, roratis in solitudine desuper cibarijs, curatis uulneribus, enatis mirabiliter fontibus, interrupto perenni in cursu Solis itinere positam, illatamq. ad uber, beatumq. solum per populorum ruinam, stragesq. ferrum tepuisse cruore, irrorasse saxa, maduisse solum, exundasse amnes, bellicoq. strepente concussos, prolapsosq. Urbium muros, opidaq. arte, ac natura munitissima circumuallata, oppugnata, excisa, populataq. flammis, uersaq. in cineres strata armatorum agmina, stratasq. phalanges, ostentata simul iudicum iura, Regale ostium, Euphratemq. plus aequo tumentem, atque immodicos euibrantem fluctus irarum ad unius oculorum ictum puellae expalluisse, adorasse maiestatem Susa, horruisse femineos ausus Ecbatana, Persidaq. contrémuisse referebat: & tamen nullo supplicio mitigatam eorum rabiem, exsaturatam ue libidinem, occisum ab illis Christum, a Dauide ducentem genus, tot uaticinijs designatum, atque promissum, passim aemulatione ad illum maculandum Optimates certasse, pro concessa uita mortem, pro beneficio iniuriam, pro gloria infamiam, ac tætertum supplicium retulisse ab illis, grauissime concionari. Cum dicendo finem imposuisset, dimissaq. concione, ipse, una cum Barnaba, exiret, Iudaei cum orant, ut proximo die, qui sollempnis apud illos habendis concionibus erat, (Sabbathum ipsi nuncupant) iisdem de rebus uerba faceret. Multi se Paulo a concione associauerunt, moti cum uiri doctrina, tum percepta ueritate. Insequentibus diebus, cum tota Ciuitas ad audiendam Pauli orationem conuenisset, Iudaei, id indigne ferentes, obistere, miscere seditionem, & uastis undique clamoribus, huc illuc concurrare, modo in concione Paulo obstrepere, modo iactare maledicta, modo ambages proponere: uicta tamen ab Apostolo peruicacia, ad dolos, uiresq. uerte-

ueriebatur incitando populo, & aptam seditioni subito miscendae in medium producendo mulierem. Itaque, gliscente tumultu, Paulus, multa elocutus, se Iconium; Lycaoniae Urbem, praecipuam, & aetate nostra duabus funestissimam pugnis, proripuit, ubi par illum seditio Iudaeorum dolo conflata excepit, affectusq. calamitate, opidoq. eiectus, traducta ad Christi cultum Tecla, nobilissima puella, Lystras Derbamq. eadem in Prouincia Opida se contulit; iacentiq. ad portae limen inopi pedibus debilitato, & curari magnopere cupienti, ualitudinem impertitur, ita, ut ualens ille, ac uegerus surgeret, ambularetque. Quo prodigio stupida Ciuitate, maxima omnium in Paulum, ac Barnabam ueneratio, cultusque; adeo, ut Lycaoniae inclamaretur, aduenisse Deos, Iouem in Barnaba, Mercurium in Paulo designatos, iam datam genti salutem, iam terras numinibus lustratas credere: Stabat iuxta interim Sacerdos, sacra canens, ture fumare arae, & mugire iuuenti, spectari coronae, insulaeque, & omnia holocausti in modum parata erant, sed prohibetur non debitus mortali cultus ab Apostolis, & Deo exhiberi, cuius clementia funduntur imbres, omniaq. bona rorantur, iubetur: sed Iudaeorum non quiescere doli, aut cessauit inuidia. nam, quanto in clariori fama, propter uirtutes, & ingentia prodigia, Christianos uidebant, eo acrius eorum in animis exardebat incendium: ea praecipua gentem cura angebat, cum Christianum nomen adeo breui tempore in immensum attolli, ex Cruce ortum, & Crucis nomine fundi, & Moseos dogmata tantis nobilitata miraculis tot annorum cursibus Palaestinae terminis coercita, ceterisq. gentibus execranda conspiceret. Itaque, consternata multitudo, in Paulum ruunt, & multo saxorum ictu conuulnerant, adeo, ut diu inter mortuos iacuerit: quem sublatum cum Barnaba discipuli Derban perduxerunt: qui, breui recepta ualitudine, obductoq. uulnere, haudquaquam periculis deterritus, iterum Antiochiam, Lystras, Iconiumq. lustrauit; confirmatisq. Christianorum animis, laetus iam Theclae pernobilis fama, in flammarum globis, tormentorumq. atrocitate uirtricis pergrata Pisidia, Pamphiliam tenuit, inde in Attaliam, mox Antiochiam ad

Orontem, cum Barnaba deuenit, benigneq. a cunctis excipitur: quid ipse, ac Barnabas, effecissent, in Asia consilium edocent. mittitur inde Hierosolyma, per Phoenicem, Samariamq. iter faciens, enata quaestione inter Ethnicos, iam Christi militiae adscriptos, ac Iudaeos, Cerinthio, antesignano, sceleratissimo homine, quaestionem mouente; num ad Ecclesiam accedentibus pellem (quod praeputium Iudaei dicunt) abscindi oporteret. uicit Pauli sententia, (multa concionantibus Petro, atque Iacobo, hac super re) qui nequaquam eo onere premendos Christianos iudicabat. Ita, cum hoc decreto Antiochiam remissus, & aliquandiu ibi moratus, repudiato Ioanne, multum obistente Barnaba, & exorta dissensione, adiuncto sibi Syla, inuisere Christianos; & confirmare eorum animos aggressus, Lystras deuenit, ibiq. Timotheum; insigni florentem fama; semiludaeum, (quippe Ethnico patre, Iudaea Christiana matre Eunice nomine erat ortus) in comitatum adsciuit, praeputiumq. mutilandum curauit, ad captandam Iudaeorum beneuolentiam: qui, Ephesinorum Antistes declaratus, in infandis Dianae sacris, a furente populo postea occiditur, dira in impietate; sacra, atque illustis Deo uictima litata. At Paulus, hoc comite, peragrat Phrygiis; ac Gallograecis gentibus, in Mysiam contendit, prohibitusq. Bithyna in Troadem descendit, ubi ad uastum noctis silentium mira illi species uisa: uir quidam Macedo eius oculis obijcitur; qui idem demisse precabatur, ut in Macedoniam transfret; seq. adiuuaret. Mouit Paulum cum species uiri; & iusta petito, tum claritas gentis: nam triginta Regibus; & CLIV. annorum imperio fractis Thracibus; frenata Graecia, stratis Persarum opibus; uictorij India, Aethiopiaq. percursum, inchoatum nomen astris terminarat: sed Asiae, Europaeq. ingens terror nulla maiestate tutus Romanae uirtuti succubuit, ita rerum uicissitudine ferente, modo Assyriorum per CLV. & CCC. annos euehente imperium; modo Medorum per CCCL. modo Persarum per CCXXX. extolente, prostranteque. Igitur Paulus, relicta Troade, apud Cyzicum taeterrimo carcere afflictus, per aliquot dies, si recte intelligamus ipsius sententiam epistolae, in qua infortunio comemorat, de triduanis in imo pelagi tenebris remi-

reminiscens, recto cursu Samothraciam, adiacentem Thraciae (qua Hebrus in pontum euoluitur) insulam, applicuit, deinde Neapolim, mox Philippos tenuit Urbem, praerupto in tumulo sitam, Crenidem olim, & postea Datum, appellatam; illustrem muniente Philippo Amyntae filio, & duarum Romanarum cladum cruore, luctuq. memorabilem. Itaque per aliquot ibi dies Euangelium concionatus, Zygastem ad flumen (ibi olim post raptam legentem Proserpinam flores iugum fregisse currus Plutonium fabulantur) oratum descendit, Lydiaeq. mulieris, purpurarum uenditricis, ex Ciuitate Thyatirenorum, quae Pauli doctrinam secuta erat, precibus fatigatus: in aedes diuertit. cum progredieretur, fit illi obuiam haud indecoro ad spectu puella, Apollinis deuota sacris, (cuius inclytum Delphis templum ea tempestate conspiciebatur) quae & dare responsa, & affari mortales, futuraq. praedicere, tripode percusso, solebat, & dominis ingens uestigal: quae, conspicata Paulum, comitesque, illos Dei seruos, & salutis monstrantes iter, praedicabat: cuius ex corpore Paulus cacodaemonem eiecit, magno dominorum maerore. Quamobrem quotidiano redditu fraudati, coorti in Paulum, fociosque, ad Magistratus pertrahere, accusantes, quod Ciuitatem turbarent, & sacra ueterum recenti superstitione inducta conuellerent, Deorumq. simulacra polluerent. Quorum uocibus instigata multitudo, detractis Paulo, ac focijs uestibus, grauissime illos uirgis contudere, & sic male habitos, caecosq. in uincula coniecere, sed intempesta nocte, precantibus illis, adeo, ut uerborum sonus custodis ad aures perueniret, tantus exstitit repente terraemotus, ut, plurimis conuulsis aedificijs, ipsius carceris fundamenta uehementissime quaterentur, expansis foribus, laxatisq. nexorum uinculis. Eo tremore excitus carceris custos, cum patefactas carceris ianuas conspiceret, uinctos abiisse ratus, poenam ueritus, enudatum ferrum in se conuertit, cum statim Paulus, magna edita uoce, damnare facinus, & inhibere manus iubet, neminem fugisse testatus. ille, ad Pauli uocem, abiecto ferro, accensaq. face, carcerem ingressus, cum uinculis solutos illos uideret, miratus magnitudinem animi, percussus, ad illorum se pedes abiiecit, salutemq. preca-

tus, dimittit, qui in illius domum se recipiunt, ubi expiato sacra aqua cum uniuersa familia custode carceris, curandis ictibus curam adhibent, quando Magistratus, missis licitoribus, ut dimitteret uinctos, custodi imperarunt. qui se cum indigne uirgis caesos, seq. Romanos esse inclamarent, iniecto Magistratibus, ciuibsq. recenti ante oculos Rhodiorum obuersante calamitate, par scelus, iniuriamq. contracta, terrore, extra Urbem liberi emittuntur. Inde, salutatis fratribus, percursisq. Amphipoli Dianae Tauropolon clara delubro, Apolloniaque, Thessalonicam, insignem Urbem, Achedori haud procul ostio annis, ad Thermiacum sinum calcata, Thessalorum gentis gloria, uirtute Amyntaei Philippi percelebrem, tenuere. Ibi multi nobiles Iudaei negotiabantur, nec obscuro eorum conuentus uisebatur. Usque adeo creuerat numero, ac sobole dira ista natio, ut per uniuersam Asiam, magnamq. Europae partem sese effunderet. Ibi Paulus ter in hebdomada disputare, lustrariq. Iudaeis, eo totam ingenij uertens uim, docendo, Christum esse Deum, moriq. oportuisse nostra supplicio suo ad delenda scelera, non intellectum id apud Iudaeos, & alienum penitus ab eorum animo, cogitationeque, credere uacors illa gens Christum Regio fastu, armataq. manu uenturum, Romanum ad depellendum Hierosolymis nomen, & gloriose in tertis triumphaturum, & quantum supplicia, crucesq. dedignari regale fastigium, tantum abesse Christum a Deo, quem, in humanis abiecte uiuentem, vulgari uestitu, uulgari parente, uili familiaritate usum nouissent, etsi stupenda illa, ac supra naturam prodigia omnem penitus caecis ex animis depellere caliginem potuissent. Sed Iudaei mori potius in erratu malunt, quam cedere, uel cum dignitate, aliorum uoluntati. Nulla gens toto in terrarum orbe crudelitate saeuior, aut luxuria foedior, aut avaritia scelestior, aut peruicacia obstinatior, aut ingrato animo tectior. At Paulus cum multos Christo milites adiunxisset, commorareturq. apud Iasonem, praepotentem Urbis ciuem, Iudaei, qui in errore, ac peruicacia permanserant, manu facta, communicatoq. cum nonnullis sicarijs consilio, qui turbatum potius, quam pacatum Ciuitatis statum malebant, in Iasonis domum

irrum-

irrupunt, ut Paulum, sociosq. ad Magistratus ducerent. Quibus non inuentis, Iasoni, nonnullisq. alijs e pia familia manus iniecere, clamareq. coeperunt, Iasonem praebere domicilium rerum nouarum cupidis, fouere diuitijs, & complecti auctoritate, fascium terrorem obliterari, sperni maiestatem, & Divalia rescindi decreta, ac labefactari Caesaris nomen, IESVMQ. ab illis Regale in fastigium attolli. Excitur his uocibus Ciuitas, Caesaris maiestati obstricta: iam uaga uolitat, incertoq. fremitu turget, ruit, ac ante tribunal Iasonem sistit, Paulo, Sylā, ac Timotheo aufugentibus. (quando in eos tota effusura uis popularis fuisset) Sed Iason, perorata summa fiducia causa, deprehensoq. Iudaeorum dolo, liberatur. Itaque Christiani Paulum cum Sylā Berrhoeam misere, ubi Paulus, multis concionibus habitis, nusquam periculis concussus, fractus ue labore, multos ex Iudaeis, plures ex Ethnicis ad Christiana iuga mittit. quae res Thessalonica Iudaeos Berrhoeam ad perturbandam religionem nostram exiuit: statimq. impleta seditionibus Vrbe, nostri euitandi tumultus causa, Athenas Paulum dimittunt: qui ut Atticam attigit, properare ad se Sylā, ac Timotheum iubet. Enimuero ingens instare discrimen, nec rudi cum gente pugnandum erat. Hic Athenas intrat. cepit hominem primo occurso cum magnitudo sceleris, tum Urbis reputatio nobilitatis, stantem quippe cum titulo uel ignoto Deo cernebat aram, iuncta Minervae arcis praefidis in uenerationem concessa, uictimas torreret flammis, idolorumq. nomina passim uario sonitu canit. hinc postea subibat animum inclytam illam Urbem Solonis legibus, Graeciae quondam lumen, Marathonia, ac Salamina laurea clarissimam, tot molitam classes, Asiae terrorem, Europaeq. ornamentum, amputatis lacertis, sublatisq. opibus tremere secures, horrere togam, curulemque, & seruire fascibus, solaq. tantum lingua ferocientem contemplari. His agitatus Paulus, non terendum tempus, aut cunctandum ratus, magno studio Christi doctrinam edocet. multa illi cum Stoicis, multa cum Epicureis luctatio. illos, magno, sed falso, uirtutis amore flagrant, &, dempta superstitione, haud abhorrentes, a Christiana disciplina; hos, non diuinam naturam, non

immor-

immortales animos, sed cuncta occasu sempiterno tolli existimantes, ueneri addictos, cibis, somno, cunctisq. illecebris pollutos, ad bonam frugem reuocare Christi miles conabatur. crebra disputatio: eadem artes: par in differendo cerniacumen ingenij: res summam in contentionem deducitur. Philosophi, innato fastu praetumidi, & sua doctrina uentosi, in animum inducunt, ignoto homini, & noua prorsus in medium afferenti, non cedere: & Paulum, uerissima sentientem, nulli syllogismi nulla cauillatio, uulgataeq. fabulae, aut acuta ratiocinatio absterrent. Ergo ad Ariopagum decurritur, grauissimum, sanctissimumq. apud Athenienses consilium: ubi Paulus, dicere iussus, in hanc sententiam locutus. Multa sane, atque ea praeclara de Athenarum Vrbe uel legeram ante, uiri Athenienses, uel auditione acceperam, quibus ueneram in eam mentem, ut hanc ipsam Urbem lumen esse Graeciae arbitrarer. quod quanti sit, illi profecto intelligent, qui de ipsius Graeciae laudibus uere, atque integre iudicare potuerunt. nam maria tot adita classibus, uestris exercitibus exteræ edomitæ Nationes, tot singulares partæ uictoriae, uestris a ceruicibus parua saepe manu depulsa Persarum uis, quorum innumerabilibus copijs angustum solum, quorumq. uolantibus relis angustus aer uidebatur, simul & Thebana ferocitas, duritiesq. euicta Spartana uestram cumulate gloriam extollunt. Sed tamen, cum primum uidere licuit, quæ prius me uel fama, uel lectione in admirationem rapiebant, cum illis prope omnibus res, ac facta consentire animaduerti: ita enim sunt recte apud uos pleraque digesta, atque eo ordine descripta, ut nulla sit mirandi causa, cur a uobis leges dicantur, ac iura ortum habuisse. Vnum tamen (ut fatear) admirari non potui, quid sit, cur Deum aliquem ueneremini, quem uobis ignotum esse dicitis? Quo ergo tot philosophorum disciplinae, quo monumenta, quo disputationes, quo acumen uersa ingeniorum? iuuat lustrare terras, metiri caelum, recensere astra, cursusq. indagare, & illorum omnium opificem non pudet ignorare? Cum enim uestrorum imagines, & simulacra praeterirem modo, & perlegerem oculis, incidi in quandam inscriptionem, quæ aram positam esse indicabat

IGNOTO DEO.
mitto

mitto iam, fuerit ne id effectum opera alicuius Atheniensis, an (ut fert multorum opinio) Cretensis Epimenidae: illud tamen dico, nec uereor suspicionem temeritatis, posse me uobis indicare, quis sit Deus, quem uos ignari ueneramini, si modo non anticipatam illam in animo habeatis sententiam, ut rebus etiam ueris obistere, ac repugnare uelitis. Deus igitur, quem uos ignoratis, & quem non ignorare debetis, is est, qui e nihilo totum hunc terrarum orbem condidit, qui terram suo stabiliiuit pondere, & circum eam fudit aquam, aera tenuem fecit, ac spirabilem, caelum denique explicauit, pulcherrimo cuius quasi amictu omnia teherentur. Hic autem rerum omnium procreator, & dominus, non templis ullis, quae hominum sit architectata manus, continetur, nec opere comprehenditur humano, cum, rei nullius indigens, uitam per sese ducat felicissimam, beatissimamque. ab eo potius omnia quasi apta pendent ipsius opis indigentia, ab eo enim spiritum ducunt omnia, ex quo fit ut hoc coeli adpectu, & uita fruantur: procreauit ipse stirpem ipsam, & progeniem hominum, quos immisit in terram uniuersam, eisq; certa quaedam uiuendi tempora, ac spatia, suo ipse arbitratu, nutuque, praescripsit. Quae omnia fecit incredibili quadam permotus uoluntate, ut cognosci posset ab omnibus. Incurrit in oculos omnium etiam aliud agentium (si modo agant aliquid) tanta Dei liberalitas, tanta magnificentia, ut manibus prope tangatur, non tantum oculis uideatur: ita sunt ipsius omnia plena. Nec uero id latuit quendam uestrorum Poetarum, quos magnò uos interdum honore dignamini, cum illud quasi oraculum dedit, ac responsum: Dei genus sumus: nimirum quod uiuimus, quod mouemur, quod sumus, id uni Deo acceptum referri debet. quod si effatum illud uerum esse intelligitis, quod praedicat nos esse Dei genus, illud profecto sequitur, ut intelligatis, non quod e lapide caeditur, aut caelatur auro, atque argento, quod elaborant manus fingendi, caelandiq; artifices, id esse diuinum, aut Dei simile. tenui namque filo Dei apud uos auctoritas pender, si tam infirmis nititur adminiculis. Quin uos ipsi expergefacitis, mentemq; extollitis ad maiora. Pellantur tandem istae tenebrae, quae uos obsederunt

derunt nimirum diu: cedant aliquando luci tenebrae, nox dici, ignoratio scientiae, umbra Soli: Deum sequamini: quod unus e uestris dixit Sapientibus, turpe esset, Athenienses, si, cum discere possitis, quod est maximum, pulcherrimum, utilissimumq. in uita, id addiscere defugeretis, aut ignorantia quadam, aut pudore: nec enim Aegypti portenta, aut Syrorum miracula, ac fabulas canimus, non Apim, aut Anubim, foeda animalia, uelut numina exculta, non Babylonis foeditates in medium adducimus: absint ista a uestra doctrina, a uestro ingeniorum acumine. loquimur Athenis, & in grauissimo isto consilio apud sapientissimos homines. Itaque audite, audite, quid Deus, Deus, inquam, ipse, qui, cum sit summa ueritas, neminem potest fallere, quasi uociferans, admonet, nobisque denuntiat: Corrigite, mortales, si quid est in uobis prauum, emendate pererratum, fugite nefarium, obtegit uitia uirtutibus, maleficia obruite benefactis. Veniet dies aliquando, quam solus ipse constituit ab omni aeternitate, qua die omnium hominum, qui sunt, erunt, fuerunt, disceptabuntur causae iure aequissimo, dabit iudicem uirum summae integritatis, summae innocentiae, incredibilis sapientiae, quem nec prece inflectere possis, nec pretio labefactare, quem quidem ipse delegit ex omnibus sibi carissimum, atque huius egregiae erga eum uoluntatis hoc nimirum uoluit esse argumentum, quod eum, crudelissimos, acerbissimosq. perpassum cruciatus, mortuumq. suscitauit, atque e sepulcro reduxit. Quid tumultuamini, quid strepitis, uiri Athenienses, cum auditis excitatum aliquem ab inferis? Non uobis Platonicae alicuius fabulae ueniat in mentem, sed summae, & diuiniae potestatis: quid enim non potest Deus, qui, quae ipse uoluit, fecit omnia? Rerum est omnium praepotens Deus, & nihilest, quod, si uelit efficere, non possit. quin uos ita uitam instituite, ut, Deum agnoscen-
tes, recte, pieq. uiuatis. quod cum feceritis, illud sequitur, ut praeclare moriamini: & spes erit postea, cum redieritis ad uitam, non pro sceleribus, pro maleficijs, ignominias, supplicia, & ignem perpetuum, ac sempiternum: sed pro benefactis, pro uirtutibus, honores, & illustria praemia consequamini, quae ad memoriam exstabant
sempi-

sempiternam. Vt Paulus dicendi finem fecit, mouit admirationem audientibus: nemoq. ex Senatu praeter Dionysium Paulo est assensus: is, excellenti doctrina, magnoq. ingenio, in Aegypto, apud Heliopolim, sedem quondam philosophorum, caelestia perscrutantium, Apollopheanis auditor, quo die Christus mortem subiit, ingenti, inuitatoq. mundo tremore quassato, omniumq. animis mortalium panico terrore concussis, ac tacito maerore occupatis, caeloq. abscedente sole, & uasta nubium mole tellure operta, eam in sententiam descendit, ut diceret, aut naturae pati Deum, aut machinam dirumpi, soluiq. terrarum. Huius postea insigne nomen fuit Gallicanis gentibus tutelare. Credidit etiam eodem die Damaris, non ignobilis femina, ipsius uxor Dionysij. Memorant etiam, in eo certamine a Paulo ad religionem Apollinem, clarissimum iuuenem, fuisse attractum, caeci cuiusdam ex oculis demptis tenebris, cum insigni inuentum admiratione. Hinc, relictis Aethenis, Corinthum accessit, Aethiae lumen, Urbem clarissimam magnificentia aedificiorum, & elegantioris suppellectilis. Sed, postquam Romana arma Mummio Imperatore eo illata sunt, tunc Corinthus, ingemisciente Graecia, denudata ornamentis, ferre iugum coacta est: sed illa uictoria uictori, quam uicto, funestior fuit, peregrinis illecebris emollita Romana ferocia, & contusa uirtute: adeo prouum in uoluptates humanum ingenium. Sed Corinthus, in aduentum Pauli omnis penitus decoris oblita, cunctas in impietates, ac turpitudines effusa, non indigenis modo, sed peregrinis etiam moribus, sacrisq. foedabatur, famosa non secus, ac Oriens in sacrorum Anatidis scelere quaeustum corporibus muliere Deae faciente, adeo, ut mille quondam scorta famulata ei fuerint. En celebrata apud ueteres Graecorum prudentia, atque integritas, quid Academia, quid Lyceo, quid Ariopago, quid Prytaneo, quid Ephorum consilio profectum? gens leuissima, atque obscena, ceterarum gloriam Nationum carpit; dum foeditates suas non conspicit. sed semper id mortali inlitum, scelerato praesertim, aliena perscrutari, nescire sua. Hos igitur scelestos mores, dira, q. scelera, atque impietates, retundere Paulus aggressus, uarijs anti-

bus, miroq. uti ingenio, & quotidie in foro, & Iudaeorum in conuentibus, de uirtute, nostraq. religione differere: auctusq. Timothei, Sylaeque, acrius perstringere Ciuitatis mores. Graecum insita ignauia, inueterata debacchandi licentia, intolerandus ille fastus, Iudaeum acre odium, summa inuidia, ac insita peruicacia agebant. Sed in crebris illis, quotidianisq. pugnis semper Paulus uictor, fracta Iudaeorum audacia, hisq. grauissime castigatis, Crispum, illustrem genere, auctoritateque, inter Iudaeos, cum uniuersa familia, multosq. Corinthios, ad Christianam religionem pertraxit: non quia autem Christus Paulum, uisus est admonere, ne mortalium perturbaretur insidijs: stare se pro illo, & multos etiam eadem in Vrbe sibi militare confirmat. quo ostenso terribilior hostibus Paulus, integro anno, sexq. mensibus in Achaia commoratur. Praceratum Achaiae demptae Tiberio Senatui, & rursus illi a Claudio restituae, Proconsul L. Iunius Gellio, Senecae Annaei germanus, uir interitu maior, quam uita, funestis in familia omnibus ad excidia uirtutum per alienum flagitium: ad cuius suggestum Iudaei Paulum attraxere, tamquam legis Mosaicae dogmata euerterentem, nouamq. persuadentem religionem. quibus Paulus respondere paratus prohibetur a Proconsule. nam de facinore, iniurijs ue, non de lege patria, ritibus ue Iudaeorum se laturum sententiam, Romanam non illis offendi maiestatem, nec summa peti, pulsariq. fasces, annuit. quo responso illusi Iudaei, omisso Paulo, in Sosthenem toto impetu feruntur, cumq. uidente Gellione cadere coeperunt, nullo Proconsuli, segni uiro, stomacho facto, tanta homini sordida, atque ignauia inerat, ut sex fascium dignitatis, terrorisq. obliuisceretur, seu iniustum existimaret de aliena religione iudicare, Hebraicarum traditionum ignarus, & Iudaeos tanta cum impudentia ceperat arrogantia, ut in conspectu Proconsulis ante tribunal Caesaris uilissima ipsi seruitia indemnatum uerberare ausi fuerint. Refert Ioannes Chrysostomus, Pauli studiosissimus, eodem etiam furore illum a Iudaeis fuisse uirgis contusum, ac affectum iniuria. At Paulus, multis ibi absumptis diebus, Aquila, & Priscilla, Synopenfis ciuibus, ex

Italia

Italia decedere coactis, ex edicto Claudij, Iudaeis, subinfensi ob contumaciam, & rixas, comitibus adiunctis, in Syriam ad Cenchreas, prius nauale Corinthiorum, ad orientem, ex uoto deposita coma, sanctum id olim apud Nazaraeos, & religiosissimum, ad nauigare constituit. Corinthi apud eos fuerat benigne susceptus, unaq. cum illis opus facere assuetus, ex uetusta Rabbiorum consuetudine, qua addiscentes sacras litteras mechanicis etiam assuescere opificijs iuebantur, ad otij pestem uitandam, & iam semper sub pellibus erat confector earum, qui, nulla habita stationum uice, perpetuo debebat armatus, hostium complexus; & ora anhelans. Igitur Ephesum peruenit, saepeq. cum Iudaeis conflictatus, Caesaream, inuitis etiam Christianis, discessit, quamquam breui se reuersurum pollicitus esset: inde Antiochiam applicuit: mox Phrygas, Gallograecosq. obiuit, eo consilio, ut Christianos in religione confirmaret, ingenti a cunctis hilaritate exceptus, ouansq. ueluti Vrbes intrans: peragratissq. superioribus Prouincijs, rursus Ephesum contendit: ibiq. repertis quibusdam Christianis, quaesuit ab eis, num Spiritum sanctum credentes acceperissent. Cumq. respondissent, ne auditione quidem acceperisse, quam alius Spiritus reperiretur, rogauit iterum illos Paulus, cuius igitur nomine essent baptismate loti: responsum, Ioannis se baptismate expiatos esse. tum Paulus addidit, Ioannem quidem paenitentiae lauacro expiasse populos eos admonentem, ut in eum, qui ipsum subsequeretur, id est in IESVM, crederent. Tunc omnes, duodecim numero, IESV nomine baptizantur, ditanturq. almo Spiritu, concessis gentium linguis, & uaticinandi munere. ibiq. Paulus per trimestre cum Iudaeis disputauit, multa, ac peracerba ob religionem perpeffus, & obiectus etiam feris, nisi ferarum nomine immitis homines ingenij, & efferati intelligamus: biennioq. Asiam, Graeciamq. multis ad illum confluentibus edocuit, non uerbis modo, sed operibus, cum nihil in eo Christiana disciplina indignum reperiri potuisset: adeo diligens, sollicitusq. Magistri uestigia preffit eius interim fama, ac sanctitas stupendis prodigijs crescebat, tractis in uenerationem, admirationemq. agminibus populorum inter

ignominiam Cybelis, & Phrygum Vatum, ac dolorem Flaminum in cultu Deorum, si quidem baltea, ac lintea illius tactu oris sacrata, & debilibus, atque aegrotis admota, ualitudinem impertiebantur, lateq. daemones fugabant, mugientibus simulacris in ararum squalore. mouit miraculum inuidiam. & cupidinem simul septem Scaeuae Sacerdotis filijs ad experiunda arcana. adstabat Appella, indignatus, & aegerrime ferens occulta Salamonis haesisse ad famam inimici hominis pectori. placet iuuenibus tentari secreta, ac reuolui, facto periculo, num id quoque sibi liceret in gloriam sui. Itaque IESV nomen in eos (qui inferno spiritu agitabantur) inuocare his uerbis: Adiuro uos, per IESVM, quem Paulus adoratur, ac praedicat. Responsum ab inferis, se & IESVM, & Paulum nosse, illos, qui essent, ignorare, ruenteq. in eos homine taetro spiritu exagitato, multis isti uulneribus domum profugiunt. Hinc ingenti terrore incolis, Iudaeisq. iniecto, omnes Christi nomen ad astra tollunt, multi Christianae militiae mancipantur, multi antea scelerata sceleribus debilitate confitentur, alij in inuestigandis naturae arcanis in multa librorum farragine diu distenti libros in conspectu populi comburunt, quinquaginta milibus in pretio denarijs iam olim absumptis. His ita Paulus gestis, diuino numine praemonitus, Macedonia, atque Achaia lustratis, ire decreuerat Hierosolyma, quod intelligeret, cum eo accessisset, Romam sibi eundem fore: sed in hoc decreto, orbata Asia Proconsulari auctoritate, iussu Agrippinae, Iunio Silano interempto, duobusq. grassatoribus, P. Celere, & P. Aelio, res Caesaris procurantibus, in detrimentum, ac perniciem Prouincialium, nostros ingens Ephesi terror circumuenit, stimolata petulantium ciuium audacia, ac concitata per Demetrium quendam Argentarium, uilem quidem hominem, sed truci eloquentia praecipitem, & auaritia infamem. Itaque tota Vrbe proclamari coeptum, a Paulo quotidiano reddito exsui inopes, improbante simulacra Deorum mortali fabricata manu, reuocari ab Dianae cultu non Ephesinos modo, sed uniuersam Asiam: nihil hoc Asiae grauius, nihil luctuosius, priuari uetustissimo numine nobilissimam Urbem, uirginea fundatam manu, empo-

emporiumq. populorum cis Taurum incolentium Asiam, conculcari Ortygiam, foedari Cenchrium amnem, nudariq. gemino splendore Asiam, non aquam partus ad dolores pellendos, non oleam incumbente Latona sacram, non Curetum cantum in honore futura, corruisse quondam inclytum templum, Chersiphori opus, infania Herostrati, rursus maiori magnificentia cuncta ab Asia ID. & XX. annorum spatio restitutum Chrimocratis ingenio, ad illam usque diem tot in bellis in commotione rerum inuiolatum, & nunc unius hominis scelere, ac uoce dehonestari, pollui, temerari, excindique. Phoebo gloriari Delphos, Iunone Samum, Venere Paphum, Marte Aemum, Osyride Memphim, Cretam Ioue, Sole Persepolim, Pallade Athenas, Hercule Tyrum, nulla Dei effigie Hierosolyma, Aesculapio Pergamum, Quirino Romam; se uero tantam iniuriam Dianaeo numini inferri, Persarum quondam tuto a maiestate, intactoq. Macedonum inter Romanaq. arma ignoto ab homine passuros fremere. Quibus uocibus exarsere audientium animi: uastoq. murmure magna Diana Ephesinorum inuocata consternati proruerunt; factoq. impetu, Caium, atque Aristarchum Macedones, Pauli comites, in theatrum attraxerunt. quorum infortunium grauitus ferens Paulus, indignitateq. permotus, prodire in publicum, & alloqui populum uoluit, sed non tulere auditores, & nota multorum nobilium auctoritas, qui, iuncti Paulo familiaritate, popularem imperum extimescebant: trahendam moram, & iniiciendam cunctationem, dum concitata rudibus in animis rabies languefecerit, iudicare: contra nonnulli, eundem obuiam furori, & deuoto pectore excipienda tela, nec inermem plebem timendam sentire. plures, rem ignorantes, fluctuare animis. uniuersos ingens metus occuparat: cum in medium tractus quidam Alexander, & silentium manu poscens, rationem facti reddere enititur. quem ut Iudaeum esse comperere, iterato per duas horas clamore uociferari, Magna Diana Ephesinorum. Ceterum, ad populi conspectum descendente apparitore, Romana gestante insignia, languentibus iam multitudinis animis, deferuescenteq. tumultu, rursus Alexander, permodeste locutus, nostros
nihil

nihil in Dianam peccasse praesidem Urbis, Iouisq. prolem, nec ullo eos attineri piaculo, ait: atque ita trenatis populi motibus, nostri haud incerto discrimini eximuntur. quos ad se euocatos Paulus cum ad bene uiuendum esset adhortatus, in Macedoniam proficiscitur: qua lustrata, confirmatisq. Christianorum animis, per Aegeum mare, inuis Cycladibus, in Cretam primum, ubi relicto Tito in Graeciam inde descendit, tresq. ibi menses demoratus, cum Syriam cogitaret, structae illi a Iudaeis insidiae, commutato consilio in Macedoniam auertere. Quamobrem Philippos accessit, & paucis post diebus Sosipatre, Aristarcho, Secundo, Caio, Berbeo, Timotheo, Tychico, Trophimoq. sibi adiunctis, Troademq. praemissis, uno secum Luca, (cuius magna conscribendo in Euangelio, Apostolorumq. rebus gestis existit, praeter sanctitatem, gloria) retento, Philippis soluens, Troadem, Hellesponto adiacentem, insignem Urbem, peruenit: septemq. ibi dies commoratus, ut Opidanorum ardori satisfaceret, cum sodalibus a cena cum dispuasset, in longum protracto sermone, Eutyrium adolecentem, oppressum somno, prolapsumq. e celsio in terram loco, exanimatumq. complexus, medium, a morte reuocauit, uiuentemq. socijs reddidit. tanta Paulo dicendi maiestas, atque suauitas inerat, ut uel inuitos, atque nolentes ad sese audiendum mortales raperet, adeo, ut optime ei, quae de Nestore Graecae fabulae retulerunt, conueniant. erat enim Pauli oratio grauis, ac uehemens illa quidem, non asoto, ac pingui Asiatico dicendi genere, nec Spartana breuitate substricta, sed Christiana eloquentia effulgens, dicendi, persuadendiq. dignitate nulli gentium ipse oratori comparandus, castimonia omnibus insignior, religione praestantior, sanctimonia, ac moribus augustior. Igitur Antigoniae paenula, librisq. ad leniuendum Opidanorum dolorem ex discessu suo relictis tamquam breui reuersurus, Luca, socijsq. Iasos appulis, cum pedibus ipse iter fecisset, nauim conscendit, rectoq. cursu Mitylenem contendit, Pythaci ortu, ac Sapphi, nobilissimae, pulcherrimaeq. puellae, illustrem carmine; inde Chium, e regione, C D. ferestadijs a Lesbo distantem praeteruectus, Samum in Insulam

Insulam ambitu IDC. stadiorum , Neptuni , Iunonisq. claram delubris , attigit ; inde Trogillium ad Insulam , in Trogillio sitam promontorio , aduersus Samum XL. distantiam stadijs , mox Miletum (cum Paulus praeterire Ephesum , ne qua ei mora in Asia afferretur , quo minus ante Pentecostes diem Hierosolyma deuenire posset , statuisset) itum est , Urbem nobilem Didymaei Apollinis fano . eo accersiri Ephesinos maiores natu placuit . qui ubi ad eum conuenere , multa de discessu , multa etiam de caritate , qua per tot in Asia moratus annos usus fuisset , uerba fecit , commemoratis passim insidijs , ab Iudaeis uitae suae paratis , totq. laboribus susceptis , praedicasse ubiq. Christi nomen , docuisse Iudaeos , Ethnicosque , nec in alterius fortunas umquam coniecisse oculos , aut aliquid abstulisse ; ita cunctis se exhibuisse , ut nemo iure de eo queri possit : modo petiturum Hierosolyma : etsi probe nosceret infestissimos sibi Iudaeorum animos , nihil tamen se formidare illorum insidias , aut cruciatus : scire etiam se , post discessum suum ruituros in gregem lupos rapaces , & non mediocre discrimen pijs mentibus allaturos : cernere etiam futuram tempestatem , exsurgentemq. ambitionem : proinde excubare eos , & communi saluti prospicere , submisseq. Deo seruire oportere referebat , adhortarique : nec se umquam posthac ab eis uisum iri confirmat . moxq. humi prostratus , fusis ad Deum precibus , fausta Ecclesiae precatus , tunc sublato circumstantium gemitu , obortisq. lacrymis , (in ima quippe peccatoris Pauli uerba penetrarant , illaq. praecipue uox audientium animos ueluti telum perstrinxerat , cum se numquam ab illis uisum iri confirmasset) ire omnes in amplexus , exosculari , & se demisse commendare . At Paulus , nequaquam , lacrymantibus illis , motus , cum socijs conscensa naui , Coum deuenit , non magnam quidem Urbem , sed opportuno in loco , & fertili ora sitam , appellentibus iucundissimam . ibi e mari emeruisse Venerem fabulantur , seu ob loci amoenitatem , seu lasciuos ob accolarum mores . relicta Coo , Rhodum , insignem cum Insula Urbem , Demetrio , & Mithridate oppugnantibus , Solisq. colosso CXXXVI. pedum , septem inter miracula mundi ingenti , quem Chares Lindij

quon-

quondam opus post 13. & VI. annos motu terrae diuulsum, prostratumq. Constanie Constantini iunioris filio regnante Saracenorum rapacitas in Asiam CC13. camelis onustis abstraxit. inde Arfionem, quae & Patera post Xanthum nobilissima, appellit: ibiq. inuenta naui, quae in Phoeniciam cursum habebat, in Syriam discessit, applicuitq. Tyrum, cum Sydone, gloria uetustatis, & magnitudine, tot in Africa, Europaq. gentium matrem, contendentem; ibiq. septem absumptis diebus; (cum a discipulis propter haud incertum mortis metum Hierosolymis prohiberetur) Ptolemaida, inde Caesaream deuenit, habitauitq. apud Philippum Euangelistam. eo Agabus, insigni fama, & uaticinandi munere illustis, uir ex Iudaea, accessit; detrahaq. Pauli zona, pedes, ac manus alligauit, dixitque, Spiritum Sanctum hoc praedicere, praenuntiareque, uirum, cuius zona illa esset, ita Hierosolymis a Iudaeis uinctum Ethnicis tradendum esse. Qua periculi denuntiatione absteriti amici, obniti illi, exorare, obtestarique, ne Hierosolyma peteret, ne Iudaeorum furorem cruciatibus expleretis cunctandum, & dandum praefereudis animis, Intentisq. in uindictam, languendi spatium; multa impetu, plura consilio agi dicunt. Sed Pauli inuicta animi magnitudo nullo periculo frangitur: sed, laeta discrimine, mortem contemnere. quis enim mortalium manus, & non longum ad tempus duratura tormenta extimuisse, quem supplicio excatnificatum aeterna felicitas exceptura erat? Viderat Paulus non orbem laetum, nec se perenni in cursu uertentia sidera, sed polum empyreum in ipsa trini Dei incomprehensibili maiestate, hauseratq. oculis perenne decus. beatarum agmina mentium, totq. fulgentia patrum ora, & quae nefas humanis auribus ingeri, propter claritatem, maiestatemq. mysterij. Quamobrem, stentibus amicis, Hierosolyma accedit, excipiturq. a Iacobo, ceterisq. Apostolis, magna gratulatione. omnium uoce illius uirtus effertur. uicit praesentia expectationem, uicere res gestae famam, & trophaea tot deuictis gentibus detrahta, Crucisq. ad pedes deiecta hominis dignationem augebant. Postero die, Paulus, quattuor cum comitibus expiatus, ne eludere Iudaeorum caerimonias

monias uideretur; & antiqua sacra, tamquam aeternus hostis, osorq. gentis, Templum Salomonis intrat, ingens, ac stupendum opus, magnificentia aedificij, donorumq. opulentia, quod nec Assyricus late pollens in terris horror, nec Persarum luxuria, Graecorumq. inuidia temeratum saepe siuere, demum in cinere desagratae Urbis plus ciuili rabie, ac scelere, quam ui Romana solo aequatum, Pompeius, Romanorum Imperatorum princeps, captis Hierosolymis, intrauit, adspexitq. perscrutatus adyta arcanorum, spoliavit pecunia, ac ornamentorum parte M. Crassus, bello Parthos petiturus, horum infelicissimus exitus fuit, nullo busto cadauera regente, Herodes Idumaeus splendidissime restituerat, hoc opere Romanae magnitudini non inferior, appetentissimus famae, & nominis apud posteros, ad claritudinem penatium. At Paulum Asiani Iudaei, captata loci, temporisq. occasione, factisq. insidijs, circumuenere, tamquam Trophimum Ephesinum in templum induxisset, quippe arcebantur aditu peregrini: Itaque perstreperere, & incitare plebem, asserentes templum iam esse pollutum, temeratam religionem, & foedata sacra maiorum, instare uniuerse genti ruinam: sic patres, maioresq. ex contempta religione inextinguibiles sensisse clades, pertulisse Assyricum iugum, Medorum rabiem, & finitimorum incursiones, populationesque fugiendam superum iram, & auctorem diri exempli mactandum inclamare. ingens statim credulam Ciuitatem, internis concussam odijs, in alteriusq. caedem praeproperam, occupat cum rumore indignatio: incertae, trucesq. passim iactari uoces: magna perturbatio, concursus, iraeq. in uultibus cerni: ruere omnes in Paulum, ac calcibus, pugnisq. contudere. Sed Tribunus Ciuitatis, incallescere tumultu, cum iam ad arma iretur, armari cohortes (ualido enim praesidio discors Ciuitas, & auda nouarum rerum, ab Romanis obtinebatur) proferri signa, & classicum cani iubet, princeps ipse in furentis globum se multitudinis iniecit, Paulumq. iam male habitum inuenit. Romanis conspectis signis, Tribunusq. praesentia, Iudaeis cecidere spiritus, haudquaquam desistente ira. Tunc Tribunus, per apparitores submotam turba, Paulum, gemina catena reuinctum, rogat, quis

nam esset, quidue fecisset. sed, perstreperantibus terribilibus, atque incerto sonitu populi uocibus, nihil certi cognoscens, ad castra duci mandat, non cessante Iudaeorum multitudine, quo minus a tergo uociferaretur, ut Paulus omnino occideretur: tantaque ad gradus uis est orta, ut a militibus portari cogeretur. Paulus uero, cum iam in castra abduci coepisset, rogauit Tribunum, num cum eo paucis agere liceret: cumque quaesiuisset ab eo Tribunus, Graece ne sciret, an num is Aegyptius esset, qui paucis ante diebus tumultum conciuisset, abduxissetque in solitudinem quattuor millia sicariorum; Paulus respondit, Iudaeum se esse Tarsi genitum, quod esset non ignotum Ciliciae Opidum: rogare autem Tribunum, ut populum sibi alloqui liceret. Permittente Tribuno, uiri fortasse constantia moto, grauissimam Hebraice orationem exorsus, retulit, se Iudaeum esse, Tarsi natum; studuisse Hierosolymis, docente Gamaliele; noscere inter ipsos multorum ora, habitusque commilitonum; mactati saxorum deinde ictibus Stephani oculis gustasse spectaculum; persecutum Christianum nomen, armasse in illud animos, ac manus, exacuisse mucronem; ad hoc epistolas a principibus Sacerdotum impetrasse; attamen, in itinere, uoluentem animo Christianorum strages, attollentemque iras, ingenti statim offusum splendore, equo prostratum, audiuisse e caelo IESVM praecipientem sibi, quid faciundum foret; expiarum saluari ab Anania aqua alias inuississe Hierosolyma, praeuidisse cruciatus, ac persecutiones, quae ei euenissent; praecepisse praeterea, sibi Christum, exteras ut ad gentes iret, non recipiente gratiam Iudaeo aiebat. ad hanc uocem (cum modeste antea siluisset, seu uerecundia Tribuni; seu quod hominem susceptae religionis pertaesum, fractumque calamitate rediturum ad Iudaica crederet, speraretque sacra) concitata multitudo, ingeminatis clamoribus, Tolle, tolle hominem, uociferatur, scindi uestimenta, simul offensari ora, in altumque pulueris iactatio (haud dubium acris maeroris signum) cerni. quod cum Tribunus animaduertisset, ad castra raptum iubet torqueri, ut sciret, quam ob causam tanto illi clamore Iudaei obstreperent, iam capeessere miles iussa, iam expediri uirgae, & prope intentari ictus, cum adstantem Paulus Centurio

nem interrogat, num ciuem Romanum indicta causa, atque indemnatum, illis uirgis caedi liceret? Percussus ad insperatam uocem Centurio, illico admonet Tribunal, ut etiani atque etiam uideret, quid faceret: eum enim hominem, quem stare ad palum, uirgisq. contundi iussisset, Romanum esse. Tunc accedens Tribunus sciscitatur ab eo, num Romanus esset? Quod cum Paulus annuisset, Ego (inquit Centurio) grandi pecunia ius Ciuitatis sum adeptus. Ego uero (Paulus inquit) & natus ciuis sum. Ita ea ignominia, periculoq. Paulus liberatur, haud mediocriter conterrito Tribuno, deprehensa ueritate. Itaque soluit hominem; &, quo certius aliquid de illo cognosceret, satisfactorius etiam Iudaeis, producit in publicum. Paulus autem, cum oculos in circumspicientes coniecisset, retulit, ad illum usque diem sincere se egisse, Deiq. ab legibus non retorsisse iter. Quo uerbo offensus Ananias Pontifex, ut erat contumaci, elatoq. ingenio, quiq. submisso deprecaturum supplicium, & haudquaquam tantos inesse homini spiritus credere, circumstantibus praecepit, ut ei os affligerent. Tunc Paulus, indignitatem rei non ferens, Percutiente Deus, paries dealbate, qui, cum, sedens, ex lege me iudices, tamen os meum contra patria iura tundi iubes. Tum, qui aderant, obiurgare Paulum, quod summo Sacerdoti malediceret. Ille uero, nescire se, illum Sacerdotum principem esse, ait: traditum a maioribus, Principi populi tui ne maledicito. Sed, cum animaduerneret, in se Iudaeorum atrocitatem non mollescere, sed acius furere; intelligens audientes duplici hominum genere distinctos, (quippe pars Pharisaeorum, pars Sadducaeorum erat) clamare in consilio, se Pharisaicum Pharisei filium infontem circumueniri, quod spem, uitamq. mortuorum poneret, tuereturque. Etenim apud Iudaeos triplex mortalium genus inter patricos fuisse legimus, Essenorum, Pharisaeorum, Sadducaeorumque. Praestant uitae integritate, religione, ac castimonia Esseni. Pharisaeorum simulata religio, cuncta fucosa, astutiae, fraudes, elata iactantia, incerti mores, patrijs in discutiendis, declarandisq. legibus, plurima auctoritas, & acumen, procacitas, dominandiq. haud

modica libido sunt, fato, & Deo cuncta tribuunt, animos immortales credunt, quisque nobilis, aut potens opibus illi præcipue ordini adscribitur. Sadducaeï uero mortalem animam existimant, nullas præter iura patriæ observationes custodiunt, aduersus ipsos suæ philosophiæ Doctores contumaces, inter se discordes, aduersus externos taetri, ferique. Igitur, hoc astu Paulo grassato, Pharisei, dimissa multitudo, prona in malum, aduersari Sadducaeis, & minaciter fremere, nihil sceleris in Paulo compertum asserentes. Quid, (inquiunt) si Almus Spiritus, aut mens aliqua beata cum eo sint locuta? At Tribunus, ueritus, ne Paulus in concione furenti a populo discerneretur, quippe truces uultus, infesta ora, & diros animos cernebat, iamq. dissonum clamorem, & poscentem arma exaudire, cunctaq. in exitum innocentis parata apud aduersarios animaduertēbat, militibus imperat, ut eum de medio raptum Romana in castra perducant, tuta uallo, & ferro tremenda. Proxima nocte Paulum Deus uisus est admonere, uti bono, praesentiq. animo foret: sicut Hierosolymis ipsius propugnator, defensorq. nominis fuisset, sic fore, ut Romae etiam existeret. digna quidem illa Pauli eloquentia, ac magnitudine sedes erat, ut, eo funesto saeculo,posito iam opibus Nerone, tot luminibus orbata Ciuitate, & obscurata ueterum gloria Oratorum, in eo uasto fori silentio, conticentibus rostris, & muta terrore Curia, Pauli claritas emicaret, concreparetq. oratio. Sed Iudaei usque adeo fuerant exacerbati, ut uel deuotione quadraginta & eo amplius capitum in petnitiem hominis coniarint. nusquam enim acrius, aut amarius, atrocius ne in quemquam nostrorum, quam in Paulum, Iudaeorum exarserat odium. tantam homini inuidiam insignes uirtutes, & dispares mores propugnatori quondam Iudaeorum, & tunc acerrimo hosti, consarant, ut morte illius sublatū iri Christi nomen putarent. Igitur amplius quadraginta iuuenēs, electa pubes, & auda cruoris, & spiritibus ingentibus, in Pauli caput animos, ferrumq. deuicunt. nihil cibi, portionisq. se antea capturos, quam, trucidato Paulo, uulneribus, cruoreq. pauissent oculos, iureiurando affirmant. rem statim ad Pontificem, natuq. seniores, deferunt: rogantque, ut Tribunum ad producendum in concionem

Pau-

Paulum inducant: se statim facta exsecuturos, pollicentur. Probant facinus illi, & ferali exsultant audacia, multoque uerborum honore collaudant iuuenes, & immoderatos eorum spiritus efferunt. non adeo uilem, nudatamque auxilijs rem Iudaicam esse, ut abiectissimorum hominum uerba, disputationesque pertimescat: satis iam in his perferendis, audiendisque ignominiae toleratum: adesse nunc aduersus rebelles superum iram, coniurasse in illos astra, habere patria iura insperatos ultores, arma in manibus esse, uictam iam patientiam, uictam seniorum socordiam, atque ignauiam iuuenili uirtute: omnesque in aduersariorum excidium sentite gloriantur. At Pauli ex sorore nepos, egregiae indolis adolescens, rem rimatus, Paulo dolum enudat. ille accersitum Centurionem multis uerbis obsecrat, ut adolescentem ad Tribunum ducendum curaret: habere aliquid, quod ei nuntiaret. introductum adolescentem, apprehensum dextera, interrogat Tribunus, quidnam indicare sibi uellet? Ille insidiarum ordinem aperit, & a quibus parantur, edocet, obtestaturque Tribunum, uti dolos auerteret, ne ue pateretur tantum facinus Romanis in castris. ante signa, temeratis auspicijs, committi, in altissima pace, a perulantissima iuuentute: sanctum se optimo iam officio: satisfacisse caritati, gentilis, ac patriae ipsum iam, praecognita uacordia Iudaeorum, sapere debere, ac praecuidere, quid opus sit, in tanto discrimine, nec incerte Pauli caede conuelli Ciuitatis statum, & trahi in discrimen Remp. patefactis bellorum initijs, obtinendi interem religionis praetextum, & iura patriae, sacraque perpetua, quo scelerata uota innoxij cruore expleantur, occupetque impia pectora Romani amor belli, rerumque commotio, animose praefatur. Tribunus, dimisso perhumaniter adolescente, iussuque cuncta, quae acta essent, silentio obuoluere, duos confestim Centuriones ad se uocat: quibus imperat, ut duas centurias, equites galeatos LXX. hastatosque CC. contrahant, & iumenta, in quae impositum Paulum ad tertiam buccinam saluum, incolumemque ad Antonium Felicem, Prouinciae Rectorem, Caesaream perducerent: (ue rebatur enim, ne uita interceptus Paulus sibi in crimen, atque infamiam uerteretur, tamquam pecunia labefactus fuisset) deditque equi-

equitibus ad Praetorem epistolam, in hunc sensum. Virum, quem ad te mitto, a Iudaeis comprehensum, cum iam interficeretur, aduentu meo uix periculo exemi, cum Romanum eum esse comperissem. Cum uero, scire cupiens, quid ei aduersarij obijcerent, illum in eorum consilium perduxissem, ei obiectari comperi, quae ad gentiles Iudaeorum ritus pertinerent, quae nec uinculis, nec morte essent pianda. Quoniam autem cognoui hominem, propter praepotentum insidias, in non uero uersari capitis discrimine, eum ad te misi, ut accusatores apud te agant, si quid in eum uelint dicere. Equites noctu Paulum Antipatridem, postera uero die Caesaream (repetentibus castra cohortibus) ad Felicem perduxerunt. reddunt & illi epistolam: quam cum ille perlegisset, Paulum, cuius Prouinciae esset, rogauit. cumq. Cilicem illum esse deprehendisset, illius causam accusatoribus coram ab se auditum iri, dixit: interim, asseruari eum in Herodis Praetorio, iubet. quinto post die, Ananias Pontifex, graui maerore animi exulceratus, atrocissimeq. in uindictam exardescens, cum manu nobilium Caesaream accessit, cumq. eo Tertullus quidam orator, haud spernendae facundiae, qui, facta dicendi a Praeside potestate, in hunc sensum locutus. Maximas tibi gratias agimus, optime Felix, quod benignitate tua, summaq. uirtute, bellico procul terrore depulso, omniq. compresso tumultu, laeti, pacatiq. uiuimus, proq. incredibili tua sapientia multa, quae superiores Praesides, quibus successisti, neglexerant, correctione adhibita, feliciter geruntur. nam iura ancipitis inter belli metum silentia, prostrataq. iniuria, atque aequitate reualuere tua; disiectisq. latronum globis, & reclusa sicariorum audacia, cuncta Iudaea, cum soli mira ubertate, tranquillo otio potitur, tibiq. uni excussum manibus ferrum, conseruatos lares, patria iura, templum, & carissimos liberos, coniugesq. ex uastitate belli, a fortunarum direptione, a flammis, excidioq. refert; plusq. ipse clementia, quam ceteri minis, ferroque, profecisti. nouisti animos nostros, maiestatem populi Romani uenerantes, Caesaris nomen maximo applausu prosequentes, & felicissima precantes. Itaque tantam de te spem uniuersa Iudaeorum

rum natio concepit, ut propter tuam insignem nobilitatem, sapientiam, animi magnitudinem, humanitatemque, te gubernante, felicem se, beatamq. fore existimet. iamq. huius nostri uoti obsidem, ac uadimonium, habemus mansuetudinem tuam, qua maxime fidelium, pacatorumq. sociorum animi euinciundi, fouendiq. sunt: sed non hic locus tuarum laudum est. Obruerer profecto magnitudine, & numerando, percensendoq. deficerem. Quamobrem, ne te longe oratione traham, a te peto maiorem in modum, ut nos, breuiter dicentes, ut facis, benigne, attenteq. audias. Non ignotam tibi esse arbitror Nazaraeorum sectam, qui nouis quibusdam, inusitatisq. religionibus, atque insomnijs, mentes hominum imbuere, uexareque, ac in nostros ritus armare non desistunt; utunturq. multis fallacijs, multisq. maleficijs. crescit scelere superstitio, (plerisque mortalium semper in deteriora labantibus, seu uitio naturae, seu ampliori, laxioriq. uiuendi licentia) & malis artibus clarescit. Itaque, uereor, ne aliquando in omnium exitium, perniciemq. redundet: quippe semper enascentia mala in ipso exordio opprimenda sunt: nam incredibili, & nonnumquam irritato labore, cum sese effuderint, cum euastarint hominum animos, cumq. radices fixerint, euelluntur. Hic igitur, quem uides adstantem ea oris contumacia, eo truci silentio, homo nefarius, id praeteritis diebus est ausus, quod improbissimorum hominum refugisset audacia: templum enim nostrum, tantis ornamentis, tanto nomine, tantaq. sanctimonia uel exteris gentibus uenerandum, polluere, ac uiolare, est aggressus. pepercistis uos illi, Romani, expugnatis Hierosolymis, in tanta uictoria, in eaq. dira calamitate, (quam reuocare in memoriam perhorresco) & ad praesentem usque diem mirificis, ut par est, magnitudini uestrae, donis auxistis, ubi litantur uictimae, ubi thura adolentur, ubi uota pro Romani nominis felicitate, amplitudineq. quotidie nuncupantur: & iste nullo Dei metu, nulla religione, (sed quae scelerato in homine potest esse religio?) nullis poenis, quae uel nefarios, profligatissimosq. mortales a scelere absterrent, contaminare uoluit: nec stetit per eum, quo minus uerenda sacra, adytis occlusa, & uetustate aeuu augusta, corrue-

corruerent. quid praeterita istius scelera commemorem? Solum, terra, caelum, & quidquid inanimatum est, istius infecta ueneno, horrenda scelera eloquuntur. Doluimus, tot in Syria seditiones conflatas? Istius exarsere dolo. Vidimus, & quanto cum dolore, tot per Opida eductos gladios? Isto impulsore micuere. Omnes denique rapinas, omnem agrorum populationem, & cetera funestae pacis mala, iste consilio, manu, & opera excitauit, impulit, iuuit, ac fouit. Obtinet non modicam apud sceleratos auctoritatem: princeps est in audacia, princeps in furore, princeps in cohortibus grassatorum. Itaque, oprime Felix, haec hominem patrantem, tanta obrutum mole scelerum, nefario piaculo obstrictum, & uiolatae religionis reum, punire e patrio iussu uoluimus: sed prohibuit Lysias, magnaque cum nobis ui eripuit, iussitque, eius accusatores ad te uenire: ex quo facile tu poteris ea crimina cognoscere, quibus eum in iudicium adducimus. Subticente Tertullo, a cunctis, qui adstant, Iudaeis confirmatur oratio. Paulus, dicere, ac respondere iussus, praesenti animo, ac graui, & luculenta oratione, Iudaeorum maledictis occurrit, docendo, se compotem breui a Felice, propter acquissimam causam, & eius benignitatem, factum iri; nec se peccasse in Caesarem, patria ue iura; confiteri tamen, in religione, cultuque, quem sectam Iudaei nuncuparent, se non negligentem esse, & omni studio Deo inferuire, attamen nullam ab se excitatam seditionem, non pollutum templum, non Augustorum nomen offensum, sed Iudaeos inuidia obcaecatos, & resurrectionis mentione grauatos, adeo infeste, truculenterque in se coortos esse, assererat. His dictis, reiecta ad Lysiae aduentum Iudaeorum querimonia, Felix custodiendum Centurioni Paulum attribuit, satis laxamenti dato. Interiectis aliquot diebus, cupido hominem incessit audiendi Pauli, una cum Drusilla uxore, quae, M. Antonij, Cleopatraeque neptis, senioris Agrippae filia, iuniorisq. soror, formae eximiae, nec moribus inculta, proiectione libidinis. primoque a toro Azizi, Emessenorum Regis, profuga, in Romani hominis complexus, Simone Cyprio Iudaeo suadente, sese coniecerat. Itaque, cum luculenter Paulus perorasset, in-

iecto

iesto Felici tremore , cum nouissimum iudicium , & funestum diem repetisset , dimittitur , saepe postea a Praetore accersitus , ac liberaliter tractatus . Enimvero Felix , Pallantis fratris (qui Iulia Agrippina , uetus ob meritum adactae ad necem Claudiae Messallinae , Claudij Caesaris quondam uxoris , cunctis illecebris notatissimae , simulq. propter stupri consuetudinem , perample fouebatur) fretus opibus , iunctis late impietatibus grassari , foedus libidine , avaritia execrandus , crudelitate immanis , nihil apud eum fas , mutae leges , & cuncta in libidine sita , alterius fortunarum depeculator , ac ueluti Iudaicae gentis in exitium ab Vrbe missus : nam , desagrasset haud dubie Romano bello Prouincia , paribus sceleribus illi iuncto Ventidio Cumano , nisi Numidius Quadratus labantibus rebus succurrisset , & stricta iam tela e partium manibus extorsisset , inhibuissetq. uirtute , atque industria ad eam deletae Iudaicae gentis palmam , orbisq. imperium Vespasianum uocantibus , qui in Occidente multo sudore , & imperatorijs uirtutibus Principatus inchoabat initia , quae , fota deinde oriente , ad fastigium summae maiestatis coaluere . Igitur Felix , etsi uirtutem Pauli fortasse admiraretur , avaritia ad bene illum tractandum agebatur : nam grande donum ab illo sperabat , quem Hierosolymis ingentem pecuniarum uim in pauperes prodegisse cognorat . Interim , exacto biennio , Felici Romam reuocato , Porcius Festus succedit , haud Felice innocentior , uirtutum ue claritate insignior . huic Felix , gratificaturus Iudaeis , (quos , atroci in se odio inardescentes , & graues in Vrbe aliquando futuros hostes , suspicabatur) Paulum uinctum reliquit . At Festus , triduo postquam iniit Prouinciam , uictimis Ioui litatis , uotisq. ritenuncupatis , Caesarea accedit Hierosolyma , nondum spiritibus pacata , & haud dubium agitantia bellum , prorsusq. ab Romana societate auersa , scissa in seditionem , partesq. plebe , atque optimatibus infensa , optimatibusq. iusto fere seruitio plebem opprimentibus , urriusque iras exasperante militari Romanorum licentia , atque avaritia . Audito Hierosolymis aduentu Praefidis , statim ad illum fit hominum concursus : pars ruere in seruitium , pars suo commodo consulere , pars adulatione gratari

tari Praefidi, nemo publicum decus, salutemq. Ciuitatis, quae iam iam in excidium trahebatur, respicere : omnes tamen Pauli perniciem anhelare : illum circumfusa Praetori caterua criminibus onerare, deposcereq. ad supplicium, & ut Hierosolyma perduceretur, deprecari, prehensareq. Festum, certi iam de nece illi in itinere inferenda, cum haudquaquam refrixissent animi, dextraeq. sceleris assuetae, saepeq. innocentium sanguine cruentatae, obtorpuissent, ultoresq. trucidatorum manes infanda pectora assidue obturbarent, in certumq. exitum impellerent. Sed Festus, Caesareae Paulum asseruari, dixit : si quid de eo quererentur, eo illis accedendum esse : quo propediem ipse uenturus esset. Hoc aduerso, inexpectatoq. responso, elusa Iudaeorum fraus, ocluditur tamen pectore dolor, & adulatione, & uindictae spe lenitur. At Festus, octo aut decem non amplius Hierosolymis dies moratus, Caesaream repetit, subsequente Iudaeorum turba, peracerbis in ipsa repulsa in Paulum coniurata. Eum igitur Festus, pro suggestu sedens, in conspectum produci iubet : uetera crimina in illum Iudaei ingerunt, quorum tortuosos animos, & inuidiam, sapientissima Paulus oratione reprimat, tanto cum ipsorum dolore, ut prope insanirent. Tum Festus, aucupaturus popularem auram, quaesuit a Paulo, num Hierosolyma ire, atq. illic de his criminibus apud ipsum iudicari, uellet? Paulus, se ad Caesaris tribunal, ubi iudicandus esset, stare, dixit : Iudaeis nullam se intulisse iniuriam, quod melius ipse intelligeret, si quid in eos peccasset, se, quo minus morte afficeretur, non recusaturum : sed, e contra, nullo reperto scelere, neminem esse, qui illorum furori posset dedere. Quamobrem Caesarem, inquit, appello. Tunc Festus, miratus constantiam hominis, de consilij sententia, Caesarem, inquit, appellaui, ad Caesarem ibis. ea quippe ratione euersum iri ab se Iudaeorum dolos, & mitius secum acturam Romanam lenitatem, ab excelsa quodam, augustoq. nascentem animo, fortasse ipse opinari, etsi foedi mores, & a ueteri illa, laudataq. disciplina degenerantes, in Graecorumq. ignauiam, mollitiemq. Asiaticam prolapsi, nobilissimum imperium moderatione olim terribilius,

quam

quam armis paullatim euerterent, principibus,expulsa uirtute, libidine, auaritia, fastu, ac uenere turpissime grassantibus, & milite nulla modestia, nulla disciplina, in exteros segni, feroci in suos, illecebrisq. eneruato, plus in excidium, quam in salutem, dignitatemq. imperij opimis alito stipendijs: iam frugalitas Cincinnati, Fabricij, Coruncanij, Catonum, Tuberonomq. excesserat memoria, nec Duillij, aut Fabij, aut quattuor uictices Scipionum animae, aut Marcelli, Aemilijq. memorabantur: crescere uitia & usurpari: passimq. pro uirtutibus haberi: nulla umquam toto in orbe terrarum Ciuitas adeo primis imperijs in ortu splendoris pluribus uallata uirtutibus, aut consilio, continentia, morumq. integritate insignior fuit; adulto demum imperio, & latissime propagato, cuncta omnium gentium uitia, ac turpitudines, audissimè hausit, ita, ut non de imperio, ac gloria, sed de adsciscendis sceleribus pugnasse cum gentibus uideretur: & his modis Romana tunc aula stare, egereq. profecto Pauli uirtutibus, cuius una in Deo fiducia, ac spes erat, non quod cruciatus subterfugeret, quippe mori, & esse cum Christo cupiebat; sed ut Deo in euasendis idolorum impietatibus operam quam diligentissime nauaret, notus ipse Romanae aulae multis disciplinis, & fama sanctitatis uel apud Domitium Neronem. Etenim Agrippina, indomitae animis, & inflammata proisus imperitandi libidine mulier, sublata Messallina, Claudij torum implerat, cuiusq. illecebris uiro, cuncta ad se trahens, imperium Neroni filio multis artibus struere, mox, accelerata ueneno Principi morte, filium ad imperium euexit, infausto exitu. Eodem ferme tempore Herodes Agrippa, Aristobuli filius, & Berenices uxor, neptisque, magna opum ostentatione, magnoq. rerum apparatu, Caesaream, Festi salutandi gratia, accedunt: etenim muneribus mulcebantur Praefecti, mitigabaturq. immanis illa auaritia, depraedandiq. gentes, ac sana libido: commitabantur Reges lectissima iuuenum corpora, & nobilissimus quisque. Sed Regina, cultu corporis, gemmata caesarie, augusta forma, artibusq. plusquam scortatorijs, licet a prioris obitu uiri Polemoni, Cilicum Regi, nupta, praetextu laterum, atque immodicae ueneris, cum

illo diuortium fecerit, quasi casta, in Titi Caesaris postea effusa amplexus, Oriente mirante, inter funera sui, interitumq. Iudaeae, supra ceteros conspicua, omnium ora, oculosq. in se rapuerat. Itum a Praetore Regibus in occursum, adstante circum legionum agmine, & fulgentibus signis, iuncta dextera: cessere statim sceptras securibus, curuli solium. Exinde humanitate (postquam Romanus fastum explerat) certatur. plus in Reginae uultum, quam in fasces, ornatumq. Regium, cunctorum existit ueneratio. tanta uis formae inest ad alliciendos, promerendosq. spectantium animos. Post haec Festus, cum lautis epulis Reges exceperat, casu facta de Paulo mentione, narrat infontem illum, quantaq. inuidiae procella fuisse iactatum, quaeue illi crimina fuisse obiecta: sed nihil certe sceleris in eo deprehensum, & quo modo ad Caesarem prouocasset; & ideo non dimitti ab se, cupere tamen, cum nihil haberet, quod ad Caesarem scriberet de illo, ut ipsi hominem audirent, quo certius aliquid Caesari significaret. Grata Regibus Festi uoluntas fuit, quippe qui non mediocri audiendi hominis desiderio tenebantur; fama, & praeconio gentium cognitis Pauli uirtutibus. quae enim gens, aut quae natio tam citima Soli, aut tam ab illo remota exstabat, cuius aures non Pauli uox, fama ue percusserat? Siquidem nec feruens caelum, aut exusta perenni Sole humus Aethiopas, nec Caucasus uastitate sua, & cacumine perpetuo niuium rigore possesso Indos, nec Parthorum regna rapido cursu Tygris, Euphratesque, aut suo Aegyptios, & introrsus Africanam barbariem sonitu Nilus, nec felicia Sabaeos, ac Nahathacos caelum, terraeq. sunt tutata, prohibereque, quin Pauli bellico intremuerint. Postera igitur die exstructus suggestus Praetorem, Regesq. sessum accepit, adstante Centurionum, Tribunorumq. ordine, tutaq. sex fascibus concione. Tunc Paulus, annuente Rege, orationem orsus, beatum se primum dixit, quod apud eum esset uerba facturus, qui omnem Iudaeorum disciplinam, omnia instituta, omnes ritus teneret, eademq. sacra ueneraretur: deinde ea exposuit, quae paullo ante de Iudaeorum obreftationibus, & de causae acquitare commemorauimus, initio longe petito ab eo tempore, cum
 primum

primum a Christo e caelo uocatus sit, eoq. sup̄i-
 riore, cum Mosaiscae legi parendum esse censeret. Quā e cum Pau-
 lus concionaretur, magna uoce Romanus, insito fastu,
 cuncta despiciens, & diris deditus superstitionibus, haud-
 quaquam angusto pectore ueritatem amplectens, insani-
 re hominem, multasq. (quibus esset praeditus) discipli-
 nas ad insaniam adigere, dixit. Paulus uero, delilare se,
 negat, sed uerba ueritatis, ac prudentiae plenissima elo-
 qui, nec ea Regem, ad quem uerba faceret, subterfuge-
 re: rogauitq. Agrippam, num Vatibus fidem haberet?
 Qua de re nullum apud se dubitationi locum relinqui,
 annuit. Tunc Rex, modicum sibi restare, illius suasu, ad
 sacra suscipienda, fassus est. At uero Paulus optabat
 & modicum, & immensum non tantum Regem, sed
 omnes, qui audiebant, tales euadere, qualis ipse erat, ex-
 ceptis uinculis suis. Quam constantiam Praetor, Regesq.
 admirati, dimissa concione, summum uirum, & inson-
 tem iudicant: potuissetq. dimitti, nisi ad Caesarem pro-
 uocasset. Paucis post diebus, aestuante iam Parthico
 bello Asia, magnaq. apparatus fama Armeniam quatien-
 te Tiridate, Syriaeq. minitante Vologeso fratre, Par-
 thorum Rege, Agrippa, cum coniuge, Hierosolyma ab-
 scessit. Enimvero, decedente Armeniorum Rege Arta-
 xa, iussu Caesaris Tigranes Armenijs praeficitur. quae
 res anhelantem Romanas Prouincias Vologesum ad ar-
 ma exiuit, quando Armeniacam ditionem sibi conueni-
 re, Arsacidarumq. fastigio additam iudicaret. Itaque,
 in conspectu Satraparum Tiridatis fratris, capite euincto
 diademate, magnam equitum manum pergere in Arme-
 niam, ad extirbandum Tigranem, & cuncta depopulari
 iubet; ipse cum exercitus mole transire Euphratem, &
 inuadere Syriam decreuit, ut duplici, inaximoq. bello
 distentae Romanae uires facilius obtederentur: sed, sin-
 gulari Domitij Corbulonis, Syriae Proconsulis, uirtute,
 atque praestantia deterrito Partho, ab eoq. itinere auoca-
 to, omnis belli uis, impetusq. in Armeniam uersus, &
 uario belli euentu, multis inuicem illatis, acceptisq. cla-
 dibus, inter Romanum, Parthumq. certatum: demum, Ti-
 ridate Caesaris effigiem, & Romana signa uenerante, bel-
 lum pacione dirimitur. Quae omnia haud multo post
 euencie.

euenere. Igitur Paulus, a discessu Regum constituta nauigationis die, Iulio, Augustae cohortis Centurioni, cum multis alijs nexistraditur: qui, Hadrumetina nauis uectus, Sydonem Opidum, totius Phoeniciae longe maximum, clarissimumque, applicuit; ille&usq. Pauli uirtute, ac comitate, adire, & consalutare amicos homini permittit. quos ad bene, sancteq. uiuendum Paulus cohortatus, in nauim regreditur, quae Cypro, propter aduersos uentos, prohibita, praeterue&taq. Lyciae, Pamphiliaeq. oras, Myram, Lyciae Opidum, tenuit. ibiq. Centurio Alexandrinam nauim, cursu Italiam petentem, na&us, in&earn omnes uinctos traducit. cumq. satis multis diebus tarda nauigatione uix Cnidum, quod uentus non sineret, tenuisset, Cretam per Salmonem, ad Orientem, Cretae Promontorium, praeter&hauigauit Insulam, centum florentem opidis, & atcu, ac telo minacem. sed avaro, Saeuo, mendaciq. accola frequentem, tenuitq. locum, qui Boniportus dicitur, Thala&ssia haud multum distans ab Vrbe. Ibi Paulus cohortatur Centurionem, nautasque, ne altum petant: prospicere se ingruentem tempe&stare&mi; & non dubium capitis, rerumq. discrimen instare affirmat: sed portus minime ad hiemandum idoneus, spesq. in propinquo potiundi per hiemem Phoenice, Cretae portu, ad Africum, Corumq. spectante, Paul& fidem abrogarunt. Itaque Centurio, explicatis ad auram uelis, altum petit, cum, subito desistente Austro, incumbenteq. Euro Aquilone, tumescere mare, attolliq. undis, uastisq. spumis canescere incoepit, & nauis huc illuc iactari, nec sisti anchoris, aut arte regi; caelum insuper atrox, & nubium mole suffusum, crebrisq. ignibus fulgens, reboanteq. interdum fulmine minax, ingeminare terrores. Ergo, squalenti ore, trepidis animis, nulla salutis spe, non consilia, non uires, sed tumultum, pauoremq. in medium asferre, quisque ingemiscere, & infanda uota Neptuno concipere, louemq. inuocare, iactatisq. in mare mercibus, & abruptis armamentarijs, omnia truci murmure, & lamentatione repleri, cum Paulus in corona ait Deum sibi uisum, caeloq. promissum, incolumibus omnibus, se sisti ante Caesarem oportere. data in summa desperatione, certoq. discrimine homini fides, factusq. unicuique

unicuique animus . nam tempestas multo antea denun-
tiata , praeuisumq. periculum , ipsaq. morum sanctitas
diuinum apud illos Paulum effecerant . hinc , Hadriaticum
in mare illata uentorum procellis nauis , crispantibus ,
mugientibusq. adhuc horribili sonitu undis , ueriti nau-
tae , ne uolentia pelagi in scopulos impingerent , quat-
tuor ex puppi iactis anchoris , lucem expectare . cumq.
densissimis illis tenebris scapha confiderent , & fugere e
nauī constituerent , Paulus Centurionem commonefecit ,
in nauī nisi manerent , saluos esse non posse . Itaque
milites , illico , scaphae funibus abscissis , eam obrui
passi sunt undis . adhortator cunctis Paulus lucis in expe-
ctatione adest , non uerbis modo , sed cibo languentes
fouere , (quorum corpora , eneruatis animis , ipsaq. maris ,
procellarumq. atrocitate stomachum ciente , intermortua
iacebant) & omnia magni in aduersitate uiri munia im-
plere . Illucescente demum Sole , cum nec continen-
tem cognoscerent , animaduertunt sinum quendam litus
habentem , in quem constituebant impellere , si possent ,
nauim . Itaque , sublatis anchoris , mari se committunt ;
laxatisq. gubernaculorum funibus , flante aura , in litus
contendunt . sed , cum prope continentem applicarent ,
haeret nauis , & prora fixa immobilis stat , puppi unda-
rum ui eluēte . Quare animaduersa , miles scelera-
tum ex temeritate , insitaq. crudelitate mutuatur consili-
um , trucidandi nexos , ne litore potiti diffugerent : sed
Centurionis prudentia , & erga Paulum humanitas , pro-
hibet facinus . Itaque pars , nandi perita , se in mare
deiecit , uiq. lacertorum terram tenet , pars tabulatis ue-
hitur , maior extra discrimen , quam in ipsa fuerat despe-
ratione , trepidatio . redditur clamor , & confusio cernitur
nec minus aemulationis , si qui primi solum apprehende-
rent . omnes incolumes (cum CCLXX . essent) solum at-
tigere . Chersonesus locus fuit , qui nunc Pauli nomen
habet , sacellumq. illius in honorem erectum adspicimus :
cognitumque , Melitam eam insulam nuncupari , a Poe-
nis cultam , inter Siculum , Libycumq. iacentem mare ,
milliarijsq. LX. in circuitum patentem . Igitur , frigus
minante caelo , instanteq. imbre , (quippe ea Insula ;
stantibus Aequilonibus , non tam algores , quam pluuias
sentit)

sentit) passim a barbaris ad fouendos artus excitantur flammae: & Paulus, cum uim magnam sarmentorum collegisset, coniecissetq. in ignem, uipera, occlusa uepribus, torpida algore, cum sensisset flammam, egreditur, manumq. Pauli morfu arripit. quam ut barbari e manu illius pendentem uiderunt, colloqui inter se, plane illum sanie, haud incertaq. morte contaminatum esse, quem maris rabiem effugientem Dij non sinerent uiuere, communiq. aura frui, nullamq. inesse haud dubie pectori religionem, iactare. At Paulus, excusso in ignem serpente, nihil ominino mali sensit. sed barbari tumorem, liuoremq. in corpore expectare, ociusq. collapsurum credere. Quod cum diu frustra expectassent, mutata sententia, Deum esse hominem existimarunt, cum resunderabiem, suppressere uim ueneni, non nisi caelitus dari crederent, Psyllorum elusis miraculis, & arte famosa curandi ueneni. Itaque, Paulus multis concionibus cum eos doceret, multi salutari lauacro expiantur. confitetur & Christum Publius, Insulae primarius, recipiente illius patre ualitudinem Pauli uirtutibus, cum febre, & aluei profluuiio diu laborasset. Hinc nulla posthac Iunoni, aut Herculi, (quorum uetustissima sana in Insula. cernebantur) habita fides: in Christum mira religio: & ex caclitibus in Paulum summum studium: illum Insulae patronum, illum tutelarem habent: illius uirtuti cuncta tribuunt. Ex eo enim tempore exarmatos ueneno serpentes ferunt, & sicut alijs in terris crudescere, atque mordere, contra in Melita mitescere, puerorumq. manibus atrectari, mulcerique. & Insulani passim per Europam lapillorum fragmenta, Pauli calcata uestigijs, ad depellenda uenena circumferunt. Paulus, Melita in Insula tribus moratus mensibus, insigni fama sanctitatis apud aecolas relicta, exoriente Pleiadum sidere, felici nauigantibus, conscendit Alexandrinam nauim, Castoris, Pollucisq. fratrum praeferentem insignia, sueta nauigantibus: quae in Insula hiemarant, soluensq. Syracusas deuenit, opus olim ante Marcelli uictoriam ingens, memoratumque, quod nunc prostratum ruinis adspicitur, tantum cui libet rei mortali tempus officit. Triduo moratus in Opido, nauigauit inde Rhegium, in Calabria sitam Vrbem,

bem, Siciliam respectantem; mox Puteolos, Campaniae Opidum, Cumis, Neapoliq. interiacens, aquarum salubritate, amoenitateq. loci pernobile, sed crebris, quotidianisq. terrae motibus intutum, desertur: Nihil illo sinu, qua Misenum promontorium, Baias, Cumas, Neapolimq. Surrento tenus mare lambit, in Italia amoenius, salubrius ue. Ergo, cum septem Paulus diebus Puteolis, nostrae religionis hominibus gratificatus, desedisset, tandem Romam accessit. Sed B. Hieronymus, scriptor praestantissimus, auctor est, Paulum, nondum adulto Neronis imperio; (quod primis Imperij mensibus, agente adhuc in humanis Britannico fratre, contigisse, par est) inuisisse Urbem, & a Nerone liberatum, Occidentalem orbem concionibus impleisse, adita Prouincia, Hispanijsq. peragratis. A primo dissentiunt ceteri, secundum amplectantur, & prodigia in illis terris stupenda, admirandaq. famam hominis extollunt, restanturque. Et re uera decebat illam Pauli diuinam uirtutem, atque incredibilem animi magnitudinem; calcaris Orientis fastu, obrutaq. ab Euphrate Thracia, Illyrioq. tenus gentium gloria, Euphratem Baeti, & Hircanum commiscere Oceano, tantaq. trophaea ad Orcadam, Pictonumq. conspectum in ultima figere Europa. At uero, in Urbem ut aduentare Paulum nuntiatum est, effusa piorum turba, ad Aprij forum, in Setino agro, tresq. tabernas, tertio & trigesimo lapide ab Urbe discretas, in conspectu Antij obuiam procedit. mira laetitia omnium mentes perstrinxit, ausam iam robore, & auctoritate Christianam militiam: iam nobilissimos duces, praestantissimosq. imperatores tanto uictoriarum fulgore micantes, Occidentis, Orientisq. uictores coiuisse in unum: recensere triumphos, & fusas, prostratasq. hostium acies memoria repetere, simulq. augustiora animo concipere: adesse iam extremum discrimen: et totis uiribus certandum. Ingens omnium in Paulo fiducia, quem modo per Orientem, ueluti fulmen, euagatum tanta sanctitatis fama, tantoq. uirtutis nomine florentem, sanctimonia aequalem Petro, inferiorem dignitate, electione superiorem, oculis contemplari, quisque haud incertam sibi uictoriam polliceri. Igitur Paulus, uno cum milite tantum dimissus, Urbem

ingreditur, anno a Christi ortu LIX. Imperij Neronis secundo, ab Vrbe uero condita CCXXXIX. Q. Volusio Saturnino, & P. Cornelio Scipione Consulibus, Iulio mense. datum illi, ut quidam uolunt, ad Mariae in uia lata hospitium. In somnijs iam illum Deus Petro adiutorem sponderat, acerrime iam cum Simone Sebasteno dimicanti, qui, infamia Neronis, & flagrantissimis libidinibus crescens, Populum Romanum uarijs praestigijs, ac cantaminibus infatuarat. Sed Paulus, triduo post, quam Urbem intrauit, nobilissimos Iudaeorum accitos, quorum effrenata rabies in Petrum mire augefcere, cum saepe certamine fracti, accisq. fuissent, leniter affatur: nequaquam ab se gentem Iudaeorum accusatum iri: aut se deprecaturum iniurias, quas omni tempore sibi Iudaei intulissent: non ita raptari ultionis cupidine, aut ita iratos sibi animos esse: longeque id alienum a Christi praecepto, ait. Responsum a Iudaeis, nihil litterarum his de rebus ab Iudaea sibi allatum, eum tamen propter claritudinem nominis a se libenter auditum iri: etsi intelligerent, sectam, quam ipse sequeretur, ubique explodi, atque eijci. Constituta disputationis die, Pauli oratio cum murmure excipitur. Sed Paulus, legatione Iudaeorum ab Hierosolymis nuper aduersus se missa, & infeste per Aliturum, mimorum actorem, Poppaeamque Sabinam, potentissimam apud Principem per meretriciam procacitatem, & oscula, conuulsis tori decore, atque concordia, exulcerato Augusti animo, haud trepide ipsum adiit Neronem, nec Poppaeae conspectum refugit, ad mitigandos mulieris spiritus adorato fastigio, non benigne exceptus ab Augusto, dimissus tamen per Urbem. Ferunt etiam, eum in Senatu, & apud Collegium Pontificum, causam grauissime perorasse, monstratis Christi cunabulis, & occultis mysteriorum, non sine insigni audientium stupore, reuocatis in memoriam Sibyllinis carminibus, & ueterrum ambagibus. Interim Paulus absentes socios litteris cohortari, caelestem gratiam praesentibus impertiri: sed surdis Iudaeorum auribus crescebat in religione gentilium numerus; consuebantque ad baptismum externorum greges. Siquidem non solum ipsa ueritas, magnis semper pectoribus accepta, & impro-

his gravis, utrum neq̃iam illa diuicta Pauli facundia, illa
 morum integritas, illa comitas, illa denique oris maie-
 stas, summa hilaritas, ac submissio, omnes in se
 trahebant. Itaque magnum statim in Vrbe nomen
 maius, per Italiam implente aures fama, concilianteq̃
 beneuolentiam, obliuiscere, quisque pius ad Urbem ui-
 dendi hominis studio, properaret, defixisq̃ in illum
 oculis, obstupescere non alloquio, ad spectuque, satia-
 ri subleuatae aerumnae, ac hominis miseriae, inter fac-
 uas Principis iras, gentisq̃ odium, largitate Philippeni-
 sium Epaphrodito legato cum pecunia misso, simulq̃ On-
 nesiphori, multorumq̃ discipulorum aduentu, qui ad
 Paulum, tamquam ex naufragio, euadentes, ueluti ad
 tutum portum, decurrebant. At Paulus semper docen-
 te domi, disputare, nostramq̃ religionem, per celeberr-
 mos, frequentissimosq̃ Urbis locos euulgare, tanta ois
 fiducia, tanta ualeus constantia, tantaq̃ libertate di-
 cendi, ut miserimas, fluctulentissimasq̃ temporum con-
 ditiones, minime perhorresceret, nam Nero, in infanda
 quaeque prorumpens, tanta scelerum mole, eam aetatem
 decurparat, ut satius fuisset (sichichas) mortalibus non
 nasci, quam ea conspiceret. Siquidem Iulia Agrippina
 mater, apud Baias, inuentibus facinus, sideribus, occi-
 dit, taeterimo gladiatore nec utero, nec uberibus, nec
 natq̃ parente maibbati, ad ipsa Festa Quinquartia, tra-
 scjdantur passim tot millia nobilium, uastatur Prouin-
 ciae diripitur Vrbs, & ad XIV. Kal. Sextiles, sacro in-
 condio uniuersa fere, absumitur, ne tanta immanitas in-
 mortales dumtaxat irascaretur. Tales infandi, patius il-
 infaustaeq̃, monstro datae lucis poenas altrix patria luit.
 Sed Nero, sumpta hinc, crudescendi libidine, in Chri-
 stianos omnem furorem effudit suum, illis incensam Vr-
 bem attribuens. Itaque atrocissimis poenis Christiani
 affligi, atque interim, pars in crucem agitur, pars capi-
 te mulatur, pars flammis torretur, pars bestiarum denti-
 bus lanjatur, gemente Populo, execranteq̃, taeterri-
 mum Principis ingenium, fessi tortores, fessae in constan-
 tia martyrum, & in delicatulis puellarum corporibus irae,
 nihil nostrorum in mentibus pauoris, cohortantibus Pe-
 tro, Pauloque, stabant quippe ingentes animae patatae:

neci, aduersus pericula impaudae; non tela, non facies horrentes: quarum in conspectu non modo lacryma, sed ne gemitus quidem morientium exaudiebatur. In laet modo ventosa Graecorum dicacitas puerili in patientia nocentem cruore Spartam, dum templorum ad aras, Euronamq. tenellos artus ednat. nulla illis certe laus, quippe sine sensu enatis, & nondum caeli serenitate fruentibus: at martyrum, in flore iuuentutis trucidatorum, constantia, quibus est celebranda praetonijs? Etenim fuit incredibilis; gloriosa, atque diuina, non pro leni aera, morituro ne extemplo rumore, sed ad decus sempiternum, & numquam finitura gaudia contendens. Torquebatur his igitur Nero: & se illud ratur, aciora tormenta moliri, multum excitante, stimulanteq. hominem Simone, qui, suapte libidine, & peruersitate animi, uaecors, amensque, totus in Apostolos ferebatur, quorum si dissidisset vires, (quas tremendas, & inuidias iudicabat) absque dubio reitarum victorem se fore; & iura gentibus daturum; sua iam Nerone iussa amplexante, depulsurumq. ex arce rerum Statorem sperare Iouem. Igitur omnia miscere, omnia instigare, tentare nobilium animos; accusare Apostolos, inflammareq. Neronem ad euertendam Christianam religionem. sed, duplici fractus acie, cum summa ignominia sceleratam uitam turpissimam exitu clausit. Sed Paulo tantae, sed inuisae sceleratissimae Principi, uirtutes, & Patroclus ad uitam repocatus, accelerauere exitum. Siquidem, concionante Paulo, occupato multitudine foro, Patroclus, a Caesaris potuulis, illiq. percarus, tractus fama Pauli, & audiendi hominis cupidus, superiorem in locum ascendit; ut non modius & sonitum uocis, corpusque, aure, oculisq. hauseret: Qui suauitate orationis diu delectatus, somno corripitur, prolabiturque, & spiritum exhalat; nam locus, quem corpore occuparat, alte asurgebat. quod, praemonstrante Deo, statim Paulus cognouit. Igitur, autolente gemitum populo, introferri ad se cadauer, iubet: cohortaturq. omnes, ut in commune id a Deo precarentur, excitat ex inferis, statimq. ad Neronem dimittit: si forte, eo admirando prodigio sese ad bonam frugem recipiens; infandam superstitionem ex animo demeret,

ret, Christumq. Dominum fateretur. Maestam interea infortunio, lugubremq. aulam, (quippe haud incerte Patrocli de morte fuerat allatum) uagus peruadis rumor, uiuere Patroclum, & exultantem ad Caesarem properare: mox festini nuntij (cum haud mediocriter adulescens ab omnibus amaretur, uirtute pulchritudinem, decusq. oris, ac corporis comitante) accedunt: ipseq. demum in medium Patroclus inuectus dubium exemit, cuncta in gaudium uertentibus amicis, quem Caesar accitum, percussus, atque attonitus, adspicere, totumq. legere oculis, & tantum, inopinatumq. miraculum uix ad animum transmittere: scortum impudissimum, eundem scopertum illecebris, cruore ciuium saginatum, moribus infame, alteriusq. prodigum animae hiscere, nec Dei magnitudinem metiri, cuius potentia insigne prodigium eue nisset, & ueluti in toro accubans insomnia agitare, detruso demum stupore, quaerit a Patroclo, num uiueret, & cuius benignitate, & opera, qui mortuus fuisset? Ille, se IESU CHRISTI Domini sui, Regis saeculorum omnium, beneficio, ac munere, & captare auras, & intueri Solem, respondit. Caesar, cum Christum saeculorum omnium Regem dici audiuisset, conturbatus est, auxitq. animi angorem, accedente tacito, & haudquaquam spernendo timore. id quod deinceps Patroclus addidit, fore, ut Christus omnia orbis imperia deleret, eiusq. uoluntati, quidquid haec uniuersitas rerum amplecteretur, subijceret, cum omnium ipse Regum maximus, atque opulentissimus, esset. Tunc Nero, expansa dextra, genam illi contundit, cum exprobratione: Ei ergo nomen dedisti? Quod cum annuisset, nonnulli, qui aderant ex suis, grauiter obliiti dedecoris, & Romanae memores generositatis, pristinos iam dudum spiritus, foedo oppressos seruitio, in libertatem uindicantes, urgere oratione, & animi fortitudine Augustum coepere, quod sapienter loquentem adolescentem intempestiua seueritate ultus esset, ad ueritatis iniuriam. nimis sibi hoc acerbum, nimis crudele uisum: ideoque, deuotis animis se illi quoque Regi parere, dixerunt. Tunc Nero, tumens ira, fremere, minitari, ostentareq. terrorem, & ire ultum arrogantiam.

gantium. Itaque omnes Christiani conquisiti, una cum Paulo, ad Neronis conspectum rapiuntur. omnium graue silentium, & in Paulum uersa ora, adeo, ut facile intelligeret Nero, illum omnium Imperatorem esse. Ad quem uersus, interrogat, qua fronte, animorumq. fiducia, aduersus Romanas opes, & in ipsam rerum arcem, irrepere ausus esset; ut agmina populorum, Christo, quem Regem suum attolleret, uenerareturque, inde auulsa; conciliaret, ad dedecus penatium, conturbato Reip. statu. Paulus non ex illo dumtaxat fere orbis angulo, sed ex omnibus Prouincijs, gentibusque, centurari ab se militem, & pro Christo euocari ad signa, respondit. sic imperatum, sic placitum, neminem a signis, & a praetorio, castisq. auelli, praebito militari sacramento, depulsisq. piaculis per paenitentiae lauacrum; nec iam interclusum illi aditum a tam praestanti generosissimorum uirorum militia, sacrisq. uexillis, praeclarissima spolia relaturum cum sempiterno gaudio in conspectu regnantis aeterna in aeuum, orbemq. terrarum disceptatis, libratissq. scelerum, meritorumq. caussis iudicaturi, uel ambiente hanc molem flamma, & saeue depascente cum excidio rerum omnium, interituque. Qua denuntiatio- ne, ueluti facibus admotis, geminata amittendorum facis formidine, saeua regnantium peste, ad aeternas aerumnas, rursus furere, & inardescere animo Augustus, turgentibusq. uenis, & rigente coma horrendus, Ergo ne (inquit) terrarum orbem, cum tot clarissimorum uirorum insignibus diuulsum; ruentemque, & depasta flammis Capitolia, uastosq. cum toga fasces, fractasq. curules, adspiciam? tot Caesarum decora, tot trophaea, totq. monumenta rerum, tuta fulmine Iouis, Martisq. terrore, ignotus homo uastabit? Pro dolor & eo ne miseriarum terribilis etiam caelo pubes, & uere Romana progenies, deuenit, ut uilis, laniatq. in Cruce hominis inanes minas, & dira uota pauescat. Tantum ne, Paule, Deus iste tuus in nos audebit? Desine, miser, has iactare nugae, cessabunt statim uerba, anilesq. fabulae, ac stolidae ferocia, ubi uirgarum crepitus, & horridam in necem secutum adspexeris; quantumq. inter me, tuumq. Deum in- eris; intelliges. Itaque, liatores, istius ceruicem, ab-
scindite

scindite, in contumeliam illius magni Dei. suo cruore
 offensa Romana numina placabit, & altera mactabitur di-
 gna Simoni uictima. Cui Paulus: Poenae, Caesar, quas
 nobis minaris, quasq. atrocissimas credis, perexiguæ, ac
 summo opere iucundæ, acceptæq. apud nos sunt, quippe
 quæ non incertam nobis, præcellentemq. æterni trium-
 phi materiam gignunt. tuam equidem uicem doleo, quem
 sempiterno interituum occasu intelligo. & ne pro inani
 fabula, (sic enim tu ueritatem nuncupas) quæ antea pro-
 tulimus, uideantur, simulq. intelligas, Christi potentiam
 nec morte, nec uita finire, etiam post datam ceruicem me
 tibi uiuentem ostendam. Excepta inter risum, admi-
 rationemq. Pauli a Caesare oratio: inde Megisto, & Are-
 sto, (liberatus enim una cum Petro a Processio, Martinia-
 noq. fuerat, quos, enato mirabiliter scaturientis aquæ
 fonte, in ipso carcere baptismate expiarat) traditur, ut
 quamprimum extra Urbem securi feriretur, eo illi suppli-
 cij genere irrogato, propter ius Romanæ Ciuitatis. Tra-
 ctus ad necem Paulus, haudquaquam pristinae uirtutis,
 ac consuetudinis, obliuiscitur. nam, præclara oratione
 Caesarianos armigeros aggressus, eo flexit, ut hi Chri-
 stianam religionem ocissime amplecterentur. Cumq.
 nuntius eius mortis, ac supplicij serius, quam Nero opta-
 ret, (expauebat quippe uiuentem, ingentiaq. expecta-
 bat) ueniret, duos iterum e Praetorianis, Feregam, at-
 que Partemium, mittit, qui uiderent, an securi concidis-
 set. Hi Paulum, incredibili ardore, in magna populi fre-
 quentia, de Christi uirtutibus, operibusq. differentem, re-
 perere. Quos, aulæ insignibus notos, ut uidit Paulus, Ve-
 nite (inquit) & uos, filij: credite in Deum unum, filiumq.
 eius IESVM CHRISTVM, ut animorum uestrorum salus,
 statusque, æternâ permaneant in perenni felicitate loca-
 ta. Responsum a Praetorianis, de religione, ac numi-
 nibus non ultra disceptandum: spectatores mortis ipsius
 se a Principe missos: id sibi nunc curæ esse: ceterum ad
 ignota numina, & caelestia externæ disciplinæ arcana, a
 morte eius resurrecturi ab inferis, tunc studium, curamq.
 applicaturos, referunt: seu id ab insito aulæ fastu, ac mi-
 litari derisu, pronuntiatum, seu quod ita sentirent, & in-
 credibile his uideretur, ut mortuus ad uitam reuocaretur,
 exopta-

exoptarentq. religionem, quam essent culturi, hoc singulari confirmari prodigio. Paulus, eorum uoces benigne excipiens, annuit, non ultra miraculum fore, quae uel, lentipostera die uisuros spectaculum, auditurosq. ex duorum uirorum Titi, ac Lucae ore haud incertae rei seriem, reticendum ue arcanum. Vix ista elocuto, alij duo a Caesare missi superueniunt, qui raptum hominem extra Tergeminata portam educunt, uadentiq. ad supplicium Paulo, sit obuiam Plautilla, matrona illustris, & castitate morum, & specie corporis, & natalium dignitate, & felix simul utero, quae iam tota, Petri, ac Pauli opera, addita Christo, graui ter dolore nexari, cum passim tot Christianorum corpora ferro sternerentur, nullusq. caedium terminus fieret. haec, muliebriter sentem, placide consolatus Paulus. uelum ab ea, quo obtegebatur capillus, ad substringendos, operiendosq. oculos, morte maiorum, petit: idem se illi uelum redditurum confirmans. Inde ad Saluias aquas (III. ab Urbe lapide, locus dissitus) est deuentum, ubi satelles Paulum, aptare ceruicem, & protendere collum, iubet. Igitur, extremam horam praesentens, spectansq. Orientem, expansis ad auras, caelumq. manibus, cum lacrymis diu orasse perhibetur: inde, salutatis fratribus, qui profecuri cum fuerant, dataq. his pace, ad genua procumbens, salutari Crucis signo effulgens, munitusque, adigente satellite ferrum, ceruicibus orbat, sanguine lacti misto carnificis uestem irrorante, ad certum haud tactae signum castimoniae, integritatisque, qua in omni uitae cursu supra ceteros excelluit. Abscisso autem Pauli capite triplici saltu sese sustollente, tres statim perennis aquae fontes emersere, quam religionis ergo hodie potamus. Ita & Pauli uita, & mors illustrata miraculis. Corpus eius Lucina, Senatorij ordinis, matrona nobilissima, honorificentissime suo in praedio, uia Ostensi, tumulapit. Templum uero, proprius ad Verbum, illi, ingenti opere, ac laxitate digna, Romanis animis, pietateq. Constantini, Caesarum Augustissimi, & Honorij, ac Valentiniani III. erigitur, quo in loco caput micanti super illud facie monstratum est. Corpus, autem, & ipsum caput, ubi asseruentur, in Petro explicauimus: qui eo ipso die ad laniculum Crucis supplicio

plicio fuit affectus: ambo praefulgenti coronae nobilitati, iunctis, complicatisq; dextris Romam intrare uisi sunt; ne, quam uolentes non obtinuerant; e corporum uisceribus relaxati obtinerent; pulsosq; procul superstitionibus, discitisq; infantium Deorum simulacris, ibi tutelares haberentur. Inclyta profecto, ac summo opere fortunata Roma, quae, duorum sanctissimorum uirorum caede cruenta, bustisq; sacrata, illorum auspicijs, ac patrocinio tuta confedis, tantisq; pressa aerumnis, in tanta seditionum lue, prope ad oceanum prolapsa, inuicta illorum uirtute permanens, hostibus tremenda, Oceaniq; transgressa undas, iam ad Antipodas, quos tuorum non uiderant arma Caesarum, nec illa funesta populorum cruore, perq; barbariem circum lata gentium signa, aquilaeque, imperium, ac iura extendisti. At Paulus, absterfis Plautillae lacrymis, mitigatoq; angore, & simul tradito recenti adhuc sanguine perfuso uelamine, cuius ergo a Caesaris equitibus diu in contemptum irrita matrona fuerat, oclusis foribus, Neroni se inopinato ostentasse dicitur, Caesare summum in terrorem coniecto, exanimatisq; amicis, quorum consilio Patroclus, multiq; alij Christiani a Tyranno dimittuntur.

Et haec de magno PAVLO referuntur. Vixit annos LXIIX. ex auctoritate Ioannis Antiocheni, cognomento Chrysostomi, sapientissimi, eloquentissimiq; Doctoris, alij scribunt LXII. Tres & triginta postquam a Christo uocatus fuit, XXXV. autem erat, quando Christo se adiunxit: etsi adolescens a sacra nuncupetur historia. Scripsit XIV. quae exstant, epistolas, in quibus mira pietas, sententiarumq; ubertas instricto, incitatoq; dicendi genere elucet: quarum Ecclesia fulta praesidio efferuescentes descendentium impetus compefcit, totq; per orbem grassatas impietates, dirissimosq; per Europam nouissime haereseos uolitantes errores contundit. Itaque furentes Arrij, Sabellij, ceterorumq; perditissimorum hominum impietates Pauli doctrina, & mirificis scriptis stratas adspicimus. Lutheri uero, ac Caluini breui ruituras speramus, quibus Germania internis concussa dissidijs, multis a barbaris fracta cladibus, obscurataq; ueteri gentis gloria, quae quondam terribilis populo Romano exstitit,

existit, prope interitum devenit, & Gallia tantis quon-
dam clara nominibus, cum Britannia tætrum bellum, &
feralia arma sua in viscera torquet, uel cum timore exte-
ri seruitij. Quapropter merito, & diuinitus a picto-
ribus, sculptoribusq. pictum, fictumq. cum
nudato ferro Paulum contemplamur,
cuius mucro opposito aere, ferroq.
hebescit, resunditurque, nec
hostium, rebelliumq. san-
guine exsaturatur, at-
que mitescit.

ROMAE

CISIOXCVII

Ex Typographia Antony Zannetti.

Superiorum Permissu.

Vidit, & approbavit Fr. P. Io. Saragosa, Magister,
& Socius R. P. Magistri Sacri Palatii.

Emendanda.

In B. Petri Vita. 1. 15. eius Imperij. 9. 12. gentium momenti flaret.
 7. 33. periculi 8. 21. caritatisq. 12. 21. crapulam, 18. 27. impuissimum,
 20. 1. elatissimi 20. 17. Caesaream 21. 27. Parthi cis. 21. 31. famola
 24. 39. mirisq. 25. 21. labaret, 27. 21. instituitq. 28. 1. intuta 28. 34.
 scriptores. qui 30. 13. moderatori, 31. 26. ueritate 32. 6. multa de sorte
 conq. 31. 36. circumfederat t. 35. 16. praescium iam mortis.
 In B. Pauli Vita. 3. 23. iamdiu 6. 6. expertus carius dilig. 8. 18. ostrum,
 9. 14. Lycaonice 10. 24. Bitynia 12. 7. par per scelus, 13. 23. Hinc
 13. 26. cuncta 14. 13. locutus fertur. 15. 30. edidit, 17. 11. disiumpi,
 18. 3. Sylaeque aduentu, acr. 23. 26. precatur, 30. 1. & 27. in hanc
 sententiam. 33. 8. cunctis 42. 11. ignescere, 46. 14. castrisq. 49. 18.
 contemptum Pauli irrita 50. 7. mucro nullo opp.

Index

1. The first part of the index is a list of the names of the persons who have been mentioned in the text. It is arranged in alphabetical order, and each name is followed by a reference to the page on which it occurs. This part of the index is very useful, as it enables the reader to find at once the names of the persons who are mentioned in the text, and to see on what pages they are mentioned. It is also very useful for checking the names of the persons who are mentioned in the text, as it enables the reader to see at once whether a name has been mentioned or not.







